

**SIXTH LEGISLATIVE ASSEMBLY OF MIZORAM
(THIRTEENTH SESSION)**

LIST OF BUSINESS

FOR SECOND SITTING ON WEDNESDAY, THE 13th MARCH, 2013
(Time 10:30 AM to 1:00 PM and 2:00 PM to 4:00 PM)

QUESTIONS

1. **Questions** entered in separate list to be asked and oral answers given.

ANNOUNCEMENT

2. **THE SPEAKER** to announce Panel of Chairmen.

PRESNTATION OF REPORTS

3. **THE SPEAKER** to present to the House the Thirteenth Report of the Business Advisory Committee for the current session.

DISCUSSION ON MOTION OF THANKS

4. Discussion on Motion of Thanks on the Address of the Governor (to be concluded).

NGURTHANZUALA
Secretary

....

S P E A K E R : Rorelna dik chu lui angin luang sela, felna chu luipui kang ngai lo angin luang rawh se.

Amosa 5:24

Kan tih turah kan kal ang a, zawhna leh chhanna hun kan hmang ang a. Starred Question No.1 zawt turin member zahawm tak Col.Z.S.Zuala ilo sawm ang.

Lt. Col. Z.S. ZUALA : Pu Speaker, ka lawm e. Minister for Environment & Forests Department-in khawngaihtaka min chhan turin – Mau chang neilo feet 60 a sei hi khawiahnge a awm?

S P E A K E R : Chhang turin a changtu Minister zahawm tak Pu H.Rohluna ilo sawm ang.

Pu H. ROHLUNA, MINISTER : Pu Speaker, member zahawm tak Lt.Col.Z.S.Zuala zawhna chhanna chu – Mau chang neilo feet 60 a sei hi a awmna hriat a ni lo.

S P E A K E R : Zawhbelhna pawh a ngai lem love. Minister-in a hre lova, chuvangin, House-in kan hre lovah ngai mai ila. Zawhna Starred Question No.2-naah kan kal ang a, zawt turin member zahawm tak Pu Lalduhoma ilo sawm ang.

Pu LALDUHOMA : Pu Speaker, Social Welfare Department changtu Minister zahawm tak chhan atan ka zawnate chu :-

- (a) Kum 2010 leh tun inkarah hian State Level Coordination Committee for Persons with Disabilities hi vawi engzatnge a thut tawh?
- (b) Person with Disabilities Act hnuiaia rualbanlote tana 3% hna reservation hi a takin kalpui a ni chiah em tih a ni.

S P E A K E R : Chhang turin a changtu Minister zahawm tak Pu P.C. Lalthanliana ilo ko ang.

Pu P.C. LALTHANLIANA, MINISTER : Pu Speaker, member zahawm tak Pu Lalduhoma zawhna chhanna chu hetiang a ni :-

- (a) Kum 2010 leh tun inkarah hian State Level Coordination Committee for Persons with Disabilities hi vawikhat chiah a thu. i.e. 30th January, 2013.
- (b) Persons with Disabilities Act, 1995 hnuiaia rualbanlote tana 3% hna reservation hi a takin kalpui a ni a. Hriat theih chinah a hnuai ami te hi Department hrang hrangah appoint an ni.
 - i) Group A – 5 (including MCS & MJS)
 - ii) Group B – 3
 - iii) Group C – 12
 - iv) Group D – 10

Hei hi hriat theih china kan chhan theih dan a ni e, Pu Speaker.

S P E A K E R : Zawhbelhna Pu Lalduhoma.

Pu LALDUHOMA : Pu Speaker, heng mite hi society-ah pressure na tak siam ve theilo te an ni a. Chuvangchuan, ngaihsak bikte pawh hi an tul a. A ngaihsaktu tur ber Committee hi a thu khat em em mai a. Chuvangchuan, hei aia zing deuh hian that theih a ni tawh angem tih ka zawhbelh duh a. Tin, 3% reservation pawh hi department-in hna a lak dawn hian an mangnghilh deuh thin niin alang a. Heng Disabilities te tana reservation hi a awm leh awm loh pawh ngaihtuah lemlo hian tam tak hi an kalpui niin a lang a. Chuvangchuan, chiang zawka circular te pawh na deuh zawka siam a, an thawh ve theih awm chin a awm chuan an right na na na hi chu pek ve dan ngaihtuah lehzual theih a ni angem tih ka zawt duh a. A tawpna atan chuan Central lam khuan hengho pual bika employment exchange hrang liau liau din an duh a. Amaherawhchu, sumte pawh a din nan min rawn pe tawh thin nain kan din thei lova. A hrampaa employment exchange han neih em te phei kha chu a tul lutuk lo mai thei a. Kan employment exchange-ah hian mi 2/3 lek te pawh ruaiin cell te pawh hi a hawnsak ve theih lawm ni? anmahni lo ngaihsak biktur tih ka zawhbelh a ni.

S P E A K E R : A chhang turin a changtu Minister ilo ko ang.

Pu P.C. LALTHANLIANA, MINISTER : Pu Speaker, kan member zahawm takthahnemngaihna kha dik viauin ka hria a. State Level Coordination Committee hi kan thu zing lo khawp mai a, keipawh pawi ka ti a. Tin, rualbanlote enkawlna kawngah hian a Nodal department ang a Social Welfare hi hmang kan ni a. Thildang tam tak buaipui nei chungin kan kalpui a, chu chuan duh angin heng mite tan hian chak zawka hmalak a tihharsatna lai a awm a. Amaherawhchu, tunah hian he P.W.D. Act-ina a phut angin Commissioner te pawh State-in kan Chief Minister zahawm tak thahnemngaihnain min dinsak ta a. Heta Section 61-naah chuan – he Commissioner office-ina a tihtur tam tak heng mite tana hamthatna department pawhin an lo titha lo deuh anih pawha enpui a, monitor a chutianga kalpui tur chu a ni a, danin a phut ang takin. Chutiangchuan, vawiinah Commissioner te kan han nei ta a, tunah chuan tun aia chak zawkin kan kalpui theih a rinawm a ni.

Tin, member zahawm takin a sawi ang khan 3% reservation hi department lam hian kan ngaihsak tawk lo em tih hi kan inzawhna theuh nise tih hi vawiinah hian ka duh khawp a. Kum 2007 ah khan Mizoram sorkarin heng rual banlote tan bika post hi a identified vek a. Post 873 a identified a ni. Chung ang chu department te hian post ruak kan neih leh engemawah te khang ang kha kan ngaihpawimawh a tul a. Chung chu vawiinah hian ka'n sawi thar leh duh a ni.

Tin, an tan bika special employment exchange hawn hi sum tam tak a ngai a, mahse, tunah hian danin a phut a nih rualin kan district employment exchange te Lunglei, Aizawl leh Saiha te hi heng atan hian kan ring ve nghal bawk a ni tih kha ka'n sawi belh duh bawk a ni e. Ka lawm e.

S P E A K E R : Awle, zawhna 3-naah kan kal ang a, zawt turin member zahawm tak Pu P.P. Thawla ilo sawm ang.

Pu P.P. THAWLA : Pu Speaker, ka lawm e. Transport department enkawltu Minister zahawm tak chhan atan ka Starred Question No.3-na chu –

(a) Mizoram sawrkarin Transport Department Re-structuring a ruahman peihfel a ni tawh em?

(b) Saiha, Lawngtlai leh Lunglei-ah te hian Station Superintendent an awm tawh dawn lo em ni? tih a ni e.

SPEAKER : A chhang turin a changtu Minister zahawm tak Pu P.C.Zoram Sangliana ilo sawm ang.

Pu P.C. ZORAM SANGLIANA MINISTER : Pu Speaker, member zahawm tak

Pu P.P. Thawla zawhna chhanna chu –

(a) Re-structuring hi a then peih tawh a ni a, a then la peih loh a ni e.

(b) Saiha, Lawngtlai-ah te hian Station Superintendent hi dah a ni dawn tawh lo, DTO enkawl tura tih an nih avangin. Lunglei-ah Station Superintendent dah sa hi la awm chhunzawm tur a ni tih a ni e.

SPEAKER : Zawhbelhna, Pu P.P. Thawla.

Pu P.P. THAWLA : Pu Speaker, ka zawhbelhna chu –

(1) Saiha leh Lawngtlai a kan DTO te hi MCS Senior Officer te an ni a, DTO leh BDO hna an kawp a, BDO lamah hian hna alo tam bawk si a, chuvangchuan, Transport Department kalphung Mizoram State Transport dan kalphung lamah hian tlemin harsatna a awmin ka hria a. Chuvangchuan, hei hi BDO a hrana dah ,DTO a hrana dah ni mai sela a theih lawm ni tih ka zawhbelh duh a.

(2) Kawlchaw East a MST hoin laklawh thil thua Office building angrenga an neih thin building kha a awm tawh lova, hei hi tu thua thiah nge anih a, a thiahna bungruate hi eng atana hman nge a nih? tih ka zawhbelh e.

S P E A K E R : Pu H. Zothangliana, zawhbelhna.

Pu H. ZOTHANGLIANA : Pu Speaker, ka lawm e. Lawngtlai DTO leh BDO hna chelhkawp mek kha siamrem a, DTO hi a hrarpa liau liaua mi pakhatin a enkawl zui tura tih a ni tawha hriat a ni a, a dik em? tih ka zawhbelh e.

SPEAKER : Awle, chhang turin a changtu Minister zahawm tak ilo ko ang.

Pu P.C. ZORAM SANGLIANA, MINISTER : Pu Speaker, a zaghna neitupain a rawn zaghna DTO te MCS Officer tena an kawp hi hna a hautak si a, helai hi anmahni department atangin a dah theih mai lawm ni? tih kha kan department thahnem min ngaihpuna leh hma chak zawka lak theihna tura rawtna a rawn siamah ka ngai a. Kan duhthusam a ni. Amaherawhchu, 2008 kuma Cabinet Meeting-in Re-structuring he department atana a lo ruahmanah khan he department a post thenkhat tihtlema chuta a siam rem theih apiang siam rem tur khan hmalak niin, tunah phei chuan chhanna kan pek tawh ang khan engemaw zat chu a tamber zawk 75% lai a ni tawh a, chu chu tihfel tawh a ni a. Chungte anih avang chuan hun hmasa a thurel zahawm tak te kha he department hian ala bawhzui zel zawk a ni tih min hriatsak turin ka duh a.

Tin, heta department pakhatin thu han tihtluk mai theih pawh a ni lova, khang thu rawtna zahawm takte kha department ang pawn kan lo hria ang a. Sorkarah pawh kan lo thlen zel dawn a ni tih ka sawi tel duh bawk a ni.

Tin, Kawlchaw East a department building awm thin a awm ta lo a, tu thuin nge a awm tak loh han tih lai tak kha Pu Speaker, re-structuring nen alo inkaihnawih vak lova, ka lo inbuatsaih chiah lova ka chhan sual ka hlau va, hetia va hriat duh mai theih chu ka nei a, mahse, a tul anih leh ziakin nakinah session chhung hian Member zahawm tak kha ka la hrilh zawk dawn nia. Chu chu member zahawm tak khan a pawm ka beisei a.

Tin, Lawnglai East bialtu zahawm tak Pu H.Zothangliana'n a rawn zaghbelna chungchangah khan helai bawrah hian DTO Superintendent awm tawh lova, DTO enkawl tura tih a ni e, Lawnglai hi.

S P E A K E R : Tunah zaghna 4-naah kan kal ang a, zawt turin member zahawm tak Pu K.Lalrinthanga ilo ko ang.

Pu K. LALRINTHANGA : Pu Speaker, Animal Husbandry & Veterinary Department Minister zahawm tak hnena ka zaghna chu – NLUP Trade atana bawng vulh thlangtute pek an nih tak hnu hian Mizoram-ah bawngnute a pun belh em? tih a ni e.

SPEAKER : Chhang turin a changtu Minister zahawm tak Pu Nihar Kanti ilo sawm ang.

Pu NIHAR KANTI, MINISTER : Pu Speaker, member zahawm tak Pu K. Lalrinthanga zaghna chhanna chu hetiang a ni :-

NLUP Trade atana Bawng vulh thlangtute pek an nih tak hnu hian Mizoram-ah bawngnute a pun belh. Aizawl District a bawng lian dawngtute bawngnute a pung tawh a, MULCO atanga thu kan dawn danin nitin 2600 litres in bawngnute MULCO in a lak ringawtah pawh a pung. MULCO a Bawngnute chhung loah pawh engemaw zat chu a pung nia hriat a ni. Kolasib District lamah pawh bawnglian hi pek an ni tawh a, nitin litre engemaw zatin bawngnute a pun belh kan beisei a ni.

SPEAKER : Zawhbelhna, Pu K.Lalrinthanga leh Pu K. Liantlinga.

Pu K. LALRINTHANGA : Pu Speaker, Minister zahawm takin min hrilh belh tur atana ka zawhna chu, kha bawngchnute kha a pung nasa hle a, a lawmawm ka ti a, lawmthu ka hrilh duh a. Chutih rual chuan, NLUP 1st phase-ah khan tizat khan bawngchnute a pung a ni a. 2nd phase-ah bawng vulh turin trade pek leh tur a ni a, 3rd phase-ah pawh engemaw zat a awm tih kan hria a. Chung atang chuan nasa takin bawngchnute a pung dawn niin alang a. Chumi Bawngchnute lo pung tur chu Mizo mipuiten tuna kan hrall a thingpuia kan pawlh a, inah te kan hman hian kan lei seng lovin a rinawm a. Chumi atan chuan a dang kan lei mai theih bak kha tam tak a chuang a awm dawn niin a hriat a. Chumi chu a process lehna tur atan department hian eng angin nge hma alak tih hi min hrilh thei em? Tuna opposition member zahawm tak takte nen kan hriat tlan atan hian min hrilh se thain ka hria a. Nakinah kan hre ve lo te an ti ang tih ka hlau va. Chutiang chuan ka'n zawt duh a.

Tin, a dang leh ka hriat leh duh chu NLUP bawng kha a rawn thlen hlim khan engemaw zat a thi a. Chu Bawng thite chu mi thenkhatin, an fel angreng a, mi hmangaihnate an ngah a, an han ral a. Cheng engzatin nge an ral tih ka hre duh a. Tin, chu mai bakah chuan khang Bawng thi raltute khan an hmangaihna avangin Sihphir khuua mihring ral pakhat tal an nei tawh em? tih ka zawt tel duh bawk a ni.

SPEAKER : Pu K. Liantlinga.

Pu K. LIANTLINGA : Pu Speaker, ka lawm e. Kan Minister zahawm tak ka'n zawhbelh duh chu, NLUP chungchang kha a main question chu a ni lo a. Amaherawhchu, Mizoram-ah hian bawngpui hnute sawr chi hrim hrim hi engzat nge kan vulh? A District wise-in emaw, a district wise lo pawn a State wise pawn min hrilh thei sela. Tin, bawngchnute hi tuna AH&Vety Department hian Statistic emaw siam a ni em? Kum khat chhung hian kan requirement engzat nge kan ei ral? Tin nitina tharchhuah te hi eng ang nge? tih lai kha ka'n zawt a ni.

Tin, ram pum huapa kan mamawh zat leh kan thar chhuah zat atang hian engtiangin nge hmalakna, ruahmannan an neih tih ka zawt duh a. A chhan chu tuna kan zawhnaah khan Opposition lamte hriat turin a rawn zagh ang bawkin, ruling lam zawng zawng, ruling-tena an hriat tur khan eng ang assessment nge awm a, statistic fel tak nei turah ngai ta ila. Heti khawpa Sorkarina hma a la a nih chuan roreltute leh Zoram mipuite hriatah min han chhang thei se ka duh a ni. Ka lawm e.

SPEAKER : Awle, a chhan theih chuan han chhang sela. Statistic lampang daih chhan turte pawh kha a rawn ri nual a. Mahse, a chhan theih chuan han chhang phawt sela. Minister zahawm tak Pu Nihar Kanti Chakma ko ang.

Pu NIHAR KANTI, MINISTER : Pu Speaker, ka lawm e. A zawhna neitu Supplementary zawhna chhang hmasa phawt ila. NLUP 1st Phase-ah hian bawnglian vulh, Diary Farming thlangtu mi 949 an awm a. Hengte hian pahnih theuh NLUP

hnuai atangin an dawng tur a ni a. A vaia bawng dawng tur chu 1898 pek tur a ni. Pu Speaker, tun dinhmunah chuan hetiang hi a ni. La tur zawng zawng chu 1898 a ni a, a la tawh zawng zawng chu tun thlengin 1608. A balance chu 290 a ni a, hei pawh hi reilote chhunga sem kan beisei.

Pu Speaker, official-a kan chhut danah chuan NLUP 1st Phase atang ringawt in kum khat chhungin Bawngchnuteah 42lakhs litres thar chhuah kan beisei a. Aizawl District-ah MULCO-ah NLUP pawh a awm hma khan nitin 7000 litres a lut thin a. NLUP Bawng dawn hnuah chuan nitin 9600 litres in a pung a ni.

Pu Speaker, helaia ka sawi duh chu, Mizoram pum puiah 1898 Bawng kan lalut a nih chuan bawngchnuteah pawh litre singhniha pung turin kan beisei a ni. Hei hi thu lawmawm a ni a. Chuvangin, 2nd Phase leh 3rd Phase-te pawh a la awm bawk a. Hei hi kan sem zel chuan Mizoram hi White Revolution a thlen theih hi kan beisei a ni.

Pu Speaker, hei Bawngchnuteatanga thil siam tur, entirnan, Paneer te, Ghee te, Rasogula te siam nana hma lak mek a ni a. Hei thu lawmawm kan Chief Minister kaihhruina hnuah NLUP atang bawkin cheng nuai 350 bawr vel hmu turin kan inbeisei a. Hemi hmang hian Chhingchhipah Production Centre hi din kan tum a ni. Tin, zawnha dang bawng engzat nge thi tih kha, Pu Speaker, a ral zat tur chu kan hre lo va. Amaherawhchu news a kan hmuh dan erawh chu ₹ 300/- in MNF thalaiin an ral ni awm tak a ni ka hriat sual loh chuan. Mihring an ral tih pawh kha ka hre lo a ni. Pu Liantlinga zawnha chhanna kha chu, statistic in Mizoram pumpuiah bawng eng zat nge vulh tih erawh chu ka hre thei lo va, NLUP erawh chu nichinah chiang deuhin ka hrilh a. Engpawh ni se, kha kha chu remchang hmasa berah ziakin Session chhungin kan chhang dawn nia.

Pu LAL THANHAWLA, CHIEF MINISTER : Pu Speaker, ka sawi belh duh lawk a awm a. Bawng, a tira thi kha thil vanduai thlak tak a ni a. A lehlamah chuan sorkar mawh a ni chiang bang a, kan pha lo va. Ni 14/ 15 nipui sen sa hnuah Truck hnungah an rawn phur a ni a, keini phei chu min phur se kan thih loh pawhin kan zawi hle ang. Chumi an rawn thleng tir kha engemaw ti a dah hran a an hriselnate endik nachang kan lo hre lo va, chuvang chuan a thi ta thenkhat an awm a, tute emaw ni chu an lawm hle ni pawhin a lang a. Amaherawhchu, Depaprtment-in an han bei chho zel a, a lo thleng belh zel a, Serchhip, Thenzawl leh a piah lampangte pawh a thleng tan tawh ni awm tak a ni a Zote thlengin. Tuna problem ta zawk chu beneficiaries te tan a feed a hi a ni a. A feed pangngai pek loh chuan litre 15/20 chuang a hnute sawr theih kha a phak dawn lo a ni. Amaherawhchu tun Inrinni a chhim lam hmun then then ka va kalnaah pawh chu chu an lo sawi ber a ni a. Chu chu sorkarin kan la ngaihtuahpui dan tur a awm mai thei a, a tul mai thei a, subsidise-in kan ti thei a ngem ka hre lo va. Tin, tunah hian kan bawngchnute deh chhuah hi a pung nasa hle a, Aizawl chheh velah hian litre 2500-3000 inkarah a pung a. MULCO in a hralthna an neih vak loh avangin discount rate-in an pe a. Heti reng hian sorkar hi a kal thei dawn lo va, chuvangin treatment plant tunah hian nuai 350 man thla 5 thla 6 chhung a Chhingchhip a install tum a ni. Chumi kan tih hunah chuan kan bawngchnute chuang bang zawng leh chuang lo pawh leiin ghee-ah te, paneer-ah te, butter, engkim chi hrang hranga siam tum a ni a, chutiang

chuan tunah hian ruahman a ni a. Tin, an la lakkluh zel dawn avangin Serchhip-ah khian collection centre leh preservation centre bun an tum bawk a ni. Chutiang chuan tunah hian a lo pung zel chho tur kha a vulhtute an mangan lohna turin sorkarin hma lakna a nei tih kha House ka hrilh duh a ni.

Pu K. LIANTLINGA : Pu Speaker, ka zawhna kha min la chhang mumal lo riauin ka hria a. A chhan chu Department hmalakna a awm a, NLUP bawng 1600 leh tih kha Mizoram ei khawp a ni lo hrim hrim a. Chuvang chuan department ve riang ruang chuan kum khat chhunga kan mamawh te, a kum leh a kan thar leh tur te, kumina kan thar chhuah ang chi te kha chu engkim mai record nei fel turah ka ngai a. Tin, ruahmannna engtin nge a siam entirman, Kuminah litre nuai 5 pawh lo thar ta sela, a kum lehah chuan litre nuai 6 kan beisei ang, chutiang khatiang tih tal kha eng ang nge. Tin, daily a kan requirement te hi engzat nge tih kha min chhang thei hram sela ka duh a. Tin, tuna min chhang thei lo a nih pawhin Session chhung tal hi chuan min chhang thei se a thanin ka hria.

SPEAKER : Awle, a lawmawm e. Minister pawh khan a sawi tho a, chair atang pawhin a statistic lampang kher hi chu te pawh ka ti tho a. Mizorama ran awm zawng zawnge pawh hi a statistic chu neih vek a ni a. Tin, kan Member zahawm tak khan khami project kal zel a ruahmannna kha an hre duh a ni a. Chu chu Department-te khan an lo nei a nih chuan, Member zahawm tak a ni a, session chhung ngei pawhin pek a inhuam thoin ka hria a kan Minister khan, ti rawh. Le kha kha lo hria sela, duh tawk ang aw.

Tichuan question no 5-ah kan kal ang a, zawt turin Member zahawm tak Pu Lalthansanga i lo ko ang.

Pu LALTHANSANGA : Pu Speaker ka lawm e. Ka starred question 5-na. Public Health Engineering changtu Minister zahawm takin min chhan atana Biate Composite Water Supply Scheme tun thlenga sanction an la hmuve loh khi engnge a chhan tih ka zawt e.

SPEAKER : Chhang turin changtu Minister zahawm tak i lo ko ang.

Pu S. HIATO, MINISTER : Pu Speaker, Pu Lalthansanga, MLA zahawm tak zawhna chhanna chu Biate Composite Water Supply Schheme tun thlenga sanction la hmuve lohna chhan chu Central Public Health Engineering and Environmental Organisation (CPHEEO)-in Technical appraisal a pek theih loh vang a ni a, pek thuai beisei a ni.

SPEAKER : Zawhbelhna, Pu Lalthansanga a dawtah Pu K. Lalrinthanga.

Pu LALTHANSANGA : Pu Speaker, hei hi kan tinawn ngun tawh khawp mai a. Kan Minister zahawm tak, kan Health Minister Pu Rinliana pawh hian “Kan sokar chhung hian ka ti ang,” a ti a. Chutiang khawp chuan he House-a kan that ve tirh atangin zawhna a ni tawh a. Kha tunah chuan a buai thlakna hi tuna hi a awm vek tawh mai a, engati nge querry awm reng maia an tih hi, a chhan tak kha technical thil engemaw avang tih a ni a. A hmain

khaw thum cover tur leh khi lai Feeder Village hrang hrangte cover tur anga tih kha an han thymedown leh ta a. Notified town pathum Khawhai leh Biate leh N. Vanlaipha tur tih a ni leh a. Chumi hnuah khatiang khan harsatna kha a lo awm leh a. Chuvang chuan hemi chungchang hi kan sun tak Pu Chawngtinthanga, kan ral ni pawh khan kan Minister zahawm tak hi, “Engtiang chiah nge? tiin min lo bawhzui sak teh? tiin ka zawt a. Kha mi kan tih hnu khanin “A, hei Delhi te ka kal dawn a,” tiin min han assured ve kha a ni a. Tun thlengin hemi chhanna bak kha kan la dawng si lova. Hei kan hriat angin PHE record-ah hian tui hi mi pakhatin litre 40 ang dawng vek tawhin kan han hre thin a. Tuna kan han hriat belh duh hi chu tun January leh April chhung hian hetianga tui supply kan han pek tawh zawng zawng tuna kan han tih, MLD 40 anga kan pek tawh kan han tih hi tun ang lai hian pek an ni tawh em? tih ka hre duh a.

Tin , chu bakah thingtlang hmun hrang hranga tui kan pek hi a lo kang zel avang hian tunah hian scheme thar deuh hi kan nei em tih ka zawt tel duh bawk a. Eng angin nge he Composite Scheme hi min nawrpui a tum a, tun sorkar chhung hian achievement kan nei angem tih kha min han hrilh bawk se tih hi ka zawhbelhna a ni.

Pu K. LALRINTHANGA : Pu Speaker, kan Minister zahawm tak hian min hrilhfiah thei se ka duh chu Bilkhawthliar-ah khuan tui lak turin hna an thawk mek a, lawmawm kan ti hle a, chu chu engtikah nge min thawh zawh sak theih ang tih ka hre chak a.

Tin, chu mai bakah Vairengte-ah khuan tui pump-na tha tak mai an nei a, amaherawhchu, a semna pipe khu a rei tawh hle a ni awm e. Government ka zawhnaah chuan, “A rei tawh luat tuk avangin tui a kal tha thei lova, mipuiin tui pump tur tha nei mah ila, an dawng tha thei lo a ni,” tiin min chhang thin a ni. Chumi pui tur atan chuan Project-te pawh siamin NEC-ah nge khawi laiah nge sanction-te pawh an awm tir thin niawm tak a ni a. Amaherawhchu, tun thleng hian a result hmuh tur kan la hre lova, chumi atan chuan kan Minister hian hma min lak sak danah beisei tur awm a awm em? tih kha ka hre chak deuh a, Vairengte khu mipui an pung chak a. Mi sing chuang an awm tawh a, sipai lam khu an lo chawm ve bawk si a. Tui mamawhna khu a nasa a, mihring an phun nasa tawh a. Chuvang-chuan rang deuh zawka hma min lak sak theih dan a nei em? tih ka zawt duh a ni.

SPEAKER : Chhang turin a changtu Minister zahawm tak ilo ko ang u.

Pu S. HIATO, MINISTER : Pu Speaker, Pu Lalthansanga zawhna kha, Department hian khilai bial khi a tam thei ang bera huam tir kan duh a, khilai scheme kan siam hmasak kha 32crore-in kan han siam a, chu chu kan han thehluhin “A tam lutuk, a khawpui deuh chauh hi lo siam leh rawh u”, an ti a, 15 crore chauh kha siam turin min rawn ti a. Mahse kan ngaiantuah a, 15 crore a nih chuan khalai chhehvel kha tihdan kawng a har dawn si avangin tunah hian Part –A leh Part – B a thenin an rawn tih kha kan prepare ta a. Part- A-ah chuan Biate leh Khawhai leh E.lungdar, Tlangpui leh Tlangmawi te telh a ni a, chumi atan chuan 16 crore leh nuai 80, tunah hian Part- A-ah kan siam a. Tin, Part- B atan N.Vanlaipha leh Leng,Sailulak, N.Mualcheng, Sialhawk leh Bawktlang huap turin kan siam leh a, tah chuan 33 crore leh nuai 23 in kan siam a. Tin Delhi-ah pawh kan zuk kalpui a; mahse map leh

engkim khu an nei tha a, khaw te deuh tel dan hi chu lo ti lo rih mai ula an rawn ti leh thin a. Chumi tur chuan tunah hian scheme kan siam a, kan naute pawh kan tir thla a, hemi hi an tihfela min phalsak chuan kan thawk thei a ni mai a, tun term chhungah. An phal loh erawh chuan keinin kan sawi thei lo a ni tih kha ka chhanna ni se.

Tin, a pahnihnaah chuan tui hi a kang zel si a, 40 LPCD pek tur pawh hi kan pek theih lohna pawh tam tak a awm a ni. Chumi tur chuan, kan mangang a, kan tui pipe te alo hlui tawh a, tui hnate alo kang nasa tawh si a, vawi leh khatah improve theih mai a ni lo a, tui pipe replace-na turin eng emaw chen scheme te kan han siam a, An daih ngang lohnaah te chuan a chang chuan motor te pawhin tui kan han sem ve lauh lauh thin a, thingtlang lam leh khawpui lam kan harsatna a inang tlangin kan hria a. Tin, Vairengte kha scheme siam a ni a, kan budget discussion-ah leh question dang dangah hian a awm a, chumi atan chuan kan lo in prepare lo a, tah chuan ka chhang ang a. Bilkhawthlir chu tunah kalpui mek a ni a, hma kan sawn viau a ni tih ka sawi duh a, chu pawh chu Budget Discussion-ah Pu Speaker, detail zawkin ka chhang ang e. Ka lawm e.

Pu LALTHANSANGA : Pu Speaker, January to April thla a tui kan pek dan tlangpui hi tih kha engtin nge, khatilai kha min chhang thei angem aw? A chhan chu tui hi a tam lai hian an rawn sawi ni hian alang thin a. Tun angah hian sum leh pai harsa tak chung pawh hian an lei hi a ngai vek mai a, thingtlangah hian, chuvangin khatiang ang hun lai te kha, he House-ah hian kan hriat tlan te pawh a tha ve alawm mawle. Bawngnut tam te kan hre si a, chuvang chuan tui tam hi kan duh ve a nia.

Pu S. HIATO, MINISTER : Pu Speaker, tun thlenga thingtlang khaw hrang hranga tui dawn dan hi a chin hriat, report kimchang kan la nei thei lo a, Central sawrkar ah 31st May, 2013 thlenga kan dinhmun survey turin pawisa te kan dil mek a ni.

SPEAKER : Le, duhtawk mai ang aw. Khang kha zawng a har viau a ni. Kan Aizawl khawpui chhung chhungtinin buhfai kg engzatnge zingtin kan chhum ringawt pawh hi chhan chu a har khawp ang. Pu Lalrobiaka zawhna starred question no 6 zawt turin i lo ko ang.

Pu LALROBIAKA : Pu Speaker, ka lawm e. Ka starred question no 6-na zawhna chu Transport Minister chhan atan – Tun Ministry-ah hian Aizawl khaw chhungah Tax permit pek an awm tawh em? tih a ni e.

SPEAKER : A chhang turin a changtu Minister zahawm tak Pu P.C. Zoram Sangliana i lo ko ang.

Pu P.C. ZORAM SANGLIANA, MINISTER : Pu Speaker, member zahawm tak, Pu Lalrobiaka zawhna chhanna chu – Tun Ministry chhung hian Aizawl khaw chhungah Taxi permit tumah pek an awm lo, tih a ni e.

SPEAKER : Zawhbelhna Pu Lalrobiaka.

Pu LALROBIAKA : Pu Speaker, ka lawm e. Ni e, tun Ministry chhung- ah pek a awm lo thei hi a ropui ka ti a, chutih rual chuan Sorkar hmasah khan khawhar in atanga Taxi permit pek mai mai te, tin, party office atanga pek mai mai te sawi a awm thin a. Principle nei taka kan Transport hotute, kan Minister-ten hetianga an ti hi a ropui ka ti a. Chutih rual chuan, pressure tam tak party mi leh sa duh vete pawh an awm ang tih a rinawm a ni. Chuti chunga mipui rethei zawkte leh kea kalte ngaihtuah chunga hetianga an ti thei hi a ropui ka ti a. Chutih rual chuan, tun hun lokal chho zelah hian thlah dul deuh tumna a awm em, pek belh tumna te a awm em? tih ka'n zawhbelh a ni e.

SPEAKER : Pu Lalthansanga.

Pu LALTHANSAGA : Pu Speaker, Permit thar pek chu a awm lo ngei mai a kha, kan Minister zahawm takin min han chhang a. Anih leh engzat hi nge renew tawh tih hi a liscence hmang tawh mang lo te han renew thar leh te, tihthar hi a awm deuh nual hian a lang a, heng hian Taxi hi a tipung hlein a hriat bawk a. Tin, chutiang ang Permit rawn renew, engemaw chen thi tawh, renew rawn dil te pawh hi engtiangin nge in consider a, engangin nge in pek tih kha ka'n hre duh a. Tin, Permit lei tur awm reng mai hi, khatianga an rawn renew kha cheng singnga te, singsarih ang vela zawrh te pawh chu a awm niin a hriat a. Tin, Taxi driver tur hian, engnge ni hemi public carrier driver han ni tur ang chi hianin liscence holder hian eng chen nge experience a neih a ngai a, engang hi nge hi hemi public driver tura a qualification i ti mai teh ang. A chhan chu, tun inrinni mai khanin, khutilaiah Sairang road-ah khuanin, Lengpui road a niang chu, airport road-ah khuanin, traffic-te khanin checking an lo ti a, a mak a maka tam kha an ding ringawt mai a ni. Chuvang chuanin, khang Taxi zawng zawngte leh motor ho i ti mai ang, two-wheeler-te leh, khatiang zawng zawngte kha, hemi zero tolerance tihah khanin engkim fel deuh hian a lang si a, hetiang ange a nih lai si a engati nge khati zat zat mai Taxi-te kha a din tak, engnge a chhan, hetiang te hi a enfiah theih deuh em? tih kha ka'n ngen nghal bawk a ni.

SPEAKER : Pu K. Liantlinga'n zawa ve leh se, tichuan zawhbelhna chu kan duh tawk ang.

Pu K. LIANTLINGA : Pu Speaker, ka lawm e. Kan Minister zahawmtak ka'n zawhbelh duh chu – Aizawl khawpui chhungah hian engzatnge Taxi ply lai mek, Taxi awm zat tih kha ka'n zawa duh a. Tin, Taxi hi public conveyance a ni a, duh angin a la tamlo zawk niin ka hria a, a pek belh theih loh maw? Pekna ruahmannna hi a siam theih mai loh maw? tih kha ka'n zawa duh a. A rate-te hi a sang a, tun aia tlema a tlakhniam zawkna tur hi chuan taxi tam sela. Tin, tuna zawhna hmasa ang khan Taxi permit man sang lutuk te pawh hi, Taxi hi a la tha tawk aniang tih hi a rinawm a, chuvang chuan a pek belh theih em tih lai kha ka'n zawa a. Tin, Taxi Driver-te hi an pawimawha, Training hi vawi engzat nge pek a nih tawh? Tin, pek a nih loh pawhin Taxi Driver-te hi Training pe turin ruahmannna a awm em? A chhan

chu (Public Service Vehicle) public service licence hi ka hriatsual loh chuan tihtawp a niin ka hria a, Pu Speaker, khami tihtawp a nih si chuan, special/a bik deuh hleka training pek an nih loh chuan harsatna kan tawk nasa niin a hriat a. Tun hma kha chuan Bus leh Taxi khalltur public service vehicle license hran an nei thin a ni a. Kha kha neih loh ni tain ka hriat avangin training hi engangin nge an tih, uluk zawkin training hi an nei em tih ka zawhbelh a ni e, Pu Speaker.

SPEAKER : A chhang turin a changtu Minister i lo ko ang.

Pu P.C ZORAM SANGLIANA, MINISTER : Pu Speaker, a zawhna neitu Pu Lalrobiaka'n a zawhbelhna - thlahdul tumna a awm em tih lai kha chu, tuna kan khawpui dinhmun leh vehicle pun chak dante han en hian tunah mai chuan sorkarin thlah dul tumna a nei lo tih hi ka chhanna a ni. A chhan chu nitin kan hmuh a kan hriat theuh a ni a. Chu chuan zawhna hnuhnung ber rawn petu zawhna pakhat pawh kha a rawn chhang nghalin ka ring deuh a. Pu Lalthansanga zawhbelhna, taxi permit renew chungchang vel te, taxi permit chu a thar pek awm lo mahse, taxi thar hi a awm reng mai si a, hei hi engnge a awmzia tih chu - hemi kan dan hman mekah hian taxi hlui hman theih dan hi a awm tlat mai a ,replacement tih dan hi.Chung zingah chuan 1371 lai hi tun sorkar chhung hian replacement a awm a, chung zinga 69 te hi renew an ni a. Khang kha dan chhunga tih vek a nih vangin chung dante an rawn zawh kim chuan, khang angte kha tihsak an ni tih ka sawi duh a.

Tin, taxi permit zuar tih hi chanchinbuah te kan hmu thin a, department pawhin tihreh tumin a bei nasa a, police lamte nen pawh tang kawpin beih a ni a. Hmun thenkhatah chuan, 'office-ah i permit chu rawn keng ta che, kan lo en ang a,'tiin department-te pawhin midang daih te pawh ruaiin telephone pawhin an han bia a. Chutiangah chuan office a rawn kalpui em chu a tul love an ti a. A nih leh chulai hmunah chuan inhmu ang aw tiin an han tiam a, chumi an tiamna hmunah plain coat nen kan force lamten an lo chang ve a, a lem mi hming sign te an lo thiam lehzel a, lo lak chhawn a lo tihkual vel te nen lam hian heng ho hian an thiam a. Chutianga tih ching , mi bum ching pathum lai chu an man a jail chhungah dah an ni tawh nghe nghe a ni. Tin, taxi chungchang mai bikah pawh tunah chuan Central sorkarin tunhnaiah dan a rawn siam leh ta a. Nakinah chiang zawkin chung order copy-te nen lam chuan Central atanga kan lehkha hmuh copy-te nen chuan House-ah pawh demand kan sawi niah emaw tuna zawhbelhna ang deuh hleka zawhna dang lokalte pawh a awm a, chung hunah pawh chuan chiang takin kan inpe thei ang a. Chungah chuan license-te, permit-te hi inpek ngawt ngawt theih a ni dawn tawh lo a ni. Chumi awmzia chu, miin permit a nei dawn a nih chuan, permit neitu chuan driving license a nei ngei tur a ni tihte hi a tel ta tlat a ni.

Road safety week vawi engemaw zat India leh Mizoramah pawh kan han hman tawh atanga kal zelah chuan Central-in India rama awm kan nih ang ngeiin chumi an thupek ang chu kan zawm ve a ngai dawn a, tuna permit chi hrang hrang

dilte pawhin chung avang chuan an permit dil kha taxi chang lovah pawh pek theih a ni ngawt dawn lo a ni tih House information-ah hian pawimawh a ka hriat tel avangin Pu Speaker, kan zep tel duh a. Chulai chu an rawn zawh tel a nih theihna lai chu, driver-te hi special training pek an ni thin em? driver-te hi, buai thlak em em mai chu, training te an pualin kan han ko va, taxi chang lo, two wheeler te, Maxi Cab te , a chi hrang hrangte tan, thenkhat chuan co-operation an rawn pe tha em em a, thenkhatte erawh chuan training-na turah traffic police-te nen tang kawpa han tih pawh hian an lo kal theilo thin nia, hengah te hian nasa takin hma kan la mek a ni tih hi ka chhanna ni nghal bawk selang. Pu Liantlinga zawhna Taxi permit pek hnem mai hi a tha lawm ni tih lai kha, kan sawi ang khan tun dinhmunah chuan Taxi permit pek hnem hi Sorkar leh Department-in a thatna kan la hre rih lova, pek mai tumna kan la nei rih lo a ni e, tunah hi chuan.

Training kan pek tawh zat a kilhkelhin ka hre lova. Amaherawhchu, an pual hrang hrangin kan pe thin a. Drivers Association te leh Vehicle lama kan Association neihte, Maxi Cab an ni emaw, City Bus an ni emaw, Truck an ni emaw, ZDU an nih thlengin. Chungte nen chuan helai hmunah Road Safety Week anmahni pual bika an inkhawmpuina-ah te Department lampang mai pawh ni lovin, Traffic-te nen pawhin heng hunah hian training-te leh lecture-te uluk taka pek thin an ni.

S P E A K E R : Tunah zawhna 7-naah kan kal ang a, zawt turin Member zahawm tak Pu P.P. Thawla i lo ko ang.

Pu P.P. THAWLA : Pu Speaker, ka lawm e. District Council Affairs enkawltu Minister zahawm tak chhan atan ka Starred Question No. 7-na : – (a) Nikum June thla a District Council pathumte hnena Plan Fund pek kha engzat theuhin nge pek an nih ?

- (b) Revise Estimate atan cheng engzat theuh nge an dil ?
- (c) Revise Estimate an dil ang chuan pek an ni thei dawn em ?

S P E A K E R : Chhang turin a changtu Chief Minister zahawm tak Pu Lal Thanhawla i lo sawm ang.

Pu LAL THANHAWLA, CHIEF MINISTER : Pu Speaker, Member zahawm tak zawhna chhanna chu –

Lai Autonomous District Council = Salary – ₹ 1631.93 lakh, Non Salary - ₹ 459.07 lakh. A vaiin ₹ 2091.00 lakh.

Mara Autonomous District Council = Component-ah ₹ 1280.00 lakh. Non Salary ₹ 353.00 lakh. A vaiin ₹ 1633.00 lakh.

Chakma Autonomous District Council = Salary ₹ 1062.58 lakh. Non Salary ₹ 208.42 lakh. A vain ₹ 1271.00 lakh.

Mara Autonomous District Council-in Nuai 382.00 an dil a, Nuai 50.00 pek an ni. Chakma Automous District Council-in Nuai 450.00 an dil a, Nuai 150.00 pek an ni. Lai Autonomous District Council-in Nuai 64.00 an dil a, pek an ni. Revise Estimate an dil ang hian pek an ni lo.

SPEAKER : Zawhbelhna a awm lova. A dawtah kan kal ang a, zawt turin Member zahawm tak Pu T.T. Zothansanga i lo ko ang.

Pu T.T. ZOTHANSANGA : Pu Speaker, ka lawm e. Kan Minister zahawm tak Social Welfare Department changtu ka zaghna chu hei hi a ni – Ministry of Women and Child Development and the Ministry of DoNER ten Hmeichhe Hostel (Working Women Hostel) Jasola, New Delhi a an siamah Mizo hmeichhia an awm ve em tih a ni.

SPEAKER : Chhang turin a changtu Minister zahawm tak Pu P.C. Lalthanliana i lo ko ang.

Pu P.C. LALTHANLIANA, MINISTER : Pu Speaker, Member zahawm tak zaghna chhanna chu – Awm e, Mizo hmeichhia pakhat a awm ve tih a ni e.

SPEAKER : Zawhbelhna, Pu T.T. Zothansanga.

Pu T.T. ZOTHANSANGA : Pu Speaker, ka lawm e. North East mi 500 vel lai kan awm theihna niin ka hria a. A zat chiah ka hre lova, a zat chiah kha ka'n zawt duh a. Tin, Mizo hnathawk New Delhi-ah te kan awm kan awm ve ta a. In luah mante a to si a. He mi Hostel chungchang hi kan hrechiang lo riau hian a hriat a. Chuvangin, mipuite hriatah chiang deuhin puanzarna kan nei thei angem tih ka zawt a. Tin, chu mi bakah awm duhte tan Sorkarin hmalakna a nei thei angem tih ka'n zawt a ni.

SPEAKER : Chhang turin a changtu Minister i lo ko ang.

Pu P.C. LALTHANLIANA, MINISTER : Pu Speaker, zawttuin a sawi ang khan he hostel hi Ministry of Women & Child leh DoNER Ministry tangkawpin a buatsaih a ni a. He mi atan hian North East State te hi seat 45 theuh pek kan ni a. Mizote awm duh tur an awm takin tiin nikum May-ah te pawh khan Chanchinbu-ah te, Radio-ah te, Local Channel-ah te pawh a dil duh tan dilna kan buatsaih a. Amaherawhchu, dil an awm ve tak na-in, awm duh leh tak tak kha an awm ta lem lova,, tun dinhmunah pakhat chiah hi a awm ta a ni a. Theih ang tawk chuan he thil hi Department chuan kan tlangzarh chuan kan hria a. Mi an awm that leh duh lohna ni a kan ngaihna pakhat chu Jasola hostel-ah hian Mess a awm lova. Chuvang chuan, harsatna an tawkte pawh a ni mai thei a ni. A awm duh tan chuan awm reng theih a ni a. Tunah hian YWCA kutah a enkawl hna hi dah a ni a. Chuta a enkawltu nu phei chuan Mizote hi rawn awm teuh teh u a ti ngawih ngawih zawk a ni. A awm duh kha kan inhmu lo a ni.

SPEAKER : Duhtawk ang aw. Tunah zaghna No. 9-na zawt turin Member zahawm tak Pu K. Lianzuala i lo ko ang.

Pu K. LIANZUALA : Pu Speaker, ka Starred Question 9-na,NLUP bawng vulh thlangtute hnenah bawng lian engzatnge pek a nih tawh tih ka zawt e.

SPEAKER : Chhang turin a changtu Minister Pu Nihar Kanti i lo ko ang.

Pu NIHAR KANTI, MINISTER : Pu Speker, Hon'ble Member Pu K. Lianzuala zawhna chhanna chu – NLUP bawng lian vulh thlangtute hnenah ni 22.2.2013 tlenga bawng lian pek tawhzat chu 1138 a ni.

SPEAKER : Pu K.Lianzuala zawhbelhna.

Pu K. LIANZUALA : Pu Speker, NLUP-a bawng lian sem a nih hnu-ah bawnghnute dehchhuah 3,000 lts zetin a lo pung chho kha lawmawm ka ti a. NLUP-a hlawhtlinna Vety ami ringawt pawh hi a ropui em a, kan sawilang tel duh a. Tin, bawng lian hi engzatnge pek leh tura ruahman a nih tih ka zawhbelh e.

SPEAKER : Nichinah pawh khan a sawi tawh a. Tunah a changtu Minister-in han chhang leh se.

Pu NIHAR KANTI, MINISTER : Pu Speaker, supplementary zawhna chhanna chu hetiang hi a ni. Lak tur zawng zawng chu 1898 a ni a. Lak tawh zawng zawng chu 1608 a ni a, balance 290 a ni.

SPEAKER : Tunah zawhna No. 10-na zawt turin Pu K. Liantlinga i lo ko ang.

Pu K. LIANTLINGA : Pu Speaker, ka lawm e. Kan Minister Environment & Forests changtu zahawm tak ka zawhna Starred Question No. 10-na chu hei hi a ni. Kan ram chhung lui dunga nungchate humhalhna tur hian dan mumal tak kan nei em ?

SPEAKER : A chhang turin a changtu Minister zahawm tak Pu H. Rohluna i lo ko ang.

Pu H. ROHLUNA, MINISTER : Pu Speaker, Member zahawm tak Pu K. Liantlinga zawhna chhanna chu – Kan ram chhung lui dunga nungchate humhalhna tur hian Dan kan neih mumal ber chu “The Mizoram Fisheries Act, 2002” hi a ni tih a ni.

SPEAKER : Zawhbelhna, Pu K. Liantlinga.

Pu K. LIANTLINGA : Pu Speaker, ka lawm e. Fisheries Act kha kan lo nei a nih pawhin, Fisheries Act bakah khan entirnan, Chakai te, Chengkawl kan tih ang zawng zawng te, lui dung nungcha ho humhalhnaDan siam a tul hlein ka hria. A chhan chu lua kalte hi man tur te-in kan han ti a, Dan te kan han chhuah a. YMA te leh V/C te leh pawl hrang hrangte pawhin an han ti a. Amaherawhchu, Dan mumal tak tlawhchhanna kha chu a awm lo tih chu a chiang mai a, Fisheries Act bak kha. Forest Department hian siam tumna a nei em? tih kha ka zawhbelhna a ni e.

SPEAKER : Pu Lalduhoma, zawhbelhna.

Pu LALDUHOMA : Pu Speaker ka lawm e. Hei kan ram luidung hi YMA-ten an humhalh a ni deuh mai a, a humhalhtute hi Court-ah lo khing ta se dan tanchhan pawh an neiin a lang lo, chuvang chuan luidung humhalhna tur Dan hi a rang thei anga siam tumna a awm em tih ka zawt a. Kan luidung bawlhhlawh tawh zia hi polythene te, pheikhawk chhia te, kekawte chhia te, furah phei chuan tui a lo len a, an kam leh hian luikam rairuang zawng zawngah hian a kurin a kur leiluai a, chengkawl te pawh hi a rawng a dang vek thei a, kan luidung hi a bawlhhlawh tawhin ei a chakawm loh a ni. Tin Balu an la a, Balu chu economy-ah kan mamawh a, hei hian lui a tichhe em em a, mahse kan tilo thei lo a ni. Thenkhat chuan khawl nen, JCB nen Balu an la tawh a nia tunah hian. Chu chu YMA te hian an khap mai mai a ni. Khatih laia a Sawrkar berin Dan kan nei lo kha fello khawpin ka hria a, a humhalhna tiyah khan an nunna leh thil dang bakah a environment thlenga han take care thei law law Dan siam thuai dan a awm angem ka han ti a nih chu.

SPEAKER : A chhang turin a changtu Minister Pu H. Rohluna i sawm ang.

Pu H. ROHLUNA, MINISTER : Pu Speaker zaghna neitu Pu K. Liantlinga zaghbelhna, nungcha dang dangte sangha ngawt nilo luidungah hian humhalh theihna dan hi awm thei se tih kha a zaghna a ni a. Hei hi Mizoram Fisheries Act buatsaih a nih khan, Sawrkar hmasa hun lai a tih kha a ni a, Chakai leh thildang ulawng te hi a lo huam tel lo deuh hlek, siam that tumna a awm a, tunah hian an la ti chiah lo niin ka hria a. Environment & Forest Department hi a Nodal Department kan ni lova, Mizoram Fisheries Act-ah hian chuvangin thui tak khalai kha chu ka rawn sawi thei lova. Amaherawhchu, Mizoram Forest Act 1955, The Wild Life Protection Act 1972 te, tin The Biological Diversity Act 2002 hmangte hian a duh duhin luidung a nungchate han suasam theih lohna Environment & Forest department-in kan kenkawh chin a awm, amaherawhchu Mizoram fisheries Act hi tunah hi chuan a dan mumal tak luidung atana kan neih bik chu a ni tih kha ka chhanna ni se.

Tin member zahawm tak Pu Lalduhoma zaghna kha, kan luidungte pollution a nasa tawh em em a, Mizoramah hi chuan silpouline leh polythene te kan hmang uar em em a, tawih ral mai thei lo te a ni a, heng Tlawnglui leh khawpui hnai deuhah te hian pollution a nasa a ni. Pollution Control Board lam atang pawhin ngaihtuahna nasa tak an hmang tawh a, a theih ang ang public awareness pawh tih chhoh mek zel a ni a. Hei hi a department leh Pollution Control Board atang ringawt hi chuan duh angin hmalak chak a har a, Chuvang chuan public participation tello hi chuan tihhlawhtlin mai theih a ni lova, Public Awareness te han create chhoh a, a theih ang anga tan lak tum chhoh mek a ni tih hi ka chhanna a ni.

SPEAKER : Kan zaghna leh chhanna hun chu a lo tawp ta a, Minister zahawm tak Home changtu Pu R. Lalzirliana hnen atangin kan dan 60-na tlawh- chhanin Statement pek dilna kan dawnga, kan phal sak a. A subject a rawn ziakah chuan “Inrukbo leh Silai man chungchang” a ni a. Chumi Statement pe tur chuan Minister zahawm tak Pu R. Lalzirliana i lo ko ang.

Pu R. LALZIRLIANA, MINISTER : Pu Speaker, ka lawm e. Hei, kan ram, kan mizo puite ngei vanduai thlak taka rukbona a lo awm a, Chanchinbu

leh thuthar lakhawmtute atangin mipui chuan kan hre tho tawh nachungin helaia sawi tulna hi awmin hriat a ni a, chu chu a tlangpui ka lo sawi ang e.

19th February, 2013 zing dar 4 leh dar 5 inkar vel khan heng a hnuai a hming tarlan mi pangate hi Chikha khua, Mamit District atangin Tripura hel National Liberation Front of Tripura (NLFT) ten rubovin vawiin thlengin Bangladesh ram chhungah hren an la ni a, chung an rukbote chu - (1) Vanlalfaka, Forest Department M.R (BLFM Returnee) a ni a. (2) Lalliansanga, Forest Department(M.R) (3) Sangmawia, Forest Department (M.R) (4) Vanlalruatkima (28) @ Nelsona s/o K.Thanzama (L) Hunthar Veng, Aizawl (JCB Operator) (5) Lalrammawia, kum 22 @ Mawitea s/o K. Thanzama (L) Hunthar Veng, Aizawl (JCB Operator) bawk a ni.

Rukbo an nih thu hi hemi ni vek tlai lam dar 4 velah hriatchian a ni chauh a. He thil thleng hi Tripura State Special Branch-te hnen atanga hriat a ni a, an rukbona hmun tak hi hriatchian theih thuai anih loh avangin Forest Department hotu lamte nen rang taka ngaihven a nih hnuah, Mizoram Police Team-ten a hmun hi tlawhin an hruaina lam hnu chhui zelin Bangladesh ramri thleng Police-te hian an umzui a. Hetih lai hian helte hi an mi rukbote nen Bangladesh chhung an lo lut hman tawh a ni. He thil thleng hriatchian anih ve leh hian CID (SB) team pawh thil thlenna hmun lamah tirh liam nghal an ni a, tin, SP CID (SB) pawh Tripura-ah a counter part S.P (SB) Tripura te nen meeting neiin he thil thleng chungchange thu hriat dante inhrilhin hmalak dan tur sawiho a, Tripura State Special Branch-te hnen atanga hriat danin Tripura hel pawl (NLFT) te hian nikum lam atang khan Mizoram-a Bru thalai Tripura refugee camp a awm mi 15 atanga 20 vel training pein an enkawl mek a, pawl hming leh thiltum fumfe tak hriat la nilo mahse NLFT-te hian sumtuak nana mi rukbo hna an thawhnaah an hmang tangkai hle ni a hriat a ni.

He inrukbonaa inhnamhnawihte hi mi 10 atanga 15 vel ni a hriat an ni a, khulai (Mizoram khawthlang lam leh Bangladesh inrina lai) vela an Area commander hova an thiltih niin alang a. Bru NGO hrang hrangte leh Bangladesh-a Sazek tlangdung vela cheng NLFT bepawp thei tura ngaihete pawh tirin, Sorkar chuan hma a la mek reng a. Hetihlai hian rubotute hian 21st February, 2013 zing dar 07 : 21 khan an rukbo chhungte mobile phone-a rawn biain an rukbote tlan nan ₹ 1,00,00,000/- (1 crore) an rawn phut a, hemi hnuah hian Forest Department-a Wildlife Project Director-te pawh rawn bepawpin heng an thilphut chungchangte rawn thlenin leh rang taka hma lo la turin an rawn ti bawk a ni. Phone-a rawn be tute hi Bru lama an mi hmante zinga mi a ni a, 6th March, 2013 khan rubotute hian Forest Department hotute hnena deadline siamin ni 3 ral hmaa an pawisa phutte pe a an mi rukbote rawn tlanchhuak turin an rawn hriattir leh bawk. Amaherawhchu, sorkar chuan rukbote tlanchhuah nan hian intiamkamna awm lova rawn chhuah thuai turin a duh a, hma a la mek zel a ni.

Tin, an mi rukbote an hrenna hmun hi ramdang (Bangladesh ram chhung) daih anih avangin sorkar tan chuan Police Force-te hmanga chhanchhuah tuma

hma lak chi a ni lova. Central sorkara External Affairs Ministry lamah te he thil thleng chungchang hi hriattir a ni tawh a. Bangladesh sorkar pawh hma la tura ngen turin Ministry of External Affairs-ah thlen a ni tawh a ni.

He thil thleng chungchangah hian NGO ten rukbote dinhmun hrerenga an insumtheihna hi a chhuanawm kan ti a. Chanchinbu mite leh media lama thawktute pawhin chi leh chi inkara boruak thalo thleng theite hria a, he thil thleng chungchang chanchinbu leh T.V. kaltlanga puandarhna kawngah min fimkhurpuinate avangin lawmthu ka sawi bawk a ni.

Tin, chak taka chhanchhuah hna Sawrkarin a thawh theih nan ni 22.2.2013-ah Honorable Home Minister, Mizoram Chairman-na hnuiah ‘Crisis Management Group’ din a ni a, hetiang hian member-te ruat nghal a ni.

(a) Chairman	-	Chief Secretary, Mizoram.
(b) Member Secretary	-	OSD, Home Department.
(c) Members -	(i)	Home Secretary,
	(ii)	DGP, Mizoram.
	(iii)	Addl. PCCF, E&F Department.
	(iv)	Joint Secretary, Home.
	(v)	DC, Mamit District.
	(vi)	S.P., Mamit, District.
	(vii)	S.P., CID (SB) te an ni.

He Crisis Management Group hian, din anih atanga vawiin thleng hian ngaihtuahna tam tak sengin; rukbote himdam taka chhanchhuah an nih theih nan chak takin hma a la mek a ni.

Heng thil thleng avanga sorkarin chak zawk leh langtlang taka hma a lak theih nan Ni. 11.3.2013 chawhnu dar 1:00 -ah Home Minister Chamber-ah Home Minister hovin Mizoram Kohhran hruaitu Committee, Central YMA, MZP, MSU leh Hunthar Veng YMA Office Bearer-te’n NLFT thlazar hnuia awm; hel chi khatin Mizo 5 (panga) an rukbo chungchang sawihona neih a ni a. He thil duhawm lo tak thleng hian chi leh chi inkarah harsatna nasa zawk thlen thei tih hrerengin, a rubotute hian an mi rukbote hi him dam tak leh rang takin, intiamkamna engmah awm lova chhuah vat turin an duhin an ngen a ni. Kha kha inrukbo chungchang niselang.

Ni 7.3.2013 tlai dar 5:00 khan Pu Rohmingliana, (RHC) Farm House, Lengpui Airport Road, Lengpui atanga 4 Kms, kawngpui atanga half Km. vela hla-ah Explosive dahna Box ruak chhungah heng a hnuia tarlan arms hi man a ni a:

- | | | |
|------------------|---|--|
| 1) AK 47 Rifle | - | 23 nos (21 USSR siam leh 2 China siam) |
| 2) LMG 5.56 | - | 1 no (Singapore siam) |
| 3) CBAR Rifle | - | 1 no (USA siam) |
| 4) AK silai mu | - | 86 nos. |
| 5) CBAR Rifle mu | - | 67 nos. |

- 6) LMG 5.56 mm mu - 24 nos.
 7) Magazine - 30 nos.

Hemi chungchangah hian Farm House a lo awm Chakma pathum man nghal an ni a, chungte chu:

- 1) Moni Tripuri(58) s/o Debr Tripuri of Khakrapur Village, Chittagong Hills Tract, Bangladesh.
- 2) Robi Chakma(38) s/o Kiran Chakma of Mahajan Para, Kakrachori District, Chittagong Hills Tract, Bagladesh
- 3) Sabuj Chakma(40) s/o Diren Chakma of Ragamati, Chittagong Hills Tract, Bangladesh.

Heng mi pathumte Interrogation neih anih hnuin a tuk ni 08/03/2013 zing 7:30 khan he farm house atang vek hian teak thing kara balu-a an phum hnimehnah rova an khuh AK Rifle – 8nos (USSR siam), magazine leh a mu – 632 chu man belh a ni a: hemi chungchang bawhzui zel hian ni 08/03/2013 zan vek hian C. Lalnghakthanga(47) s/o C.Saplala of Sazek Bangladesh leh Rohmingliana(44) s/o CL. Thuama(L) of Vaivakawn Zohnuai te chu man an ni.

Ni. 09/03/2013 @ 3:30Pm khan Sangchia Hotel, Zarkawt Room No.606 a thleng Rupan Chakma(28) s/o Durjoy Chakma of Khakrachori, Bangladesh hnen atangin 32 pistol 3032 TOMCAT, made in USA Beretta USA Corp, ACCOKEEK MD pakhat leh a mu 12 man a ni bawk. Rupan Chakma hian Gypsy B/R No.AS-IF-6445 a kawl a, Gypsy windshield hmaah hian Designation plate angin ‘POLICE’ tih a intar a, Black tape-a a char hnan chu hmuh niin Aizawl PS-ah lak phei a ni bawk. Criminal case siam nghal a ni.

Ni 07/03/2013 leh Ni 08/03/2013-a silai leh a mu man te hi Sairang PS C/No.08/13 dt.09/03/2013 u/s 25(IAA) Arms Act/34IPC/14 Foreigners Act register a ni. Tin, Ni 09/03/2013 a man hi Aizawl PS C/No.99/13 dt.10/03/2013 u/s 25(1(a)(b) Arms Act r/w 419 IPC register a ni.

- 1) 2 nos of AK47 Rifle – marking L/D - made in China
 - 2) 29 nos of AK47 Rifle-marking AB/O- made in USSR
 - 3) 1 NO OF Ultimax 100 Mark III-marking – made in Singapore
 - 4) 1 no of CBAR (Browning Automatic Rifle – made in USA
 - 5) 1 no of .32 Pistol 3032TOMCAT, made in USA Beretta USA Corp.
- ACCOKEEK MD

Total = 34

Ammunition:

- | | | |
|------------------------|---|-----------------|
| 1) AK47 Rifle (7.62mm) | - | 86 live rounds |
| 2) LMG (5.56mm) | - | 24 live rounds |
| 3) CBAR Rifle (7.62mm) | - | 699 live rounds |
| 4) .32 Ammunition | - | 12 nos |

Total - 821 live rounds

SPEAKER : Minister-in statement pawimawhtak mai a pe a, a lawm awm a, sawiho tur a ni lo va, tikhan business pangngaih kan lo kal a nga. Tun tum kan session ti mai ila, kum khat chhung ang atan zel a ni a, Panel of Chairmen heng mite hi an ni, Lt. Col. Z.S. Zuala, Pu Hmingdailova Khiangte, Pu P.P. Thawla leh Pu Lalthansanga. Tin, vawiina member-te absent Pu Lalrinliana Sailo hi a zin a, Chakma District Council chhunga Borapansuri-ah Damdawiin a hawng dawn a ni, tin, Pu Nirupam Chakma hian a tawiawm bawk a, tin, Pu S. Laldingliana hi an laina hnaite thihna chungchangah nimin tlai khan Lunglei lamah a phei that a ni. Midang hi chu kan awm kim ni awm tak a ni e.

Tunah chuan presentation of report ni 19/2/2013 khan BAC meeting neih a ni a, chutah chuan kan session tur programme hi uluk takin meeting chuan a duang a, House-ah hei ka rawn present a, min phal sak theih chuan a lawmawm khawp ang. A chhan chu, hei Bulletin lamah khan kan rawn tichhuak vek tawh a, han chhiar than vak pawh a ngai lo a, nimirah khan kan han tan a Governor Address - nain. Heti laia kan han ruahman danah chuan April ni 3 thleng tur ang a ni a, hei hi kan pawm mai thei em? BAC rorel hi. Awle, a lawmawm e. A copy kha han sem ula.

Nimirah khan kan Governor zahawm tak khan House a rawn Address a, Governor thusawi chungchanga Motion of Thanks Member zahawm tak Dr. Ngurdingliana'n nimirah lama a rawn move tak kha tunah kan sawiho dawn ang a. Hun hi minute 5 theuh inpe ila a tawk mai em? Tlai dar 4 vel kha kan ban hun kha alo ni a. Enge kan ngaihdan le? Chuan, group leader-te kha chu tlemin hun kha kan han pe tam leh deuh ang a, minute 10 emaw kha kan han pe ang a, member te chuan minute 5 thliah thliah kha kan tawng khawp thei mai em? Eng nge kan duh dan le.

Pu B. LALTHLENGLIANA : Pu Speaker, minute 10 tal lo kha chu keini ang tawng muang deuh tan phei chuan thu kan sawi tam ve hman lo ang. Nia, a tawng rang deuh tan pawh khan an induhthawh zel a, a ai tam in duh ve tho a.

*Speech not corrected.

SPEAKER : Avang chu, nia minute 5 kan han tih nachhan pawh a darkara han sem khanin vawiina han zawh kha a tha hle a. Tin, member- te kha hei kan Session a rei dawn a, in ngaihmawh zawng sawina hun kha chu ala awm deuh thei awm tak a nia. Engtin nge ni kha member pakhat chuan minute 10 te tal le a ti a, engtin nge kan ngaihdan le? (Interruption)... avai khan kan Minister-te pawh khan an sawi thiang vek tho a nia, kan intiat vek a nia hemi chhungah chuan.

Pu T.T. ZOTHANSANGA : Pu Speaker, a eng amah hmain hun kha kan indaih lo sa vek a nia, vawiina zawh ngei ngei tur a nih chuan. Tichuan Group Leader te kha tlema pek tam deuh kha a tawk maiin ka hria minute 5 tih khan.

SPEAKER : Le, engpawh nise, thumum kan nei lova, vote lakna chi pawh a niin ka hre chuang lova. Engpawh niselangin, heta tang hian ka'n intithu mai ang a. Minute 5 kha member-te inpe ila, Group Leader khan minute 10. Amaherawhchu, member zahawm tak Pu B. Lalthlengliana te sawi ang deuh khan chair lampang hian engti kawng zawng pawhin member kha chu minute 10 aia tam lo hrim hrim minute 5 kha kan han ti phawt ang a, kan khah viau chuan tawlh theih deuhah i ti mai ang aw. Ni khat na na na han insang phek ila zan mut tui loh te hi a hlauhawm em em mai si a. Le, tawng zung zung kan tum tlang dawn nia.

Mover, member zahawm tak Dr. Ngurdingliana khan han sawi hawng sela. i lo sawm ang. Ani hi minute 10 vel nei turah inngai sela.

Dr. NGURDINGLIANA : Pu Speaker, niminah khan Governor thusawi puluttu ka nih avang khan sawi thei ka ni lova. Vawiin chu maiden Speech a nih avangin sawi min phal sak thei em ?

*Speech not corrected.

SPEAKER : Sawi phawt la

Dr. NGURDINGLIANA : A hmasa berin helaia thu thei tur leh Chalfilh biala min thlangtingtute hnenah lawmthu ka sawi duh a. Tin kan hotute min thehchhuaktute chungah lawmthu ka sawi duh bawk a ni. Tin chumi bakah mi senior tak tak, mi challang tak tak bulah ka thu ve a ni a, vannei ka inti hle a, kan tuaithar a, eng eng emaw thu rawn hrang hrangah te pawh i ding lama mi leh i vei lama mite pawh ka sawm duh bawk a ni e.

Tin nimina Governor thusawiah a sorkar hmalaknate pawh a tlangpuiin a rawn tarlang a, han bihchian thuak thuak chuan kei pawhin a sector hrang hrang ka thlir khan a tlangpuiin a rawn tarlang a, a phurawmin lawmthu sawi kan ba ngawih ngawihin ka hria a.

A hmasa berin he Sorkar Pu Lal Thanawla kaihhruai a lo din khan kan Chief Minister hian Sorkar dik, Sorkar langtlang ding tur hian kei pawhin nimina a thusawiah khan ka hmu a, heta thil thar deuh mai document framework FRD kan tih hei hian a tum chu langtlang Sorkar an tum kha tunah chuan Chief Secretary Chairman-na hnuaih Department 40 kan thlang chhuak ta a, tunah chuan chuta tang chuan helai hi a felhlel deuh em tih mipui hmaa an inpuan ngei ngei ang chi te kha a ni a, chuvangin hei hian langtlang sorkar a nihna a entir em em a ni. Tin, chumi piah lamah development oriented tak takin a kal ngam a ni tih hi hetah hian a rawn chiang khawp a, a lawmawm a. Tin, chumi piah lehah chuan remna leh muanna tel lo chuan khawtlang hmasawnna a har thin a ni tih hriain kan Governor chuan mipui zawng zawng te, NGO te, Kohhran mi te, tlawmgai pawlten Sorkar remna leh muanna India rama tuna muanawm bera kan hlankai theihna kawngah te lawmthu a rawn sawi a. Tin, chumi piah lamah kan police force te thuam tha zawka an thuam dan te, tin hemi police modernization scheme hnuaih building hrang hrangte leh hmanraw hrang hrangte, tin tuna a Forensic

Laboratory building, New Secretariat Complex-a kan han din te pawh a sawi lang a. Tin, Aizawl leh Lungleia construction of District Mobile Forensic Unit te pawh kan Police mi leh sa te an crime detection lampangah pawh a puih theih beiseiin tunah hian hma an la mek a ni.

Tin, Sorkar flagship programme NLUP hi Pu Speaker, tunah hian a tira chhungkaw nuai 120000 cover tura kan tih kha tunah Planning Commission hnuaih 15000 additional dilpui mek a ni a, hei hian kan flagship policy a kuthnathawkute khai chhuahna turah nasa takin Zoram dung leh vang a fang mek a ni.

Tin, hemi piah lamah hian NLUP hnuaih tho hian tunah hian Supplementary funding Support te pawh FAO kan tih Food and Agriculture Organization, United Nation hnuaih mi leh an thawhpui hemi University of Minnesota atangte pawn tunah hian chak zawka tanpuina leh hmalaknate a kal chho mek zel a. Tin, hemi piah lamah rikrum thilah kan Sorkar hian chak takin hma a la a, National Disaster Management Authority-ah te pawh sum leh paite dilin action plan te pawh a thehlut tawh a ni. Tin, kan Agriculture chungchangah te pawh hian hei hi kan ei leh in intodelhna ber a ni a. Hetah pawh hian kan hotuten loneitute tihpur nan te District meet te kha a buatsaiah a, tunah hian leilet hecter te pawh a hma a zim zawk buh tam tihpunna tur khan tunah hian hecter zau zawk te ruahmannate a siam mek a. Tin, nimina kan Governor zahawm takin a rawn sawi ngaihthlak nuam em em leh chu hriselna chungchangah zokhaw lam te, thingtlangte a ngaipawimawh em em a. Thenzawlah te pawh Ayush Hospital te pawh bun tura hma lak mek a ni a. Tin hemi piah lamah hian Rural lamah thingtlang lamah Sub-Centre te, PHC te, CHC te khatiang kha bunin Dispensary te nen tunah hian hma a la mek a. Tin hemi piah lama a pui ber chu Falkawn Referral Hospital, khum 150 awmna saw 12th Five Year Plan chhunga khungin khum 400 awm theihna turin hma lak mek a ni hi a ngaihthat awm a, hmasawnna nasa takin kan hmu a ni. Tin, quality education siam dan tur chungchangah kan Sorkar hian nasa takin hma a la tih a hriat theih a, Mid-day meal te pawh a indin tirh atang khan vawiin tlengin chhumlo chat loin a la kalpui thei a. Hemi bakah RMS leh SSA Project atangin namen loin naupangten tunah hian hma an sawn ta a. Text bute, School Uniform-te a thlawna sem a ni thei hi a lawmawm em em a. Tin, ei leh bar kawngah tunah hian harsatna hrang hrang karah sik leh sa fur leh nipui lai pawha hemi hi chu kan hmachhawn thin a ni a. Amaherawhchu, a rawn sawi ang hian theihpatawpin a tanga tunah hian hmun tinah chaw leh LPG te pawh hi mipuiten hnianghnar taka an dawn theih avangin Sorkar pawh a rawn fak a, a lawmawm hle ka ti a ni.

Hemi piah lamah hian inkalpawhna, boruakah leh khawmualah te Sorkar hian a ngaipawimawh tih a hriat a, tunah pawh Helicopter service te chu District tinah headquater leh kan khawpui Aizawl hi a inpawh vek tawh a. Tun aia hman tangkai theih anih nan District hrang hrang bakah khawpui lian ve deuh deuh a chutiang tur chuan hmalak mek a ni. Hemi piah lamah hian Sorkar a rawn sawina kawlphetha lama a rawn sawi hi duh aiin helai hi chu a sawi tlem deuhin ka hria a, hemi bak hi he sorkar hian hma a la a ni tih a

chiang a. Tunah pawh 12 mega watt Serlui B zagh an ni te, tin crore sawmnga pasarih, sawmli pakua point sawmli pakua kum 2015 a zagh tur Tlawva Champhai ami te, tin hemi piah lamah RGGVY Project hnuiai hmun hrang hranga tuna hma lak mek te, thingtlang 346 tunah electric-in a cover vek tawh thu leh chhungkaw 14923 a thlawna kan sorkarin connection a pek avangte pawh hian lawmawm ka ti em em a. Hei mai bakah tunah hian nasa taka hma lakna chu Hydel Project chungchang lamah hian Tuirial te pawh kum 2015 ah commission theih turin tunah hian chak taka hma lak a ni a. Ka hriatsual loh chuan tunah pawh hian Tuivai Hydel Project khilai khuap tur pawh hian tunah hian tender a float mek a ni awm a. Chutiangah chuan he Sorkar chak tak hian hmun hrang hrangah vawiinah hian fix ang figure ka neih loh avangin ka rawn tarlang lova. Amaherawhchu, ka hriat angin heng kan Sorkar chak takin hma a lak meknate hi commission hunah chuan mega watt sangli dawn hi chu kan la nei ve dawn a. Chu chuan revenue a generate nasa dawn hle a ni. Tin, hemi piah lamah tui kawngah kan Sorkar hian hma a la tha em emin a sawi a, a dik chiah a, hei hi a lawmawm a. Tunah te hian Aizawl Water Greater Supply Phase-I te pawh han thawhthar leh a ni a JNNURM hnuiaah. Tin, chutiang bawkin Greater Water Supply Lunglei hnuiaah te, Serchhip te, UYDSSM hnuiaah hmalak mek a ni a. Chutiang zelin Greater Saiha Water Supply Scheme leh Tlabung Water Supply Scheme te pawh bawhzui mek a ni a. Kan hre vek a, ka sawi langlo mai ang a, heng zawng zawng bakah hian infrastructure-ah hmasawnna kawngah hian kan economy tikang tur hian he Sorkar chak tak hian kawng sial thu-ah te high way sak thuah te hma chak takin a la a. Contruction of hundred metre multi modal transit project te hi tunah hian nasa takin hmalak mek a ni a, formation cutting te nen. Tin, hemi piah lamah kan hre theuh a, hmanni lawkah kan Chief Minister-in Mizoram House, Chanakyapuri, New Delhi-ah a hawng a. March ni khatah pawh khan Mumbay-ah Mizoram House sakna tur lungphun pawh a phun nghe nghe a, tunah hian Kolkata-a Mizoram House nei turin tunah hian chak taka hma lak mek a ni. Hei hi a tlangpui chu a ni a.

Lawmawm leh em em kan Governor Speech-ah chuan NDNREGS National Rural Employment Guarantee Scheme-ah hian Mizoram hi kan thawh hlawk hle a, State dang pawn min rawn entawn a. Tin National Rural Lifelihood Mission a State-in kan thawh that ziate pawh a rawn tarlang a, a lawmawm a, a bengvar thlak hle a. A inpete hnenah lawmthu kan sawi mawlh mawlh tur niin ka hria. Tin hemi piah lamah hian Agriculture produce lamah Sawrkar hian hma a la nasa em em a, tunah phei chuan Market ringawt pawh 224 neiin heng atang hian Agriculture a thlai tharte pawh lei niin mi hna tam tak a siam sak a, Myanmar leh Bangladesh nen te pawh tunah hian kalpui mek a ni. Heng zawng zawng kan sawiah hian sawi tur a tama, nakinah kan la sawi dawn a, mihring nunphung tuna an han sawi, a term-ah chuan Multi Sectoral Development Programme MSDP an tihah hian hei hi India ramah hian mihring nun chawikang thei tura policy scheme a ni a. Chutah te chuan hei kan vannei hlein ka hria a, India ram Dist. 90 thlan chhuah zingah Mamit leh Lawnglai te pawh kan tel niin ka hria a. Chuvang chuan hengah te pawh hian nasa taka hmalakna a awm a ni tih a chiang hle a ni.

Tin thalaite tan bik a rawn tarlang tha em em mai a, kan hre tawh nachungin ka tarlan leh duh chu, Rajiv Gandhi Stadium te pawh tunah peih ut a ni tawh a, complition chu a har deuh anga, amaherawhchu, a hmang tangkaitu chu keini Mizo Nula Tlangval mai nilovin India hmar chhak atangte tin, hmundang atanga football club lokalte pawhin an hmang tangkai em em a. Tin, Indoor Stadium khilaiah pitarte tlangah kan nei bawk a, tin phullem phah te pawh tunah AR lammualah te, Thuamluaia mualah te pawh kan nei tawh a. Indoor stadium Champhai te, Criket Stadium Sihmuiah te, State Sport Zobawkah te leh Indoor Stadium Bungtlang leh Keitumah te pawh tunah hian an din tawh a. Tin Mini Sport Complex Lengpui, Regional Sport Training Centre, Saidanah te tunah hian hma lak mek a ni a. Chuvang chuan hemi thalai bik infiamna lamah hi chuan tun sawrkar hian nasa takin hma a la a. Tin hemi piah lamah Trade & Commerce-ah te, Transport-ah te, Taxationah te, tunhma deficit awm lovin tunah chuan Revenue-te pawh chhun luh an ni te hi a lawmawm em em a ni. Chuvang chuan Pu Speaker kan Governor thusawi hi member kalkhawmte hian lawmthu sawi tlakah ka ngaih avangin min pawmpui thei ve ngei ula tiin ka rawn lay a ni e. Ka lawm e.

*Speech not corrected.

SPEAKER : I sawi thiam khawp mai, Warning lam ka lo melh deuhva mahse warning i ngai lova minute 12 i la chauh mai, minute 15 vel i lak pawh kha kan huampui deuh che a ni a. Ka din vawi khatna a ni a in ti phei kha chu minute 20 lai pek tur emaw ni aw ka lo ti deuhva, a lawmawm e. Tunge han sawi dawn le kan sawiho turah khan ? Aw Pu T.T. Zothansanga i lo sawm ang.

Pu T.T. ZOTHANSANGA : Pu Speaker ka lawm e. Hei tun term a kan Session tawp dawn lam kan lo hnaih ta reng mai a, kan Chief Minister hmasain kum 2003 ah, “kan inchibai liam liam a kan lo zo der dawn ta reng mai” a tih ang dawn hun kha kan lo hnai ta reng mai a. Kan hunte kan ngaihtuah a, nimin khan kan han tan a, vanduai thlak deuh tih ka nei a, kan hotute han chhuak vel kha pawi kati khawp mai, Mizo History-ah vawi khatna niin kan hria a, Governor thusawi meuh khatianga han chhuah tauh san kha, ka rilru tak chuan vawiinah pawh hian an hmelhmuh ka lo inbeisei tawh lova, tin hemi copy-te pawh an dawng ve duh tho tih ka lo hriat khan ka lawm thova.

History siamtu nih an duh a, document felhlel te kan han lalut vel te a ni a. Hei Mizoram tan chithalo hi kan chhuah ang tih ka hlau khawp mai, rorelna hmun atangin helaiah helna rilru hi kan tuh leh ang tih ka hlau a ni. Hun hmasa lamah tharum thawnate alo awm tawh a, kan thangtharten an theihngihilh dawn tawh tih hun laiah, helaiah kan hotuten khatianga thusawi an han chhuah san kha “engnge a chhan aw” tih te kalo ngaihtuah a, an chhuah chhan kha chu nakinah an la rawn fiah turah ka ngai a. An mahni thlangtute an zahlo nge Zoram mipuite an zahlo tih kha ka ngaihtuahnaah chuan a lo awm tel a ni.

Mithenkhatin min rawn phone-naah chuan “Pu Rama kha chu mitha tak a ni a, a chhuak pawh kha a hreh hmel khawp mai” an rawn ti a, chuvangin phurvaklova chhuakte pawh kan awm a ni ang. Tin, an chhuah lai kha kan Governor zahawm takin NLUP a sawi lai kha a ni a, NLUP-ah khan mi nuai khat leh singhnih kan sawrkar chak takin ruahmanna a neih lai kha a ni a, 15000 khan a tipung ta si a, khami a tihpun lai taka chhuak kha an ni a. NLUP khami additional bial hrang hranga in 300 vel kan han sem leh kha chuan a huatthalala awm awm mang e ka ti a. Sorkarin beneficiary 15000 a rawn tihpun avanga han chhuah tauh kha chu a dik lo e aw ka lo ti a, an khawngaih thlak ka ti a, an Party-in an lawmpui thei lo hi a mak mange aw ka lo ti a, kan lainat a ni tih kha ka sawi duh a, an party-in an lawmpui thei lo hi a zahthlak ka ti angreng khawp mai a.

Tin, an chhuah tauh san pakhat kha BJP khu Parliament-ah chhuah tauh an hrat em em mai a, helaia a hmawr lama an lo chhuah ve loh chuan zuk dawr leh hi an inthlahrung tawh dawn a niang, chuvang chuan an inthlahrung em ni ka ti a. Kan politics-ah hian kan rinna lam hi kan dah hmasak a hun tawh a niang tih te ka ngaiantuah a, tin, party inhruipawhna ang chi te, party hi tupawh kan buai a, hei keini pawh zep thu a awmlo, 2005 ah te khan opposition kan nih lai a rik laih laih chang kan nei ve a, tunah opposition-ah an awm ve a, an han ri ve deuh laih laih a, Assembly nghawng tham erawh chuan kan ti ve lovin ka hria, anni erawh chuan a vangvat kai leh kai lo boruak vel kha House atang hian engtin emaw thiam taka han display hi a awm fo mai a. House-ah hian awmlo se tha ka ti khawp mai a, tuna an chhuah tauh vel takah pawh khanin vangvat kai lam ho kha chuanin an tan leh fe tawh a ni Group Leader hi.

Tin, inthlan a hnai a boruak chhia lentir hi kan inthlahrung lovang tih ka hlau khawp mai a. Inthlahrung lo kan awm palh dawn a nih chuan kan Home Minister pawh kha a lo in warm-up a that ka ring a, inthlan dawna engemaw neuh neuh thiam party-te kan awm avangin ngaiantuahna pawh a thui deuh hlek a ni.

Kan NLUP hrim hrim hi term hmasaa MIP ang mai kha chuanin a fatu ho khan an suan kual an suan kual ve lo a ni. Hei kan Group Leader hi mimalah chuan ka mi zah berte zing ami a ni a, nakum lawkah phei chuan party an han inthlang anga President mai tawh tura kan ngaih laiin hei an thlep nawi leh rih a, pawi ka ti khawp mai a.

Hei kan Governor thusawi hi a tha hlawm khawp mai, hei from processto result a tih lai tak hi ka rilruah a awm a, kan sorkar hmasa khanin insawngbawlna tih ang vel khan hun a hmag tlingtla thak mai. Keini chuan a result kan han buaipui tan a kan tarlang chhuak dawn a ni a. Hei hi a ropui ka ti a, a insawngbawlnaah kum sawm chhung thak mai kha an inzir a, rua te pawh kum sawm chhung thak an zawng a, an theih tawh loh hnuah an zawng hmu leh si a. Hei helaiah keini chuan result frame work documents kan ti a department 40 lai mai an tichhuak tur hi a lawmawm ka ti a, kan sorkar hi a ropui ka ti.

Tin, pathumnaah khanin “maintaining peace and tranquilities securing the safety of the citizens and affecting progress and development in all field have always been

among top priorities of my government” helai hi a ropui ka ti khawp mai a, ram buai hrehawm zia kan zingah hian kan la hrephra deuh vekin ka ring a, state dangte hnuah tunah hian kum 20 zet kan buai avang khan hmasawn turin kan tlan char char mai a ni. Chulai karah chuanin mi dem hman a ni tawh love tih ang deuh khan hmasawnna ngawr ngawr hi kan en a hun tawh a, chuvang chuanin kan tan hi a ngai a, a tam angreng si a mahse ka sawi tam lo mai ang a. Ram buai lai kan hria, harsatna chi hrang hrang kan nu leh pate an tawh tir te kan hria, lehlam pawh kan hawi a, a tawktute ber lam kan hawi teh ang ka ti a, rambuai laia hmundanga lehkha zira tlanbo ve deuh vek mai kha an lo ni a, engpawh nisela, hun zalen tak hnuiah hianin kan ram hian hma a sawn thei chauh a ni tih kan hriatna atangin tunah hian kan inbuatsaiah thei a ni.

Tin, “safety and security of its people” para 5-na ami kha a ropui ka ti a, mipuite hi ralhuam leh engemaw lam pawh nilo, kangmei leh thildang lak atang pawn kan him tur a ni tih kha uar takin kan Governor hian a rawn sawi a. Agriculture a kan hmalaknaah hei 16% a kan sanna ang chite a rawn ziak lang a ni a. Hun a tam si lova hemi bakah hianin power tillers te Champhai lamah phei chuan kan tangkaipui khawp mai, buhte a letin a tam tawh mai a, khatiang kha kan dinhmun a ni a. Kan Governor thusawi hi a tlangpuin a tha ka ti a a pawmawm ka ti a, amah hrim hrim pawh hi Kerela Speaker vawihnih lai te a lo ni tawh a, hmanni kan zu kal khan a Speakership te pawh kha hei ka ziak a, 1982-1984 kha a lo speaker tawh a, 2001-2004 kha a lo speaker tawh bawk a. Helaiah keini ramah tha tak maia kan Zoram sorkar a kaihruai dan a rawn ruahman hi tha ka ti a, ka support a ni, ka lawm e.

SPEKER : Pu Lalrobiaka

Pu LALROBIAKA : Pu Speaker ka lawm e. Vawiinah hian kan Governor thusawi resolution kan han sawiho a ni a, a lawmawm hlein ka hria a, sawi tur pawh a tam hlein ka hria a. Vawiinah hian kan vanneihnate he hmuna hetia kan han thutlang thei mai te hi kan hotute inpekna te, remna leh muanna tha tak mai kan han neihna te avang a ni tih hi chiang takin kan hretlangin ka ring a. Kan Governor thusawiah khan Peace and tranquility chungchang a rawn sawi chhuak a, kha kha a pawimawh hlein ka hria a, ka sawi hmasa duh a. Zalenna leh Nun a kalphung pangngaia a kal loh chuan harsatna development engmah a kal theilo a ni tih hi a hretute kan ni a. Kum 20 lai mai intihderna avang te, thil tak tak nisi lova zalenna sual ang tea kan lanna vangtein harsatna kan tawk a ni. Chuvangchuan, chumi kan harsatna tawh avang chuan ni tam takin nu leh pa an chan a, tam takin an in leh lo an chan a, a vanduai thlak hle a ni. A khua khua hal te pawh kan awm a ni tih kan hria a ni. Chutiangchu anih rualin vawiinah erawh chuan kan Governor-in a sawi ang khan, ‘I congratulate our efficient law and forcing agencies supported by NGO, Religious, Institution, Media and general public,’ a rawn ti a. Heng zawng zawng hi kan tih theih mai a nilo. He sorkar tih theih mai a ni lo. Kan zavaia thawhchhuah anih piah lamah Pathian hnathawh a ni tih hi a lang chiang hlein ka hria a. Tin, chutah chuan a hmanrua kan Home Department-te a bik takin kan Minister zahawm tak a thawh nasat zia leh a rilru a pek nasat zia chiang takin a langin ka hria a.

Hei hi a lawmawm hlein ka hria a, hei a bik takin Hel kan sorkar hmasaah khan a hrechiangtute kan ni a. Kei a hminga ka bial ve Dampa bialah chuan kan sorkar hmasa

hnuiah khan Hel NSCN kan han tihte, ralhuam chhekna te, tam tak Training centre te, a awm a ni. Vawiinah hian he sorkar alo din hnu hian chungho chu an zuk luhchhuah ta tihlam pawh a ni lo. A sponsor-tu kha an awm tak loh vang ni turah ka ngai mai a, vawiinah chuan pakhatmah a awm tawh lova. Ralhuam inchhawp thlak a awm tawh bawk hek lova, abikin Pukzing khuaah te chuan Mizo tawng thiamlo Mizo ang tak hi mikhuah an thleng fo mai a ni. Chu chuan harsatna min thlen chu, tualthihna te, Phaileng-ah te chuan nu pakhat a thi hial a ni tihte pawh kan hria a. Chutiangte chu kan dinhmun kha a ni a. Vawiinah erawh chuan Muanna, Zalenna dinhmun kan han thleng hi a lawmawm ka ti a ni.

Tin, chumai piah lamah chuan nichina kan Resolution rawn move tuin a sawi ang khan kan sorkar hnathawkte an hnathawh, a result kan hriat theih tawhna turin RFD(Result Framework Document) nei tura kan han chhawpchuak te hi a lawmawm ka ti a. Department 40 ah experiment angin kan han tichho dawn kha a ni a. Hetiang ti theia han awm rikngawt pawh hi a vanneithalmak ka ti a. Session hmasa lamah khan kan sawi tawh thin a, Performance Report te pawh hi nei ve tawh ila kan ti thin a, hei kan nei ta ziah a. Hmasawnna nasa tak helaiah pawh hian kan hmu a ni. Chumai nilovin, vawiinah chuan Result Framework Document kan han nei turt hi a vannei thlak em em a ni.

Tin, ei leh barah nise nasa takin hma kan sawn a, kan ei leh bar zawnna kawng hi a tlangpui thuin 70% dawnlai loneitu kan nih avangin kuthnathawktu, chhungte tan kan sorkarin nasa takin ngaiantuahna a nei a. NLUP khati zozai kha pek an ni tawh a, tin, chumai nilovin 15,000 pek belh tur an han ni leh te, heng hian nasa takin dehchhuah a titam a. Tin, chumai nilovin sorkar hmasaah chuan kuthnathawktuten an thawh man an hmu lova, an mangang a Aizawl khawlaiah kuthnathawktuten chemtum nen an zalenna leh anmahni neih tur nei phak lova inngaiin kawng an rawn zawh a ni. Vawiinah chuan 14.1.2013-ah khan loneitute chuan Farmer's Day an hmang ta hial a ni. Hei lo liama change, hei lo liama thlak thleng tih hi vawiinah hian mipuiin an rilruah an neih ka ring.

Tin, chu mai nilovin, NLUP atanga dawn tur te, tin, RKVY atanga sum tam tak pekbell tur te, 2012, 2013 ah te Governor thusawiah khan kan hmu a, heng zawng zawng hi a ropui ka ti a. Vawiinah hian a ropui an ti ve niin ka hria a. Pu Speaker i phalnain MNF Group Leader pawh hian Lungleia ni 11.3.2013 a a va sawi chu hei, Evening Post a ni a. Ni 11.3.2013 a sawi chu, "Kan Sorkar chuan NLUP kan chhunzawm ang" a ti a ni. A lawmawm khawpin ka hria. An Sorkar hunah chuan an chhunzawm ve turah ngai ila. Amaherawhchu an nghah rei fu chu ka ring.

Tin, nichina ka sawi ang khan NLUP te avangin nasa takin tlang ram loneih kan han ban san a, afforestation-ah (Speaker : tihtawp tum hnai deuh tawh rawh aw. Minute khat zen zawn) Awle, nasa takin hma lak chhoh zel a ni a. Tin, kan dehchhuah te hi 5.50% in a lo pung ta reng mai a. Vawiinah hian hetiang taka hmalakna awm chho leh tin, chu mai nilovin Crisy Garman Award Loneihna lama kan Sorkarin a dawng te hi a lawmawm ka ti a. Heng zawng zawng lo chhuah theihna hi kan Sorkar chak tak vang hi a ni tih kan hriat atan ka sawi duh a ni.

Vawiinah hian Governor Speech tha tak mai kan han sawiho hi lawmawm ka ti a. Kan duh ang kil kel ni lo mahsela, hetiang taka tha kan han nei thei hi a lawmawm ka ti a ka'n support a ni e. Ka lawm e.

SPEAKER : Tunah chuan Pu K. Lianzuala kan sawm ang a. A dawtah chuan Pu Lalthansanga.

Pu K. LIANZUALA : Pu Speaker, ka lawm e. Kan Governor thusawi motion neitupain thiam tak maia a rawn move avangin a hnenah lawmthu ka sawi hmasa duh a. Sorkar tha leh rintlak, langtlang thei he Sorkarin a siam thu leh chumi rah tha kan hmuh thu chu he kan Governor Speech-ah hian a ni deuh berin a lang a. Mahse Pu Speaker, tukin Chanchinbuah hian Assembly House atangin MNF MLA te an chhuak tau tih Zozam Times in rawn headlines hi a vanduaithlak hlein ka hria a. Tute tawngkam emaw han hawh ta ila, Tuilet hnuah hetiang hi House-ah Mizoram rorelna sang berah la awm ngailo niin ka hria a, a vanduaithlak ka ti khawp mai a. Nimina kan Member zahawm tak tak te, kan senior member hova an han chhuak dum duma an inzui duah duah kan hmuh khan min lo tilungngai tep a, mahse mi thiltiha lo lungngaih ringawt kha chu a dikin ka hre lem lova.

Tichuan, Pu Speaker NLUP hi a tha hle a ni ang tih ka ring a. Nimina kan Governor zahawm takin Sorkarin NLUP a hmalakna, a hlawhtlinna leh thildang an sawi lai khan a za an ti ngang a nih ka ring a, kan hotu zahawm tak tak kan Member te khan. Khatih lai taka House min han chhuahsan kha pawi ka ti khawp mai a. Engpawhniela, NLUP hi mipuiin a takin a result an hmu a, nichinah Question Hour-ah pawh kan hmu a, Vety hnuiah ringawt pawh sawi tur a tam hle a ni. Kan Governor hian a sawi tlem zawk mange aw ka ti a. Chuvangin, NLUP hi tute tan emaw chuan a hnawksak hle ta a ni awm mange, inthlan a hnai si a, hnawk an lo ti ta a, ram a la chak si a, an mi leh sate an veng zolo a ni. Chuvangchuan, vawiinah hian House a thil thleng ngai lo, Governor zahawm takin a address lai a chhuah san te a thleng ta mai hi he House record chhinchhiah tur lo awm ta mai hi pawi ka ti khawp mai a, chu chu ka sawi hmasa duh a.

Pek lai a ban zuau zuau, pek a la duh si lo tih ang deuhin buhfai te, gas ten harsat lai a nei thin a. Kan thar a ni lo va kan hre theuh a, eng hunah pawh thleng thei a ni. Tun dinhmunah hian buhfai te, gas (LPG) kan harsa lo a ni kan sorkar leh kan Minister hmalaknaah. Engati nge aw kan opposition Member zahawm takten a harsat lai a NASA tak mai a mipui zirtir a, vawiina a awlsam ta a an ngawi leh ta tlat mai pawh hi hei hi engtizia nge ni ngai ang aw, puitling zia a ni angem tih hi ngaihtuah tham niin ka hria a, kan Governor thu rawn sawiah pawh khan a lang a, chu chu ka'n sawi tel duh a.

Tin, hriselna lam ngaihpawimawh anih thu a rawn sawi kha a ropui, a lawmawm a. Mihring kan hrisel loh chuan hmasawnna a awm thei lo va, chhungkua, ramah chutiang chu a ni. Tin, chu mai a ni lo va, hriselna ngaihpawimawhnaah pawh Zokhaw lam ngaihpawimawh a nih thu te kan hmu hi a lawmawm thlawtin ka hria a. Zokhaw lamah

Health Sub-Centre te, Primary Health Centre te tam tak sak anih thu leh sak mek anih thu an sawi te hi kan House chhungah kan Governor zahawm takin Mizoram sokarin kum 4 kum 5 chhunga Mizoram chhunga thil tam tak hlawhtlinna a thlen thu a rawn sawi hi lawmawm ka ti a.

Tin, Pu Speaker, Helicopter service hi a lawmawm ka ti khawp mai. He sorkara kan hotupa kan House Leader, kan Chief Minister zahawm tak hun lai bawk khan Helicopter service hi a awm thin a, mipuiin kan chhawr hle a ni. Tun sorkarin sum leh pai harsatna nasa tak India ram pumin a tawh laia mipuite ngaihpawimawh avang a, mipuite chhawr tur Dist. Hqrs. tina Helicopter service an awm leh hi a va han lawmawm em ka ti a, hei hi a chhawrtu hi kan vaiin kan ni. A chhawr lehzualtu an awm a damlo, thi mai tur te hmunpui zawk panna atan a pawimawh hle a ni. Chuvangin Helicopter service kan nei thei hi a lawmawm a, kan Governor thusawi hi a lawmawm a, ropui ka ti a ni.

Tin, chhiah chungchangah kan hmu a, nasa takin chhiah kuminah a pung chho a. Tunah hian nasa takin Department tam takah chhiah khawn lak khawm a pung chho a ni tih kan hria a. Hei hi sorkar tha, rintlak, langtlang thei sorkar anih rawn nemnghettuah pawh a ngaih theihin ka hria a. Tin, inkalpawhna kawngpui lamah ni sela, tunah hian nasa takin hmalak a ni a, Building hrang hrang sak mek a ni a, an sa zel a.

Tin, infiamma lam hi sawi tur a tam khawp mai, kan Governor thusawiah khan kan hmu a kan sawi seng lo ang a. Tunah hian khelmual hmun hrang hrangah hmun tam takah phul lem (artificial turf) phah a ni a. Tin, ram rotling tur project lian ruahmanna chi hrang hrang tunah hmalak leh tih chhoh mek a ni bawk a ni, a lawmawmin a ropui hlein ka hria a. Sawi tur tam hle mahse sawi tam ka tum lo va, Pu Speaker, kei chuan hun dil belh ka tum lo va, motion move- tuin thiam takin a rawn sawi ang khan he kan Governor zahawm takin a thusawi motion of thanks hi ka support a ni tih ka sawi a ni e, ka lawm e.

S P E A K E R : A lawmawm e. Tunah Pu Lalthansanga, mahse eng nge a rawn dil leh dawn ka hre lo va, pahnih aiawhin a rawn sawi leh dawn nge ka hre lo va, ka pu kha sawi a tum dawn nge dawn lo ka hre lo va han sawi phawt teh se, Pu Lalthansanga.

Pu LALTHANSANGA : Pu Speaker, ka lawm e. Ni e hei he House zahawm takah hian i khawngaihna leh i duhsakna kan dawng thin a kan lawm takmeuh meuh a. Min hriat angin hei kan pu ber hi kum 91 lai a lo ni tawh a, vawiinah heti lai hmunah a thu thei hi a lawmawm hlein ka hria a, mi vannei bik a nihna te pawh niin ka hria tih kha ka han sawi duh a. Hei nimin khan he kan rorelna in sang berah hianin ram kal siam kan relna turah kan lung a rual lo va, a pawi tak meuhin ka hria a, kan Constitutional Head berin a thu sawi laia chhuah ngai khawp maia khatiang a awm kha, a pawi takmeuh meuh a. Hei kan dinglama mite hian min hrilh chiang phei se chu a move-tuahte han tan a, han chhuah del delte pawh kha a chak awm a, a han chhuak bikah an han tangte kha a lungchhiat thlak ka ti a.

Hei, Mizoram hi remna leh muanna hnuaih kan awm kan ti a, most peaceful state kan han tite hi vawiinah hian enhian hle ngaiin ka hria a. Heti lai hi kan sawi zing ta

malh malh a, a bikin Party lian pahnihte hian eng angin nge in enkawl a, eng angin nge in enkawl that loh? Kan ramah hian buaina leh harsatna eng angin nge in thlen tihte pawh hi vawiinah hianin zuk examine hi ngai tawh takmeuh meuhin ka hria a.

Politics inbeihnaah hian nasa takin kan inbei a, kan ram hi a dam lo a ni. Tun tum Chalfilh By-Election-te kha heti laiah hianin kan Governor zahawm tak mai hianin, “Peaceful Atmosphere-a zagh a ni,” a tihte hi ngaiantuah chian chuanin rambuai lai chuanin silai kaw hmawr mipuiin kan chang a, chutiang ang khawp chuanin kan awm a ni a, a eng lam lam atang pawhin sipai emaw underground lampang atang pawhin kan ram hi a awm a ni a, a rapthlak em em mai a. Chu hun chu vawiinah hian kal pelin, vawiinah remna leh muanna kan nei ta a. Chumi piah lampangah chuan vawiina kan neih leh tur lang ber hi chu Politics Peaceful hi kan neih a ngai niin ka hria a. A chhan chu engnge ni kan tih chuanin tun tum By-Election inbeihnaah kha a rapthlak hle mai a. Khatiang ang em em a, mipui dikna leh chanvo kan han rapbet kha a rapthlak em em ka ti a ni. Khaw pakhatah phei kha chuan kan unit president phei kha chu NLUP Second Phase lo dawng tawh a ni a. “Hemi i nihna hi i bansom loh chuan Second Phase-a i dawn leh tur pawh i dawng lo vang,” an ti a ni. A nupui phei chuan tap chungin, “Paa hetiang tur a ni ngai em ni?” tiin a han hrilh a, mahse ani chuan, a kaltlangpui a ni a, Second Phase-ah chuan a lo dawn tawh banga chu dawng lo tur a ni nghal ringawt mai a ni, a rapthlak a ni. Chu chu a ni kan ramah hian, vawiinah hianin natna benvawn cancer thuk tak mai kan neih zawk chu. Chuvangin, kan ram vawiinah heti laiah NLUP hi Flagship Programme a ni a. Kan ram aiawh leh kan mipuite aiawhin he flagship programme hi kan pawm a, kan banphar a ni. Mizoram sorkar Flagship Programme hi kan vaia ta tur emaw an tih lai hian vawiinah chuan khati lo zawng khan a kal ta a ni. Kan ram budget hi vawiinah chuan membership zawn nan kan hmang ta hi vawiin hian politics cancer natna lian tak hi a rawn intuh ta a ni. MPF-te phei kha chu awm ta lo sela, khit lai bialah khan cassette semte leh Prison thuchhuah semte kha khatiang inchhuhsaknaah khan buaina lian tak kha thleng thei a ni. Vawiinah kidnap case kan tih aia rapthlak zawk kha thleng theiin kan dinhmun kha a awm a ni. Chuvang chuan vawiinah kan ngaiantuah chian kha a ngai ta a. He ram rorelna sang kan awmna tur atan hian Pathian hriat tlak, Pathian rem tih tur anga kan kal hi vawiinah hian a ngai ta niin ka hria. Chutiang tur chuan vawiinah hian kan rilru kan inpuahchah a ngaiin ka hria. Chuvang chuan kan Party-te pawhin sorkarna kan lo la tawh thin a, NLUP kan tihte pawh hi engtinng achievement kan neih tihte pawh Government colony PC-in a tih thinte pawh NLUP-ah khan kha achievement kha nasa takin a rawn sawi a ni. Vawiinah pawh hian NLUP achievement tam tak an rawn sawi hi 2010-2011a lo intan chauha kha, vawiinah hian achievement kan hmu nasa em em mai a ni. Phulenah chuan NLUP titha ber AWARD an dawng an ti a. Mi pahnih hming an sawi a, “Pakhat chu Bakery a ni a, pakhat chuan WRC atan a la a, chu bakery atana latu chuan chhang a zuar thin a, a titha hle an ti a. Tin, WRC-a latu chuan phur sawmruk vel a thar thei dawn a, a dang hi chuan titha ve kan hre silova, chuvang chuan Phullen hian NLUP titha award kan dawng hi mak kan ti hle mai,” an ti a ni tih thu an lo sawi a ni.

Chuvang chuan vawiinah hianin heti laia ziakah hianin ziaka a fel rual hian, a tak hian kan enpui ngaiin ka hria a. Hei kan sorkarin RFD te a rawn buatsaik a, kum chanve leh kum tawpahte a rawn ti dawn hian transparency kan duh em em a, a ziakah hi chuanin a

fel dawn, amaherawhchu, a takah hianin han en ta ila, Supply buhfai chungchangahte pawh kan Finance Minister zahawm tak khanin hman niah khanin a sawi a, “crore 80 vel kan hmang a ni, supply buhfai atan hian tih kha a rawn sawi a. A budget speech-ah khanin Power leh Supply buhfai atan hian vaibelchhe za vel kan hmang ang,” a tih rual khanin supply buhfai atan ringawt pawh vaibelchhe 80 kan han hmang ta a ni a. Kha lui kawra a luanna zawng zawngte han en khan WRC-ahte NLUP hlawhtlinna kan han sawi pawh kha vawiinah kan Governor speech-ah pawh hian a rawn ti a. Vawiinah chuan buh pawh kan thar tam ta viau te a rawn ti a. Chutiang ang chuan 16. 5 % velin vawiinah hian kan buh thar pawh a increase tawh an tih lai hian a taka zuk en chuanin khati lam panga kan budget kalna kha chutiang dinhmunah chuan kan ram politics hi a awmin ka hria a, ram buai kan ni tawh lo a, politics ah pawh politics thianghlim ber, MPF tena politics an duh dan ang, min beisei anga, kan kal hi a tha tawhin ka hria a. Miten anmahni chanvo, an right, an dikna an exercise a, chutiang anga vote an thlak theia, tin, he NLUP te pawh phu leh mamawh, chumite chuan an hmuh theihna tur atana he scheme hi siam a ni. Tun hma chuan mono-scheme anga siam a ni a, tunah chuan composite scheme anga siam a ni tawh. A huam zau kan tih rual khan, NLUP bik phei chu, nichin khan kan House leader zahawmtak khanin engtin nge a rawn tih kha, bawngchnute chungchangah, ‘Vawiinah chuan NLUP alo hlawhtlinga bawngchnute hrighthna pawh hi kan lo nei mang ta lo a, chumi treatment plan chu vawiinah kan siam,’ an ti a ni. Chuvangchuan NLUP kha a hlawhtlin rual khan, a hlawhtlinna tak tak kha chhiatnahal alo thleng thei dawn a, chuti khawp chuan NLUP pawh hi a hlawhtlinna kan sawi rual hian amah leh amah pawh hi a inhnialkalh thei tlat a ni.

Chutiang chuan vawiinah hian hlawhtlinna han sawi tur lehah chuan Governor speech hmasa 20th March a, point 12-na a a sawiah te pawh khanin, a bikin cash crop a sawiah te khanin, hmunphiah te pawh kha a rawn sawi a, chumiah chuan 19 crore leh point 70 vel hmuh beisei a ni, an rawn ti a, hmunphiah hrighthna tur atana khati zat hmuh beisei lai khan, vawiinah chuan hmunphiah hrighthna turte chuan an hmunphiah hrighthna pawh hi an hre mang lo niin a hriat a. Hmanniah Hnam Chhantu leitir kan duh lo tih te a ri ta nawk nawk mai a ni. Chuvangchuan, marketing chungchangte kan han sawirual te pawh hian, a marketing tur atana Committee kan din te pawh hi, hma hi la tak tak ve sela tih te pawh hi a chakawm a. Chutiang ang turte chuanin inpuahchahna feltak hnuaih hian engkim hi kan kalpui tur nite pawh hian a hriata. Chutiang ang chuanin hei power project chungchangah te pawh an han ti a, Power project kan han tih reng rengte pawh hi, a nihna takah chuan minimum share hian kan kal lutuk te pawh hi, hei hi kan kaldan tur a ni angem? Pu Speaker, tlemte, hei ka Pu ai kha i ti bawk a, minute hniih khat lek min han pe la.

Power chungchangah vawiinah harsatna tam tak kan neia, hetiang taka kan harsatnate pawh hi, hetia kan han sawi hi chuan a dik thlup maia, vawiinah te phei chuan tam tak pawh an rawn sawi ta lo a. A hma kha chuanin Tuivaite, Tuirial te, khatiang zawng zawng kha an rawn sawi a, mahse khang zawng zawng pawh kha lo ni ta sela, keimahni share bakah, Kolodyne te pawh perpetual list a sign alo nih avangin, chutah chuan 12 % ah chuan 1 % phei chu a affected area enkawlna atan a ni a, 11 % emaw chuah kan lo dawng dawn ta alo ni a, tichuan leilung awm chhunga kha company ta tur, tih te pawh kha alo ni ta zel mai a ni. An kuta awm tur tih kha a ni a, land lease a kan pek miau siloh avang khan. Chutiang ang tak a

nih avang khan Pu Speaker, hetiang chungchangah hian kan ramin nasa taka he Power-ah te, buhfaiah te leh PHE-ah te, subsidy-a min pekna ang zawng zawngte, chutiang ang han meet thei turah pawh chuan, kan rama, kan ram leilung hausakna chi hrang hrang, Power te leh Gas te leh Petroleum-ah te hian, hawh teh u, kan ram enkawlna tur atan hian, hengte hi hmalakpui leh achievement ropuiah hian kan Governor speech-ah te hian tel ve ila chuanin, he Governor speech te pawh hi Speech ropui ber leh tha ber ni turah kan ngai deuha. Chuvangchuan, a lawmawm rualin, lehlampangah chuan a lungchhiat thlaka, kan ram politics siamthat a ngaihzia he kan Governor speech hian a rawn tilang hi kan rilruah hrereng chungin chutiang chuan he Governor Speech pawh hi enge pragmatic ang deuh a ni. A tha thawkhat e, tih ang deuh chauhin alang e, tih kha kan sawi duh a ni e. Hun min pek belh avangin ka lawm e.

SPEAKER : Le, Lt Col.Z.S Zuala

Lt. Col. Z.S. ZUALA : Pu Speaker, ka lawm e. Kan Governor Speech hi veteran politician a ni bawk a, a tha hlein ka hria a. Tin, hei a han opening-ah hian Chalfilh bial By-Election result a Dr.Ngurdilingiana an welcome te kha a lawmawm ka ti a. Opposition Party a kan hotu thenkhatte chuan, hemi by-election zet hi chu MLA general election darthlalang a ni ang, te kha an ti a, a darthlalang anih chuan a lawmawm dawn hlein a langa. Tin, NLUP chungchang a han sawi lai taka kan Opposition hotute leh Member zahawm tak takte han inzui chhuak dum dum mai kha pawi hi ka ti khawp a. Hemi NLUP project atan kan House Leader-te leh kan party hotutena nasa taka he project, opposition nih lai atanga an lo ruahman tawh, tuna lo puitling mek, kan mirethei zawktena an hman tangkai mek lai a, hetiang Governor-in a sawi lai taka an chhuak kha, kan miretheite hi an hmangaih vak lo nge maw an hmangaih lutuk a, a aia tam an duh a an chhuahsan tih kha ngaihtuahna mi siam nasa khawp a. Tin, ‘a party pakhat tan deuh ringawt mai a ni e’ ti ang zawnga tawngkam te kha a awm a. Ka bialah khan tukin khan kan chhut a, kan bial chhung, Aizawl South-II-ah sawn NLUP hi tun thleng hian kan dawn tawh zawng zawng 32.30% hi non-Congress an ni. Tin, hetah pawh hianin, MNF tih chiang banga kan hriat te, opposition chiang banga kan hriatte pawh, a then ka la duh lo ti ngat pahnih khat ka hriat pawh, amahin la duh lo mahse, a fapa tal pe rawh u, ti a kan pekte pawh an awm a ni. Tin, ka hnena lokal a, NLUP duh, amaherawchu, Congress ni si lo, ka duh ve khawp mai a, mahse MNF ka nia han ti pakhat pawh ka encounter a, kha pawh kha an pe a ni, kan hotuten, an lawm khawp mai. Chuvangin, kan flagship-ah hian opposition member tam tak hi passenger-ah kan lalut a ni tih kha kan hotute hian min hriatsak se a tha in ka hria a. Party bil programme ringawt a nilo tih kha ka han sawi chhuak duh a.

Tin, chulolehah chuan hei, fire fighting equipment tha zawk kan Sorkarin an han laluta, an han nei hi a lawmawm ka ti a. Kan bialah hian thal lai hian kangmei hi kan tuar deuh ziah mai a. Tunah chuanin Fire Department hi nasa takin an improved a, tun thal hi chu engemaw chhiatrup tawh thuah pawh kan lo hmachhawn ngam turah ka ngai a, hei hi a lawmawm ka ti a, disaster management-ah nasa takin kan hotuten hmasawnna an siam hi a lawmawm ka ti a.

Tin, Referral Hospital chak taka hmalak a ni hi a lawmawm ka ti a. Tun hma khanin Referral Hospital kha a sawngnawi hle a, a tawp mai dawn emaw kan ti a, pawi kan ti a. A bik takin sawti lam Aizawl chhim phei saw chuan an tangkaipui lehzual bik dawn te hian ka hria a. A chang chuan Catholic kohhranah pek tumna te a awm e an ti a. A chang chuan sipai te khan an rawn inspect a, sipaite hian min chhuhsak mai dawn ta emaw ni chu le te kha kan han ti a. Amaherawhchu, tun Sorkar, Pu Lal Thanhawla kaihruai Sorkar hian Referral Hospital te an han tinung leh a, hmanni lawk a hawnna kan han nei kha a lawmawm takzeten ka hria.

Tin, hetilaia kan member zahawmtak, ka bula mi hian a sawi chhuak tawh a. Gas harsat lai khan nasa takin min au khum a, kan Minister thleng thlengin. Amaherawchu, tunah hian gas sawi a awm tawh lo reng reng, tumahin a harsat thu an sawi bawk hek lo, lawmthu pawh an rawn sawi bawk hek lo, lawm nachang hriat ve te pawh hi a tha viau lo maw. Chuvangin kan Sorkar chak takin hma a lakna a, a thil tha tihte hi min lawmpui ve tur hianin midangte pawh hi ka sawm duh a. A speech hi a tha em em maiin hmalakna pawh hi a lo tam khawp mai a. Chuvangin ka lawmpui a, pawmpui ngei tur pawhin ka han sawm a ni e, ka lawm e.

SPEAKER : Pu John Siamkunga

Pu JOHN SIAMKUNGA : Pu Speaker, ka lawm e. He motion, kan Governor thusawi hi, hei mah hi a summary chauh a ni a, a sawibak helaia tarlan loh tam tak a awm a, tuna a tarlan pawh hi theuneu lo tak niin ka hria a, chumi chu a thlawp zawnga han sawi ka duh a. Hei kan hriat angin i vei lama mite hian engemaw thil an han hriat pawr hi chianna pawh awm silo a sawi punlun vakte hi a tha lovin ka hria.

Tuna ka sawi duh chu kan puin Lengpui Airport khu theihtawp chhuaha a beih lai ni te khan, ‘choak pawh a tum dawn em ni? engmah an tum lo ang hluihlawn leh mai tur,’ ti a an sawi thawm te kha a awm thin a ni. Amaherawhchu, vawiinah chuan foreign tourist-te, keini ngei pawh hmun danga kan kal duhin khulai hmun atang khuan kan thlawk chhuakin, khulai hmunah khuan kan thlawk lut bawk a. Foreign Missionaries-te ngei pawh kan ramah rawn thlawk lutin khu thlawhna tum hmun khu kan hmang hle a. Hmanni lawk khan nu pakhatin min hrilh a, amah chu kan party mi a ni lo a, hei cancer natna kan han tawng ve a, kan han inentira, Mumbai lamah kal a ngai ta si a kan han kal ta a, nikhat thil thuah kan thleng thla a, tlaiah doctor hmuin kan kal hman a, kan lawm hle mai, hetiang hian tunhma khan a ni ang tih ka lo ring ngai lova. Mihausate tual chaina tur a ni tih an sawi kha ka rilruah a lo awm thin a, mahse Pu Lal Than hawla’n he airport a lo din hi chu mihausate ta ni lovin damlo, rethei manganten damdawi kan panna tura remchang lutuk a lo ni zawk niin ka hria a, ka lawm takzet a ni. Chuvangin in policy hi a lo ropui thei ngei mai tiin min hrilh a ni. Tuna NLUP kan kalpui mek pawh hi a gestation period chauh a la ni a, tunah hian kan thar dawn a, kan beneficiaries-ten chhungkaw nuaikhat chuangin hma an la tan chho mek a, he economic policy ropui tak hian Zoram hi, State 28 zinga a ding chang pawla siam chhoh a tum mek a, tuna a kalna kawng a zawh chhoh mek lai a, sawiselna ringawt mai kan aupui hi chu a fuh

lovin ka hria. Nichin lawka thian thenkhatten an rawn sawi kha, lawmmante pawh NLUP hnuaia a thawk thate pawhin an dawnga a tih kha. Kei chu ka bial chhungah sawn dawng an awm ve a, pahnihna, C.Lalpianthanga a ni a, WRC-ah tho a ni a dawn ni. A buh sengnaah ka kal ve a, buh ka chil a an tui lakna zawng zawng ka en vek a, a nei zau khawp mai. Lawmmman dawng tura an thlan chhuahte hi a lem a ni lo, a tak tak a ni, kei chuan a hmunah ka fiah. Fiah si lo a, tuten emaw an sawi a kha lo sawi pawr ve mai chi a nilova, he policy ropui tak, Zoram khai chhuahna tura he sorkarin a kalpui mek hi, a ropui takzet a. Chutihlai kara nimina Governor speech kan ngaihthlak laia i veilam a mi thenkhatin ngaithladuh lovin an han chhuak ngat a, kha kha kuthnathawkture hmuhsitna, itsikna ni hialin ka hria a, a pawi takzet a ni.

Tin, tunah pawh NLUP kan beihna atang hian hmunphiah thar chhuah a lo tam ta a, eizawnna tling a ni tih hriain chhungkaw tam takin a nuai/sing tel te an lalut a, tin leilet atangin tharchhuah a lo pung a, metric tonne sing telin a lo pung a, chu chuan Zoram hi hmalamah a pen tir mek a, kan pawisa hman kha a uiawm ti zawnga sawi chi a ni lo. In kan sa a, kan sakna kha kan ui ringawt tur a ni lova, kha in kha chenna tlak leh luah tlaka kan siam chuan a ropui a ni. Chutiang bawkin he NLUP kan kalpuinaah hian, tuna hmalak chhohmekna a gestation period-ah chuan sum chu a ral ang chu. Mahse a hlawhtlinna lo la lang tur hi a ropui zawk a ni. Tuna a hlawhtlinna lo lan hma a sum sen hi a uiawm lo tih nghal ringawt kha chu a dik lo ang. Engtinng investment kan tih theih ang. Chuvangin sumdawng miin investment a neih a, a lo let leh tur a thlir thin ang hian he sorkar hian kuthnathawkture hnenah investment ropuitak tiin a lo let leh tur hi a thlir mek zawk a ni.

Tin, he Sorkar hianin Sorkar dang tih loh thil tam tak a ti a. Thil thar ti a, hmasawnna rahbi an han rap chho hi a ropui hlein ka hria a. Tin, a khua leh tuite ngaihsakin, a khua leh tuite thlamuanna tur a ngahsak hle tih a hriat a. Tun kan Governor's Speech-ah pawh khan a lang a ni. Mizoram House hmun hrang hrangah kan nei tawh. Silchar-ah te, Guawhati-ah te, Kolkata, Delhi-ah te, kan la neih lohna Mumbai-ah te pawh kan Chief Minister zahawm takin lung a phum zel a. Tin, chu chang ni lovin, Bangalore-ah te pawh mimal in te kan luah hawh a. Chungah te pawh kei pawh ka zuk kal tawh a. Kan Mizote thlavang hauh hian kan pu ho hian he Sorkar hian theihtawpin hma a la a ni tih hi a chiangtu ka ni vein ka hria.

Tin, chu lo lehah chuan Chhim lamin an nghahhlelh em em, Saiha-te pawhin an nghahhlelh, sawlai Tuiral hovin engtik niah nge Lei hi kan dawh ve ang a, engtik niah nge chhun zan zawma kan zin ve ang a, natna pawh tuar ila, damdawi inte kan pan ve theih ang ti a tlumte nghah taka an lo nghah kha tunah hian kan Chief Minister zahawm tak kaihhruaina hnuaiah saw Lei saw dawh a lo ni dawn ta a. Tunah sawn an dawh tan dawn mek a ni. Chuvang chuan, hmasawnna rahbi he Sorkarin a rah chhohna hi Zoram mipuite tana chhenfakawm infrastructure lian tak tak a ni a. Chhawr na-awm tak tak a ni chho zel bawk a ni.

Tin, Helicopter service te hi a nep zawnga sawi chi a ni lo. He Helicopter service avang hian mi tam tak natna khirhkhan tak tak tawkten hmunpui an pan theih phah a ni. Chu chang ni lovin, hmanhmawh aka Sorkar hna thila Aizawl lokal duhent Aizawl an lokal theih phah a. Thinglang lam ami pawh chu ti bawk. Chuvangin, he Helicopter service hi ram chhungah pawh hian nasa tak leh tangkai aka hman a lo ni tawh thin a ni.

Tin, tunah hian Infiamna lamah pawh kan pu kaihhruaina hnuiah Sports Department-in hma a sawn nasa. Thangtharte tan thil tam tak a ti thar, Rajiv Stadium te pawh. Tun hma te chuan phai lam mite leh Russian mite an lo kal a. Khangte pawhin Friendly Match an neih dawn pawhin khu rum rum karah kan awm thin a ni. Kan ip chawih chawih a, kan Infiamna tualte kha kan zahpui thin. Mahse, vawiinah chuan kan zahpui tawh lo. Kan inchhuang ve tawh. Ram dang mi inkhel tura lo kalte pawh zahna tel lovin, thlaphanawm lovin kan lo hmachhawn ve thei ta a. Hengte hi sawi sen ni lo mahse, a then a zar ka'n sawi duh a ni.

Tin, chu chang ni lovin, PHE lama kan hmalaknate he kan Governor's Speech-ah hian a summarised mai a ni a. Sawi loh tam tak a nei a ni. A sawi hmaih lian tak tak a tam. Hnahthial Pumping Scheme te pawh Vaibelchhe 8 chuangin hna an thawk a, August thlaah hian zawh an tum mek a ni. Khatiang khan thil tam tak an thawk a. Chubakah Greater Aizawl Supply Scheme te pawh hi a hmunah vawihnih kan zuk kal tawh a. He hmalakna pawh hi theihtawpin a kal chho mek a. He Sorkar hian tihpuitlin tumin theihtawpin a dawm ngar ngar a ni tih a chiang a.

Power lamah te pawh a hmuna ka zuk kal vena Tuirial Hydel Project pawh hi Sorkar hmasain mipui ngaihsak miah lova a lo hluihlawn tawh te, a hmuna kan zuk hmuu phei chuan ka rilru a tina khawp. Tuirial-te hi lo tipuitling ni ta ang se, vawiinah Power hi harsa lovin kan awm ve tawh tur a ni a. Mahse, Congress Sorkarin kan Pu kaihhruaina hnuiah theihtawpin hma a la a, tunah hian theihtawpin Engineer te an tang bawk a. 2014 kum tawpah hian hawn an tum thei ta a ni. Chuvangin, kan Governor thusawi hi a ropui takzeten ka hria a. Heng hi a summary mai mah nise, a rawn sawi chhuah chin pawh hi ram hnuk, ram thanna, ram hmasawnna ropui tak niin ka hria a. He Motion hi ka thlawp a ni e tih kha ka'n sawi duh a ni. Ka lawm e.

S P E A K E R : Kan hun a tawp a ni tawh a. Hun tawp dawn a rawn hauh niin a lang a. Tuna Member zahawmtak kha a han ang thiam viau a. Mi 7 in kan sawi tawh a, minute 5 kha ka'n ti na-a, minute 8-ah khan a Member pangngai pawh kha ka'n tihsak deuh ta tlat mai che u a, ka'n khawngaih leh deuh che u a ni. Minute 10 vel kha Leader-te kha chu ngei ngei kha a ni a. Pu Lalthansanga phei kha chu a rawn dil belh taima bawk a, a bawk deuh tawkin ka hria, a lawmawm e. Kan chawl rih ang a, Dar 2 : 00 PM-ah kan thukhawm leh dawn nia.

2 : 00 PM

S P E A K E R : Mi 7 laiin kan sawi tawh a, tunge han sawi leh dawn ? Pu B. Lalthlengiana.

Pu B. LALTHLENGLIANA : Pu Speaker ka lawm e. Nichinah khan minute 10 tal hun min pe turin ka'n dil che a kan dil ang chiah hun min pe lo mah la han sawi tak tak kha chuanin kan dil ang tiat vel hun min pein ka hria a, a lawmawm khawp mai.Pu Speaker, kumina Governor Speech hi a bul atanga a tawp thleng han en khan leh nikum leh kum hmasaa Governor Speech nena han khaikhin khan kumina Governor Speech-ah hian thil thar hmuh tur a tlem hle mai a.A dik tak sawi duh chuan Pu Speaker, i dinglama thute pawh khan chu chu an hmuh dan a nih ka ring a. Mizoramah hian department 48 vel kan nei a chumi zingah chuan Department 20 a run dalah in rawn thai lang ve a ni mai a. Kumina Governor Speech hi a sitawm khawpin ka hria a.Mizoram pawn lam hian lo hmu sela he sorkar hmalakna chhiat zia an hmuin ka ring a, a zahthlak ka ti khawp mai. Ngun taka han en han en hian tunah hian Department 20 vel an rawn tel thei tawk a, a dang zawng zawng kha hnathawkloin an thu fai vek tihna nge ni ang a rawn sawi chhun pawh hi heti taka han lawmna tur awm bawk si lo tih ka'n sawi lang hmasa duh a.

Pu Speaker nimina MNF Legislature Party Governor zahawm tak thusawi laia kan chhuah chhanah khanin kan MLA i dinglama thute leh Minister thenkatten NLUP dawng tur an thik vang a ni ti a lo sawi tawkte an awm a. NLUP dawng tur hi keini thik phak a ni lova kan thik tur pawh a ni lo va. A tir atang khan NLUP hi a thalo kan ti lova, a chhia kan ti lova, a implementation a that chuan Policy tha tak kuthnathawtute intodelhna tur a ni ang tih chu kan rinpui che u a, chu chu kan sawipui thin che u a ni. Vawiina kan sawisel ber erawh chu chhungkawtin hnenah Inthlan tuka nuai khat pek intiam siin kum khat 2009-2010 ah pawh pek la awm thei silo, 2010–2011 ah Budget-ah Cheng vaibelchhe 234 leh nuai 82 rawn dah a ni a, a hma khan 100 dah a ni a, hman lovin a riral kha a ni a, chutiang chu a nih avangin in intiam ang hian hmanhmawh teh u kuthnathawktuten an lo beisei a an vote tling si che u a, tih kha kan sawi dan thin a ni. Amaherawh- chu, an kal zel a 2010-11, 2011-12 ah NLUP pek tur thlan a nih meuh chuan, nichina Pu Speaker, i ding lama thu Aizawl S-11 MLA zahawm takin an bial chhunga 32 % Congress nilo NLUP beneficiaries an sawi kha Mission veng te a ni bawk a, khatiangte kha a lo awm a nih chuan a lawmawm ka ti khawp a. Khatiang ang kha Bial dang 39-ah hian ni ve sela chuan vawiinah hian NLUP hi sawi sel vak tur awmin ka hre lo. Amaherawhchu, keini bial angah chuan First phase, second phase-ah Congress an inthlang ngar ngar a, tunah third phase hmalak a'n nih dawn hian ₹ 2 rawn pe ula, Rs 2 pe a hming kan ziah luh chin chauh hian NLUP an dawng dawn tih hi khawtina membership an zawnna a ni. Chutiang chu a nih avangin he NLUP hi a implementation hi a tenawm a, a bawlhlawh a, Mizoram Budget cheng vaibelchhe 400 chuang mipui pawisa party mal tana Mizoram sorkarin a'n hmang hi bawlhlawh kan ti a, chu chu kan sawisel lai a ni. Chuvangin Pu Speaker, he sawrkar rorelna chu luipui angin luang sela, felna chu luipui kang ngailo angin luang rawh se, tih thupui hmangtute rorelna hnuaih khatianga Mizoram Budget Party bil tan a hman hi, Mizoram sawrkar 1972 UT a dintirh atanga vawiin thleng hian kan telve hma leh kan tel ve hnuah pawh kan la hre ngai lo. Chuvang chuan, khatiang Bible chang thalai thupua hmangtute sawrkar kalpuina atan chuan a bawlhlawh lutuk a ni.

Tin Synod Social Front-in an survey report an rawn ziah hi a dik thawkhatin ka ring a, chulaiah chuan 88.6 % hi NLUP dawngtute Congress an nih thu leh MNF chu 0.3%, MPC 0.6%, other-ah khan 10% a dah a, chutiang chu synod social front

pawhina NLUP beneficiaries an survey-na a an finding a ni. Chutiang anih chuan 88% Congress khan NLUP atan a cheng vaibelchhe sangli leh sawmli dah kha an fanghmano ei tihna a ni. Tichuan Congress an pe fel thawkhat dawn tan tawh a, chutih lai chuan inthlan dawn kumah chuan congress la ni lo member zawn nan ₹2/- rawn pe ula NLUP kan pe ang che u tih kha a ni ta deuh vek mai. Tun Chalfilh inthlanah pawh khan kha kha campaigners, Minister leh MLA zinga tawngkam kan lo hriat a ni. Chuvang chuan, Kuthnathawktute, miretheite nu leh pa, miretheite VIP a hmangtute tan khatianga tih kha a thain kan hre lova, chuvang chuan he NLUP hi tha taka hman anih a, a kal chhoh theih chuan kan duhthusam a ni.

Amaherawhchu, tun hunah chuan Mizoram mipui chi hrang hrangin kan tuar a, Department engemaw zatin an tuar a, hlawh la theilo engemaw zat an awm a, tunhma a an hmalakna ang thin pangngai ang pawh la thei lovin Department engemaw zat an awm a ni, hei hi sawi tam ngai lovin Mizoram mipui hian kan hriain ka hria a. Chungte chu anih avangin NLUP kan Governor zahawm takin a chhiar lai khan kan chhuak a ni, a pawng a puia chhuak kan ni lo. Constitutional Head a ni a, a zahawm, amaherawhchu, hetilaiah member thenkhat khanin Mizoram History siamtu an ni an ti. Mizoram History siamtu nih kha khami kawngah khan kan zaklo. Hmanni lawkah pawh India ram President thlan thar speech laiin central-ah pawh an boycott a, an buai a nih kha. Chuvang chuanin, thil diklo an sawi tir anih chuan a diklohnna avang khan kan duh lova, kan chhuak mai zawk a ni, tih lai kha Mizoram mipui hian hria sela a thain ka ring a. Tin, thildiklo anih chuan opposition kan nih avangin kan dodal ngam a ni tih kha kan ruling member zahawm tak takte pawh khanin min hriatpui sela.

Pu Speaker, chutihlaia ka sawi duh chu, thil thar pakhat lo lang Helicopter Service lo lang kha lawmawm ka ti khawp mai. Amaherawhchu, khalai Governor-in a rawn sawichhuah damlo, dammawh hritlan a hmunpui pan nan a tha tih kha a dik thei. Mahse, kha aia kan duh zawk chu ka lo hriat danin cabinet meeting-in Doctor lak tur mi 100 dawnlai kha a phalsak niin ka hria a, vawiin thlenga Doctor lak a ni thei lo hi enge a chhan. Ka bialah PHC 2/3 a awm a, pakhat chiahin Doctor a nei a, a bak zawngin Doctor kan nei lova, km 200 pawnlam atanga damlo Sumo leh Bus a rawn inphurh thlak hi a hautak lutuk. Chuvang chuan he Sorkar hi chak tak anga kan sawi anih chuan doctor hi inthlan hma ngei hian PHC zawng zawngah hian min dah sak teh se.

Tin, Sub-Centre sak tih mai mai te hi chu Governor Speech ah hianin lang lang tur pawh niin ka hre lo a nep lutuk, kan mamawh lian zawk hi rawn lang thei se a thain ka hria a.

Tin, School Education-ah khan Pu Speaker, Mid-day meal chhumlo chat lova vawiin thlenga pek a ni tih a ni. Amaherawhchu, ka bial leh hmun dang dang ka contact theih chinah chuan nikum October thla hnulamah khan mid-day meal hi khawiah mah pek an awm lo, Cook ho phei chu hlawh pek lovin vawiin thlengin an awm a ni tih

kha ka'n sawilang duh a. Chuvangin, Governor meuhvin helaia dawt a'n sawi kha a thain ka hre lova.

Tin, Power Department-a lo lang kha a dawrawm lutuk. Power Department-ah Serlui 'B' complete a ni tawh a, forest clearance avangin hawn theih loh a ni tih leh ka bialah Tlawva Hydel Project 5 k.w. pechhuak thei 2015 a zawh tur anih thu chauh a lo lang. Khatiang kha hetiang khawpa eng kan indaih lova, eng kan mamawh eng kan nei lova, eng a kan harsat laia hmalakna pakhatmah sawi tur a awm lovem ni, khami ringawt lo lang kha. Ka bialah project a awm a, a lawmawm khawp mai, 2015 a zawh anih chuan a lawmawm khawp ang. Amaherawhchu, ka bial chhunga minor project kan zawh tawh Tuidumpui phei chu a ruang hlawm tur pawh a awm tawh lova, pakhat Lamsial ami khi enkawl mang lovin a awm mek chutihlaia khilaia kan siam mek pawh khi a puitling tha loveng tih ka hlau a.

Tin, kawng chungchangah kan House Leader zahawm tak kha Session hmasa khan ka dil tawh a, ka bial kawngpui siam tawh te pawh min commit kha niin ka hria a. Amaherawhchu, tun hunah hian engmah hmuh tur a awm leh silova, kumin October thla chhovah Central YMA khawmpui lian kan dawng dawn a, siam anih loh chuan fur khatin a chil leh meuh chuan ka bial kawng hi kal dan a awm thei dawn tawh lova Pu Speaker. Chuvang chuan YMA khawmpuia kan mualpho loh nan season-ah hian hmanhmawh takin min tihsak thei sela, Champhai to Tuipui via Khawbung leh Dungtlang to Farkawn, kawngpui chauh tal khi chu Pu Speaker, Governor thusawi ka'n sawi rualin ka ngen leh a ni.

*Speech not corrected.

S P E A K E R : Kha kha Demand sawi hunah hawrawppuiin i sawi dawn nia. Le, tunah Pu R. Lalrinawma.

Pu R. LALRINAWMA : Pu Speaker ka lawm e. I veilama mite an ding lo riau a, in din chhawk deuh a thain ka hria a, tunah pakhat a rawn ding leh a chuvangin ka'n ding a, ka hnuah chuan i veilam atang khan rawn ding leh sela tiang chuan in din chhawk deuhhlek ila thain ka ring a, innghak khawtlai lovin.

Pu Speaker, Governor thusawiah hian lawmthu sawi tur tam tak a awm a, hei a para tin mai hi lawmthu sawina tur niin ka hria a. Para khat ringawt pawh hi a detail-in sawi dawn ila Darkar khat sawi tur a awm theuhin a lang a. Tin, nichin lawkah i veilam atangin member zahawm tak Pu Chatea'n ziaka awm si a tak awm lo hi a thalo a tih kha ka pawm khawp mai a. Vawiinah erawh chuan a taka awm hi ziah vek sen a nilova, a ziakah hian a tlem hle zawk a ni tih kha an lo hriat a thain ka hria a. Sorkar hnathawh tawh te, thawk mek te, nikum lama sawi tawh te ziah nawn a ngai lova, power lama hmalaknahte pawh, chuvang chuan tunah hian ziah nawn a nilo a ni mai niin a lang a. Ka lawmna em em chu, a para hmasa berah bye-election Chalfilh bial a han sawi a, heta muanawm taka intlhanna felfai taka neih zawh a nih tak thu rawn lang hi lawmawm ka ti a. Intlhanna hun dangah

kan lo nei tawh thin a, a chak lo lam ten, a bik takin i veilama Party thenkhatten chhuanlam tur finfiahna awm silo, rigging tih te, electronic voting machine tih te an chhuanlam thin laiin tun tum inthlan result-ah chuan chhuanlam tur dang reng reng hre lova policy kan hneh lo a ni, NLUP kan hneh lo a ni an ti ta hian keini aia nasain NLUP min fak sak niin ka hria a. A hma chuan chhuanlam dawrawm te te, finfiahna awm silo an chhuanlam thin a, High Court hial an thlen phah a, tun tumah pawh chhuanlam tur an dap leh mai awm mange kan ti a inthlan hma ni in Press Conference an nei a, helicopter thlawk ringawt te pawh an lo hlauthawng a, khang kha an chhuanlam leh dawn a ni awm mange kan tih laiin result chhuaha an hotupa berin a reaction hmasa ber chu policy kan hneh lo a ni, a sawi dan tak kha Pu Speaker, ka lo hriat danin “NLUP puak rangin an han tlir mai chu an tlu phawk phawk mai a, keini ve chuan thing tuai kan nei a kan khawh fuh chuan a na ve ngawt ang kan ti chauh a ni” a ti a. Chuvangin Pu Speaker, vawiinah hian NLUP hi puakrang tluka policy tha a ni a, anni policy ve hi chu thingtuai ang chauh a ni tih kha aman a rawn puang ta a ni. Chuvang chuan he NLUP hi a nghawng na khawp mai a, Pu Speaker, vawiina i dinglama thu kan House Leader ho hian opposition-ah pawh kan lo awm tawh thin a, opposition a kan awm chuan kan sorkar laia kan thil tih te, kan sorkar leha kan tih tumte kan sawi thin a ni, kan tlangaupui thin a, vawiinah erawh chuan opposition zawng zawng pawn NLUP hi min sawipui ve ta a, thil dang sawi tur reng reng an hrelo va, a lawmawm ka ti a, a lo nghawng na hle a ni.

Tichuan, kan hriat tawh angin Mizoram History-ah la thleng ngai lo he House a Governor thusawi lai tak a chhuah san te pawh he NLUP hian a rawn nghawng chhuak ta a, he House-ah hian MNF sorkar lai khan he House a thleng ngailo Aiipuk farm avanga eirua inpuhna tharum a insualna a awm tawh a ni. He House hi Pu Speaker-in a kaihhruaina a zarah House zahawmtak a ni thin a, rorelna a mawi a, hnam dangte pawhin mak an tih zawk khawp a ni a. Tawngka te chuan han in auhte chu awm bawk mahse, tha rum meuh han thawh hi chu a awm ngailo a ni. Amaherawhchu, vai ram lamah te an tih thin dan tharum lamah te, Governor thusawi lai emaw President thusawi lai emaw tihbuai te, khang kha helaia inti Mizoten vai tih dan hi an lalut thin ta zawk a, he ram history hi a chhe zawngin an siam leh ta a ni tih kha mipuite hian an hria a ni. NLUP chungchangah hian sawi ve an tum si a, an hre silova chuvang chuan an khawngaih thlak ka ti a. Chuvang chuan an sawi fuh hlei thei lova, a tir berah sorkar hmain policy-ah kan zawrh laiin a theih loh an sem lovang an ti a, chutah sorkar hnuah heng project lian tham chu ruahmann fel fai tak siam a ngai a, ruahman chhungin sem thuai thuai ta che u an ti leh a, chutah kan han sem ta a sawiselna dang zawng lehin special package a ni lo tih te, mipui sum tho a ni, bangthlang sahtlaka bangchhak pin ang a ni te an ti a. Tin, Department-in hmasawnna tur hna an thawk theilo te an ti a, kan hmalawka kan hriat ang khan Department-te hian hmasawnna hna an thawh tur hi mipuite tan a ni dawn lawm ni Pu Speaker, tute tan nge thawk se an tih, mipuiah hetiang khawpa sum a kal a, mipuite hmasawnna tur hi Department hian an thawk ta zawk a ni vawiinah hian. Industries Department-in puanthuitute mamawhte khawlte a pe thin a, mi pali panga, hmelhriat leh duhsak neite an pe thei chauh, vawiinah chuan a sang tel a sing tel an dawng tawh a ni, chu chu mipuite tana hnathawh chu a ni zawk dawn lawm ni? Engnge Department hian hmasawnna hna hi thawkse an tih, mipui sorkarah mipuite tan an thawk tur a ni zawk a,

chu mipuite tan a an thawh chu Department-in hnathawh tur an neilo, hmasawnna hna an hawk theilo te an tih tak. Tin, Pu Speaker, sorkar hnathawkten hlawh an la theilo tih te an sawifo va, tute hian nge hlawh la theilo NLUP ah an sem zo a ni an ti a, a nih chuan NLUP a an sem te khan an rawn kir leh si lo va, Sawrkar hnathawkten hlawh an la zel bawk si a chuvangin thudik hi sawi a hun tawh a, vawiinah hian. Chuvangin policy tha a nih zia hi a chiang a, a ruling party ami zawng zawngin kan sawi bak a, opposition lam ami zawng zawngin min sawipui hian policy tha a ni tih a tichiang hle a ni.

Tin, Efficient Responsive Fair and Just Administration din nan a Result Framework of document tih te hi thil thar a ni a, sorkarin hmalakna leh a hmachhawp tam tak kal chho mek zingah thil thar te an rawn awm chho leh thin, nichinah kan ngaithla tawh a, kum 5 chhung inchibai nan kan hmang mai mai a ni ti thin te khan kum 1 chhunga thil thar tam tak ti tura min beiseite hi a lawmawm ka ti zawk a. Vawiinah NLUP avangin House an han chhuah san a, NLUP avang hian he House a thu thei tawhlo hian an awm ang tih hi a hlauhawm hlein ka hria a inthlan hunah.

Chutiang chuan police thuam that te a lo ni a, hmanrua changkang tak tak nen police te thuam that te a ni a, police modernization atangin, sorkar hmasa lamah police modernization an hman dan te kan hria a, mawza man to te, Ek In kal thei te leh kel pal chungchangahte vawiin tleng pawn sorkarin leiba tamtak a la neih phah a ni a. Kel pal tam tak tul lova an lei avangin, chutiang chuan Agriculture-ah hmalakna te a nasa em em kan sawi seng lovang. India ram pumpui chawimawina Krisli Karman Awards-te an han la a, kuthnathawktute chawimawina ni an han siam te, tin Health Department chungchangah te pawh lawmmman 5 lai an lakte he Governor speech-ah hian a lang lo zawk a. Tiang khan a tak taka hnathawh tam tak ziah sen loh hi a awm zawk a ni tih kha ka sawi duh a. Tin hei Common Service Center te pawh kan han din dawn a, mahni khawbu zawl atangin Government Basic Service, heng birth certificate te, residential certificate kan tih te, Aizawl kal kher ngai lova lak theihna tur Pu Speaker, ka bial chhung Mutthi, Tuirial leh Zuangtuiah te pawh heng center hi min din sak ve dawn a ni a. Khatiang khan a para tin hi chu sawi dawn ta ila darkar khat sawi daih vek a ni a, a lawmawm em em a, chuvang chuan ka support a ni e.

SPEAKER : Tu nge sawi leh dawn. Pu K. Liantlinga.

Pu K. LIANTLINGA : Pu Speaker ka lawm e. Hei vawiinah Governor Address te kan sawiho a. Hei kan Governor hian thu eng emaw chen chu a sawi a, amaherawhchu thil tam tak hi chu a vague awm mang e aw tih ka ngaiantuah deuh a.

Hei pakhatnaah chuan a bik takin MLA thar kan nei a, House-ah member kimloa kan awm a kimna a ni a, a lawmawm hlein ka hria a. Amaherawhchu hlawhtling tak leh tluang taka inthlanna a ni e a tih tel kher erawh kha chu tlem chuan a duhthawh deuhin ka hria a ni. Amah a MLA a a diklo nilovin, a campaign-tute hmanraw hman dan a kha chu a fuh tawk lova. Heti laia successfully under peaceful

atmosphere a tih hi chu a nilo deuh chuan ka hria a, engpawh nisela, member thar kan nei hi chu kei pawhin lawmawm ka ti em em a ni.

Tin, a pahnihna hi chu ka sawi dawn lova, RFD chungchang hi, tun Assembly-ah hian zawnha ka pe a, “Mizoram Sorkar hian Central Sorkar atangin RFD mumal taka kalpui tur hian hriattirna a dawng tawh em ? tih ka zawt a ni. Chutih laiin hei Governor speech-ah a rawn awm a. He mi chungchang hi House-ah hian, kan Sorkarten hma an lakna dik leh tha ni turin performance budget kalpui nei ila, work programme te, performance report te, annual report te tiin vawi engnge maw zat, vawi 10 dawn lai ka sawi tawh a ni. Chung chu helaiah pawh hian Central-ah hian tiang hian RFD a lo awm a. Hemi RFD chungchangah pawh hian tunah khan ka hmaa han sawi khan thil thar an ti mai na a, amaherawhchu a thar lo khawp mai a. Hei a bu-ah hian Prime Minister office atanga instruction te approve a pek a ni a. Hetah hian kum 2009 atanga 2010 report te a awm daih tawh a ni. Hetiang ang hi Central Sorkar chuan tha tak leh dik taka sum leh pai hmanna te, department te hi fel taka kal turin report engkim pe a half yearly a pe tur leh kum tawpa pe turin ruahmanna a siam a, hengte hi report 2009 – 2010 khan pek daih tawh a ni, chuvang chuan thil thar a ni lo a.

Vawiinah hian ka'n sawi duh chu kan Sorkar hian, Sorkar a nih thar tirh khan 2009–2010 ah khan kalpui daih tawh tur a ni. Amaherawhchu kalpui lovin vawiin thleng hian in la pehhelna lai chin a awm a, amaherawhchu loh theih lovin vawiinah hian kan Governor-in a thusawiah pawh hian ama irawm chhuak leh Sorkar irawm chhuak anga hma la ang mai hian a lang deuhin ka hria a. Hemi chungchangah pawh hian uluk taka thlir chuan “a rawn barh luih” a imposed a ni. Hman ni lawkah pawh training te rawn pein Cabinet Secretary central atangin an rawn kal a ni tih ka hre chauh a. Hemi thil hi implement a tihhlawhtlin tur a ni. Chu chuan Sorkar dik, corruption hi dik tak chuan a zung chawpa phoroa pail chhuak tur hian hengte hi kum 2009 khan lo tan tawh sela chuan, dik tak chuan ka sawi fo tawh ang khan 50% corruption hi chu a bo daih tawh tur a ni. Chutiang a nih avang chuan RFD hi a pawimawh em em mai a. Tin, Prime Minister Office atanga pawmpuina leh approve-na fel tak awmin tiang hian an kal a. Tin a guide line pawh an siam a, hengah te pawh hian hemi draft RFD hi March ni 5 atanga tanin March ni 30-ah final tur a ni a, kha kha a process complete tur a ni. Chuan April ni 15-ah tihfel tur a ni a, khatiang khan kum chanve hnuah heta a lan danah hi chuan October ni 15 leh November ni 1 inkarah khan draft RFD te an ti ang. Tin Chief Secretary hnenah a lut tur a ni a, chutah Chief Minister hnenah thehluh leh tur a ni a, tunah a pawimawh ber zawk a chu implement dawn ila kan kalpui ang em ? mumal lo takin dan a awm, a fel lo mai thei. Amaherawhchu, hrem dan a awm bawk si lova, chuvang chuan a hremna dan hi ngaiantuah ngaiin ka hria. RFD tihhlawhtlinna dan a awm si loh avangin Chief Minister complete final decision a dawn hnuah khan House-ah te pawh hian pharh theih hial nisela, Department hrang hrangte mumal takin an kal dan kha kan hre thei dawn a ni. Central Sorkar hian an kal dan kha an lo siam tawh a. Khatiang kha a nih chuan tha taka tihhlawhtlin a ni thei dawnin ka hria a ni. High Power Committee-in Chief Secretary leh Finance

Secretary-ten an en dik hnuah khanin a hlawhtling thei dawn a ni. Tin, kum khatah hian vawi hnih submit tur a ni a, chu chu kum laihawlah leh kum tawpah khanin an khawih tur a ni. Department hrang hrangin an ti tur a ni. Hei hian kan Budget te thlengin a rawn khawih dawn a. Department te pawh an inel dawn a, hetiang ruahmanna hi a tha hlein ka hria. Amaherawhchu, kalpui dan a dik lovang tih erawh hi chu a hlauhawm deuh a. Governor hmasain a thusawiah Mega Food Park-te an sawi tawh a, a thamral leh ta mai ang te, Industrial Conclave Bangladesh/Myanmar te nena kan hman te kha a tawp leh mai thin a, chuvang chuan kan fimkhur a tul hlein ka hria a ni.

Tin, palinaah hian NLUP chungchang thuah hian niminah khan Oposition Member-puite an han chhuak tau a, khang lai kha a awmna chin a awm a ni. A selection leh implementation leh thil dang tihnaah te membership drive-na ang mai hman State Flagship Programme an hmang hi a fuhlo lutuk a. A selection- ah hian Kohhran te, NGO-ten dan ang takin kha kha uluk takin select-in mirethei te chhanchhuahna ni sela chu a tha a. Amaherawhchu, Political Campaign-na atana hman vak mai erawh kha chu Sorkarin adopt tawh chinah hi chuan a tha lo deuh a, chhuah tauh pawh kha thil awm lo em em pawh a ni lem lo. A chhan chu, rorelna hian remna leh muanna tha a siam tur a ni a, Mipui tam takten hlau leh khur chungin an tanpui emaw hlau leh khur chungin an bel emaw ngai khawpa insiam hi Sorkar dinglai leh ram enkawltu leh ram nu leh pate tan chuan an tih tur niin ka hre lova. Khang ang khanin ruahmanna siam a tihhawhlin hi thain ka hria a. Tin a tihhawhlinia chungchangah pawh hian ka hmeliat pakhatin a sawi chu, NLUP a dawng ve ringawt mai a, engati nge min rawn pek ka ti a? a chhan chu nakinah thil engkim hi i tihhawhlin sa hi report kan duh alawm an ti a, a chhan chu dil te a nei a, kuhva huan te a nei a, thil chi hrang hrang tihhawhlin tawh kha report kan duh avangin ka la a, chutiang a nih chuan a tha alawm ka ti e a ti a ni. Khatiang chiah khanin tihhawhling tawte anga lang tam tak hi chu kum thum chhung hi chuan tihhawhlin hman a ni lova, tihhawhling tawh sate tam tak a lut thin mi hrasa leh mirethei te, a lehlamah chuan thatna tura a lan lai hian rahbehna a ni. An rilru tha taka duhthlanna an right tihbui theihna, nasa taka tihchhiat a nih erawh hi chu a pawi em em a ni.

Tin, Agriculture chungchang thuah pawh hianin Starred Question No. 6-ah khanin, nikumah khanin matric ton 26300 an thar a, tunah 30536 a ni a. Helaiah hianin statistic report-ah hian fikhur a ngai hlein ka hria. A chhan chu production chungchangah hian Food & Civil Supply leh Agriculture te report hi a inan loh avangin FCI a kan buhfai hmuh tur te, kan production kha 70% vel production kan neih tawh laiin FCI in an han demand-ah chuanin 70% te kha kan mamawh niin a lang leh si a. Kha tiangah khan a in contradict a ni, hengah hianin mumal taka kan Sorkar hian ruahmanna a siam a ngai a. Tin department hrang hrangtena hetiang an report ngawt mai pawh hi a fel ber lo awm mang e ka ti a. Pu Speaker, tlem min pek belh point 2 lek hemi ka sawi lai nen hian ka la nei a. Heng Economic & Statistic Department te hi khawiah nge a Office a awm tih kan hriat mang loh khawp a awm a, hengte hi tihchak a, hengte hi nodal department-ah awm sela, chung chuanin production reng reng an rawn report khawm engkim mai kha mumal takin lo endikin tih nisela. Chuta tang chuan Central Sorkar nena kan indawrna chungchangte pawh hi a thain a

rinawm a, tin tunah hian kan data leh thildang reng reng statistic report hi a inmil theih loh avangin Central-ah pawh harsatna kan hotuten an tawk thin a ni. Hengahte pawh hian a bul atangin i tan tha ang u. Hmanniah NRHM meetingah kan thutnaah khanin Managing Director Meeting-in a zuk kal a, infant mortality rate kha a lo sang leh ta hluai mai si a, chhan ngaihna ka hre lova, a ti a. Chungte chu a dik tak hi report ila, grass root level atanga thil tih nisela, high level atanga plan siam a thil tih ringawt lovin grass root level atanga thil tih a ngaihthu te, ka sawi anga ngaihdam ka zuk dil ngawt mai ang e, a ti a. Tunah chuan grass root level atanga tih anih avangin a sang a ni ka ti ang a, ngaihdam ka dil dawn a ni a ti a ni. Kha pawh kha kan Chief Minister ho ngeiin kan pass pui a nih kha, khatiang ang a nih avang khan tunah hianin kan statistic report leh thil dang zawng zawng hi Nodal Department-te siamin kalpui kha a tha hlein ka hria a.

Point khat chiah Pu Speaker, LPG chungchang thuah hian LPG hi englai pawn awm angin a tarlang a ni mai a. Khawpuiah chuan a tha e, thingtlangah hian tunah hian harsatna an tawk a, black ten an hralth a, a tam danah hian rampum chu a huap zo lo a ni. Khawpui leh District capital-ah te chuan a theih a ni ang. Amaherawhchu, mumal taka ennawn a, hetia Governor thusawi liam ang mai hi chu a ni lo a ni, thingtlangah tunah thing an tuah leh nasa tawh lutuk, black ten an lei a, harsatna nasa tak an tawk, a agent-te pawh hian mumal taka distribution system hi an tihfel a ngaiin ka hria a. Chungte chu helaia kan Governor Speech chungchangah khan han sawi ka'n duh a. Tin, a tawp berah Helicopters service chungchang thu erawh hi chu tha ka ti.

S P E A K E R : I sawi thui tawh khawp mai demand hunah i sawi dawn nia.

Pu K. LIANTLINGA : A lawmawm khawp mai a, district headquarter zawng zawngte inkalpawhnana kan hmang thei te, tin 12th Five Year Plan a tam zawk a hmalakna tur hi chu kan ram hian hma a sawnna tur anih avangin a lawmawm ka ti a. Chuvang chuan helai Governor thusawi hi a tlangpuiin ka rawn tarlang a, a tul ang anga House-in a tih turin ruahman nise a thain ka hria, ka lawm e.

S P E A K E R : Pu K.S. Thanga

Pu K.S. THANGA : Pu Speaker, ka lawm e. I veilama mite hi ka ngaihtuah a, thu pakhat an sawi hi ka rilruah a awm a, naupang huaibak an sawi hi ka ngaihtuah deuh a, naupang pakhat hi a nuar a nuar a, a nu hnenah kawr thar min lei rawh a ti a, kawr thar ka lei ang che tap tawh lo la a ti a, a lian awm hlei hluai a ti a, a te deuh kan lei anga a ni mai a lawm a ti a, a te awm tit tet a ti leh a an tih ang deuh kha a ni a. Thiltha hi eng ang pawn Sorkarin ti sela, engemaw sawi ve hrim hrim lai kha a ngai niin a lang a, a lawmawm tho a. Pu Speaker, niminah kan ram tana thilpawimawh Governor-in a rawn sawi chhuak a, Sorkar hmalaknate ruahmanna te, kha tih laia MNF party Legislature Party MLA awm chhun chhun te, ram mipuite hamthatna ngaithla duh lova, he House mipuite malsawmna dawnna lai NLUP chungchang sawi laia an chhuak kha a pawi takzet zet a, amaherawhchu, an zingah khan inthurual lohna a awm ve hle a ni tih a tilangin ka hria a. Kha hnun glamah Tuipui 'E'

bialtute phei kha chu a chhuak hreh hle niin ka hria a, nui chungin a thiante pawh kha a zui chhuak kha an lawm viau awmlo mang e aw. An thil tihah khan an tui chuang bik lova, mahse party discipline avangin tih a ngai ve mai niin ka hria a, ka khawngaih angreng viauva. Engpawhnisela, vawiinah hian a phuar ve a ni mai a, NLUP hi chhungkaw 120000 target anih laiin 15000 pek belh kan lo ni bawk a, tun term chhung hian chhungkaw 135000 –in kan han dawng dawn a ni a, chhungkaw nuai 2 vel awm atangin hei hi Pathian Programme, Pathian hriatpui a ni ang tih hi a rinawm a. MNF hotupain bang thlang sah tlak a, bang chhaka tun a tih ang hi chu a nilo deuh a ni ang tih a rinawmna chu tun by-election-ah hian a lang chiang khawp mai. Pu Speaker, campaign in kan kal a, invauna a awm lova, NLUP hi tha an ti em em a, congress an vote a ni ringawt mai a. A dik chiah chuan keini te pawh kan han kal ve a khaw 19-ah kan kal a, chunga mipui boruak en khan NLUP hi a ni inthlan hma khan tute party emaw chuan general election darthlalang a ni ang an ti a, Congress party chu kan ngawi mai a, kan sapui chet a, kan tawng tam lova, mahse kan han inthlang ta a, tikhan a lo lang a vote 3000 deuhthawin kan chak a, khangah khan dan bawhche tak taktu chu MNF MP (Member of Parliament) in designation nen khitihlaiah pawh law and order kengkawhtu ten an khak ngai khawpin a designation nen a kal a, Congress MLA leh Minister zawng zawng kha mahni motor, private kengin an kal vek a ni. Tin Pu Chatea kha a chhuak a MPC, ani phei kha chu kan unit hruiute leh hotuten an khak duh lova, a MLA designation kha a tawp thlengin a tar a, an party kha miin an ngaimawh tham loh avangin min an hek duh lova, chutiang khawp chu a ni zawkin ka hria a. Vawiinah mipui tana budget sessionah hian Mipui 100 a 70 te chanvo a awm velo thin a, kha leh chen sawrkarah hian kan sawi tak ang khan passed a awm ve ngai lova, tunah hian Mizoram mipui TV a lo entu zawng zawng hian an ta tur vaibelchhe 370 te kum tin kan lo passed ta hi Mizoram mipui chu an lawm a ni, chu chuan general election pawh hian an rawn tilang leh dawn a ni, by election a tilang mai nilovin, khalai kha ka sawi lang duh a. Tin, tute pawhin a an lawm deuh, tunah hian UNO pawhin min tuipui tawh a, vawiinah hian boruak a rawn awm tawh a ni tih chu kan hmu mek anih kha, chu chu duh tawk mai ila NLUP-ah chuan.

A pahnihnaah chuan Public Safety chungchang a rawn sawi hi, hei tunah hian kan fire department te hmanraw tha be ber leh changtlung ber berin tunhma awngrawp tak leh Fire Director-a an mihring dah te chu hremna anga an ngaih thin kha vawiinah chuan Fire Department-a hotute chu DIG rank an lo ni tawh a, chunte chu hremna nilovin mitha leh michak awmna alo ni tawh a, kangmei lakah te tin, hei landslide management, mi ramah chuan tulianin District chumi zat a chim tih te, thlipuiin District chuti zat a nuai tih te a awm thin a, kan ramah a awm ngai dawn lo. PWD Officer kan thiante ka sawipui thin a, keini chu leimin hi a ni mai khawvel awm chhunga kan problem awm tur chu hemi manage dan hi a ni in ngaihtauh zawk tur chu ka ti ve thin a. Vawiinah chuan chak takin chutiang lamah chuan ruahmanntha tak a buatsaih a ni tihte a lo lang ta zel te hi ropui ka ti a. Tulian hian kan ram hi a chim tak tak ngai dawn lo, thlipuite hi mi ram tawrh angin kan tuar ve ngai dawn lo kan problem reng tur chu kawngtha pawh nei sek sek mah ila lei a min reng dawn, chumi management atana ruahmanntha awm hi a thain a ropui a ni.

Tin a pathumnaah chuan Agriculture lama hmalakna a rawn sawi a. Kum kalta a Buh thar punna chu Tone 4233 a lo ni pha ta hial a Pu Speaker, tuna NLUP avanga kan ramngaw kan tlangram Lo neih NASA taka a tlakhniam a kan Lo nei thintute 40% in Lo an vah tawh loh laia heti taka Buh thar 10% chuanga pung leh si lai hi he ramah hian hmasawnna Agriculture-ah pawh hian a lang a ni. Kan hotute kan Chief Minister te leh kan Agriculture Minister-te hian Agriculture expert an inti an inti ve lo na a hmasawnna chu a kal a ni tih hei hian a tilang a ni. Tin, chubakah vawiinah hian power tiller-ah te nasa takin hmalak a ni a, kan Governor-in a sawi ang khan subsidy ringawt hi 75% miretheiin an ban phak tur, kuthnathawktuten an banphak turin ruahmanna siam a lo ni a, India ram state hausa pakhatmahin hei hi an ti thei ve lo. Chung avanga kan thawh chhuah hi lo pung a ni a, tunah hian he sorkar tharin hemi lama tha a thawh avanga sum a sen huai avanga man power a siamthar hi man power 108740 lai a lo tling ta a ni. Chutiang khawp chuan Pu Speaker, kan lo thleng sang ta a.

Tin, chubakah Oil Palm lamah hian nasa takin hmalak a ni a. Reiloteah hian khaw tam tak an hausa dawn a, District rethei thinte kha District hausa an ni tep a, Bukvannei-ah te a facory din a ni a, tin, Thenzawl leh Rotlang-ah te ruahmanna siam mek a ni a, kan vannei hle a ni. Tin, a dang lehah chuan Pu Speaker, kan sorkar hmasain Falkawn Refferal Hospital a tihtawp a, Roman Catholic-ah te, Salvation-ah te a zawrh a khatianga Kohhran a NGO ang emaw enkawl mai mai tura tih he sorkarin an tharthawh leh a, Chief Minister hova khum 150 awmna vawiina dah a specialist Doctor nen an that tak saw vawiinah hian malsawmna, sawlai tlangdung mai ni lovin helai chhim tuikhuahlang achin helam zawng zawng tan malsawmna a ni mek a. Tin, reiloteah khum 400 awm theihna turin ruahman a ni leh nghal a (Speaker : Ram Krishna Mission emaw ka lo ti a UPC a ni maw a lo zawrh) Aw Roman Catholic te, Salvation te pawh an zawrh tho a ni, heng angte kan sorkarin a tipuitling hi Pu Speaker, helaiah hian ka sawi duh chu vawiinah pawh hian sawiseltute thil intihria hre silote, vision nei inti, thlir zau si lote pawh a awm theihin ka hria. House-ah indaihlohma a tam a chu chu hria a kan Chief Minister-in House-a a rawn siam belh zel te hi vawiinah hian lawmthu sawina tlak a ni a, kan Governor thusawi hi, he motion rawn puluttu hi, lawm takin ka support ve a ni e, ka lawm e.

SPEAKER : Tunge sawi ve leh dawn le, kan titawp dawn tawh mai em ni ang ? Pu Ramhluna

Pu C. RAMHLUNA : Pu Speaker ka lawm e. A hmasa berin Governor speech a lawmthu sawina kan han sawiho thei hi lawmawm ka ti a. Hei kan Governor hianin tun tumah hianin thu a sawi tawi hle mai a, 2011 leh 2012 te leh 2010-2011 te ka han en a, para 31 te 32 te a sawi laiin tun tumah hian 24 te tlawng mai a sawi a, engeni ama lam hrisellohma avangin min ngaihtuah deuh in nei nge ni hetianga tawite an sawi mai hi. Kumin thusawi hi lawmna tam tak tur mai zawng chu a awm e. Entirnan, Chalfilh Bye-Election te pawh tluang takin neih a ni a, tunah pawh kan member tharte pawh party leh mimal angin ka congratulate a .

Tin chubakah chuan RFD te siam a lo ni tih te leh Helecopter Service kan han nei thei te hi a lawmawm em em a . Chuvang chuan sorkar chungah hian kan lawm lo a ni hauh lo a, lawmthu kan han sawi a ni tih kha ka sawi duh a. Mahse chutihlai chuan Department 20 deuh chauh mai chungchang a rawn sawi a, Department 49 lai mai kan nei a ni si a, department 20 aia tam deuh mai sawi lohva a han awm tawng deuh mai hi lehlamah chuanin a tlem lua deuh ka ti a. Governor meuh han sawi atan chuan, hei Department pawimawh tak tak sawi loh ho zingah phei hi chuan thil pakhat han sawi chhuah duh ka nei a, hei DCA (District Council Affairs) te pawh hi han sawi chhuah atan thani ka hria a. A chhan chu saw lamah sawn direct funding te hi an sawi uar riau mai a, hengte pawh hi engemaw a dinhmun ta ni le. Kan hriat danin 6th Schedule te pawh hi Government of India-in amend a tum mek ni te pawhin kan hria a. Direct in fund te hi an hmu thei tak tak dawn ta em ni tihte pawh hi kan Governor-in han sawi chhuak se tihte pawh kha a chakawm viauin ka hria a, sawi lovah an awm ta site hi a uiawm ka ti a.

Tin, Minor Irrigation te, UD&PA chungchang thute engmah sawi a hlawh lo te hi Department lian pui pui an ni si a pawi ka ti angreng riau a. A chhan chu mipuite hriata an hnathawh han tlangzarh sakte pawh hi a tul a ni lawm ni tihte ka ngaiantuahnaah a awm a.

Tin a dang lehah chuan Law Enforcing Agencies Police ho chungchang thu hi han sawi lawk ka duh a. Hei tunah hian GP Fund te, MR te an dil ve a. Heng ho hi pek hleihtheih an ni lo a, pawi ka ti khawp mai a. Tin, kan PSO hote pawh hi mawle. Pu Speaker, kan PSO ho hian kum thum kum li vel TA bill hi an la tawh lo a, kan zin tam angreng viau mai si a. Hengte pawh hian ngaiantuah an hlawh lo riauin ka hria a, ngaiantuah sak an tulin ka hria a. Tin a reng reng thuah Santi Bahini-ten Mizoram chhunga silai an rawn tawl lut thei mai te pawh hi, Law Enforcing Agencies te pawh hi tlem chuan an chak lo deuh lo maw tihte hi ngaiantuahnaah a awma. Kan nunna thahna emaw laknan te pawh an hmang ang tih a hlauhawm a. Tin, chubakah chuan hei, a dang lehah chuanin mi inruk awm ta fo mai te pawh hi thil pawi tak mai a ni a, kan sorkar hianin a rang thei ang bera mi panga an lakbo te hi lakchhuah dan ngaiantuah thuai thuai se a thani ka hria a. Tin, chubakah chuan a hmasa lamah khan Thingkah-ah khanin IR Batallion kha kan din ang tihte kha a awm a, hengte pawh hian sawi kha a hlawh leh ta lo a, hengte pawh hi han sawichhuah atan a thani ka hria a.

Tin kan sawi tam a kan sawi lo thei lo a NLUP hi nimirah khan ni e, Governor zahawm takin thu a sawi lai khan, constitutional head a ni a, a zahawm em em rual khan a thu han sawi a kha NLUP chungchang thuah khan kan duhtawk lo hle a, chuvang chuan kan party MLA kha kan chhuak ta kha a ni a. Hemi chungchang thuah hianin ni e, NLUP hi helaia in manifesto-a a lan dan hian chhungkaw tin hnenah kuthnathawk chhungkuat hnenah tih kha in tarlan dan kha a ni a. Kuthnathawk, miretheite eizawnna tha leh hlawk zawk a neih theih nan tanpuina pek Congress Party-in tih te, NLUP hnuiah eizawnna ngan nei thei tura chhungkaw pakhat tanpui nan Sorkar-in cheng nuai khat tih te kha a awm a. Mahsela, hetiang lo deuh hian kalpui a ni tih hriatna kan nei tlat. A chhan chu, party-a inhruailuh nana hmante a ni ta a. Inthlan hi a zing angreng khawp a. Inthlan dawn apianga Congress Party-a inluh loh chuan NLUP kan pe thei lovang che u tih ang thawmte hi kan hre ve chamchi a. Chuvangchuan, heng hi in hmang dik ta lo

deuh niin kan hria a. Party bil tan hian NLUP hi hman niin kan hria a. Synod Social Front-in an chhut danah pawh khan 88% kha Congress Party-in an dawn kha a ni e tih kha a lo ni zel bawk si a. Tin, kan Party ho hian nasa takin complaint an siam ve reng bawk a. Chuvangin, hei hi a diklo deuh nia hriatna kan neih avangin a ziah loh lamah khan lungawilohna kan nei tam ve a. Chuvangchuan, kan chhuahsan kha a ni a, in lo hriathiam atan pawh khan a tha hlein ka hria a, kha kha ka han sawi duh a.

Tin, nuaikhat kan pe ang tih te kha a ni a. Tin, Special Package tihte kha sawi rik kha a ni a, hmuh theih a ni ta bawk si lo. Plan Fund atanga pek lo ni ta te hianin Sorkar-ah harsatna tam tak a thlen ni tein kan hria a. Hlawh lak theih lohthe chu kan hria a, hai rual a ni lova. Chanchinbuahte pawh kan hmu fova. Tin, development chi hrang hrang hian a tuar tih te, tin GPF te, Medical re-imbursement te pawh lak harsa an ti ta a. Department hrang hranga subsidy an pek thin angte pawh department hi kan zawt kan zawt ve a. “Kan pe thei ta lo anih hi NLUP avangin” an tih tawngkam te hi kan hre ve thin a. Chuvangchuan, heng NLUP avanga an tuarnate hi kan tuarpui ve lo thei lova, kan han chhuak ta kha a ni a. Chuvangin nangni pawhin in lo hriathiam atan khan a thain kan hria a. In tum ang leh manifesto-a in tum ang ngei hian chhungkua kuthnathawktu, mirethei chhungkuate hi zawnchhuah ni zawk sela, a party ang nilovin tih kha Pu Speaker, ka han sawichhuah chhan chu a ni tih kha ka sawi duh a.

Tin, hei Agriculture lamah lawmawm ka ti a. Buhthar a lo pung ta that hi (Speaker : Ngawi lawk rawh aw, kan han inthlak lawk ang e aw i sawi zawm leh dawn nia) lawmawm kha ti a. Mahse, thil pakhat kan chhut kan chhut a, total rice production hi 2011 leh 2012 ah khan matric ton 51984 a ni a, WRC atang khan 26300 kha a ni ta a. Tin, Shifting cultivation atang khan 25646 matric ton kha a ni ta a. Tichuan WRC hectre khat atang hian 1.9 matric ton vel hi a thar chhuak niin kan hria a, Acre-a kan chhut chuan phur 40 vel hi Acre khat atang hian an thar chhuak thei niin ka hria a. Hei hi a tam lo reng reng riauin ka hria a. Chuvangchuan, hengte pawh hi hei aia tam zawka hectre khat per unit are-a an tharchhuah theihna dan hi a awm lawm mawni aw tihte ka ngaihtuah deuh hlek a. Hei hi vawiinah hian Pu Chairman, ka sawichhuak duh a ni.

Tin, Health Care chungchang thuah hian kan Sorkar hianin hmalakna tur tam tak an nei niin ka hria a. Hemi in manifesto kan en hian Damdawi ina admit kher nilo, pawnlama damdawia inenkawlte pawhina M.R. an bill theih dan tur ngaihtuah an ni ang tih te, Damdawi ina admit kher nilo pawnlama inenkawl te pawh khanin Medical Re-imbursement hi ti thei tura ngaihna te kha a awm a. Mahse, Health Care chungchang thuah hian hmalakna a chaklo em emin ka hria a. Ka bial chhungah phei chuan tunah hian Smart Card pawh an la produce hlei thei lova, December 2012 khan thlalak pawh kan ti zo thei ang an ti a, an ti zo hlei thei lova, tunah hian an kal mek a ni a. hria a, chu chu Pu Chairman, ka sawi duh a ni. Tin, PHC te pawh hi thuam that a ni lo khawp mai a ka bial chhungah sawn, Bungtlangah a awm a X-

ray te pawh tunah hian a function thei lo a ni tih kha hriat atan a thain ka hria a. Tin, chubakah chuan hei Health Clinic Centre tih te, Sub-Centre te an sa a, chungte pawh chu vawiin thleng hian Health Worker dah a ni thei lo a, hengte pawh hi min lo ensak atan a thain ka hria a. Tin, Ayush hi sawi chhuah a ni a, Ayush-ah hian tunah Thenzawl-ah pawh Hospital sak mek a ni tih kan hria a. Tin, district hrangah Lunglei, Serchhip, Kolasib- ah te pawh PHC ang ten an han kal a, khang hovah te pawh Doctor pahnih pathum an awm a. Nimahsela a supporting staff an neih loh avangin thawh ngaihna an hre lo tlat mai a, khang hote pawh kha vawiinah hian kan Governor hian han address ta ang ni sela chuan a van tha em tihte ka thinlungah a awm.

Power lamah hian RGGVY an chak lo em em mai hi hei aia chak deuh hleka hmalak dan hi a awm thei lo em ni tih hi ka ngaiantuahnaah a awm khawp mai. Ka bial chhung phei hi chuan an tuar nasa a, tunah hian Solar an dil a, pek theih a ni bawk si lo. Tin, multi modal, transport-ah hian hei tha takin an rawn sawi a, lawmawm ka ti a. Nimahsela compensation chungchang thu-ah harsatna kan tawk mek a ni tih kan hria a. Heng compensation chungchang thu-ah te pawh fimkhur deuh hlek zawka hma an lak hi a tulin ka hria a. Collector D.C pangngai a kha ni ta lo khan Senior Research Officer, District Council amite kha collector-ah an appoint ringawt mai te hi a District Council chhung amite kha an ni si a. Chuvang chuan hengte pawh hi en ngun deuh chu a va ngai awm em tih te ka thinlungah a awm a, ka sawi duh a ni.

Sport & Youth Services-ah hian thil pakhat Sport Policy siam chhuah theih loh te pawh hi siam chhuah a hun tawh lo em ni tih te ka thinlung chhungah a awm khawp mai. Pu Chairman hun kan nei tlem si a hun dangah kan la sawi leh dawn nia, ka lawm e.

SPEAKER : Tunge sawi ve leh dawn le, kan titawp dawn tawh mai em ni ang ?

Pu R.L. PIANMAWIA : Pu Chairman ka lawm e. Vawiinah kan Governor thusawi lawmawm tak tak mai bu te reuh te a siam a ni ti a an duh thawhna te an han sawi kha lawmawm ka ti a. Love letter pawh hi duh zawng zawng ziahna a ni lo va, amaherawhchu a tum leh a sawi kha kan chian thin avang hian a hlu a, a lawmawm a ni mai a. Chuvang chuan an sit thu an han sawilang pawh kha thil hriat chian loh vang niin ka ngai a. Tin, nimin lamah kan vei lama thute an chhuah chungchangte an han sawi a, lehlamah chuan a lawmawm a. Tunlaiah chuan intihlar hi mitam takin an tum ber a ni a, a thenin bel mang te an inhnawih a, min an lo hriat theih nan. Tin, tute emaw chuan intihlar nan tual an thah phah a, intihlar an tumna avangin. Chuvangin tlem tham tan chuan han intihlarna tur hi a vang em mai a, khatia tih mai loh kha chu kawng awm lovin ka hria a. Vawiinah te hian han chhuak tau ta zawk sela chuan a inhme awm mange aw ka ti a, zun pah te pawha han chhuahpui ve tur kan inruahman ang a, a chhuak te pawh kan tam deuh turah kan ngai a, a pawi hle a.

Hei kan hriat angin NLUP chungchangte kan Governor Speech-ah kan ngaithla a, hemi chungchangta opposition lamten sawi nuam an tih ber thin chu inthlan zawk tukah cheng nuai 1 kan sem ang tih an sawi lang ve leh thin a. A ni khawp mai a, kan hotu

thenkhatte pawhin inthlan result puan a sorkarna an siam a, an hna hmasa ber tur kha Chakma District Council thiah kha a ni a, kum 10 chhung vel khan an ti hman miah lo va. Keini erawh chu kan sawi a kha hei kan ti chho mial mial mai a ni a. Chuvang chuan khangte pawh kha inenlet nan a pawimawh hlein ka hria a. Chakma District Council that mai bakah khan kum 3 a ei leh bara intodelh te kha mi an hrilh dan a ni a. Kum 3 chhung khan lo intodelh tawh ni ila chuan NLUP hi kan sawi ri miahin ka ring lo va. Chuvangin, "Switzerland of the East," ni tura kan inhrilh te kha a ni a, amaherawhchu, "Switzerland of the East," chu kan hnaih lo hle a. Chumi ni thei tur chuan tuna kan sorkar hian , a te ber atangin, a chhumchhia ber atangin NLUP hmangin bul min han tan sak a. Heng duhthusam an lo sawi zawng zawng , "Switzerlansd of the East," tih te, "Ei leh bara intodelhna tur," tihte pawh hi NLUP atang hian bul kan han tan dawn chauh va, chuvangin an lo nghahhlehnate pawh kha an tawng sual palhte pawh a ni ang e.

Hei a lawmawm ka tih em em chu kan Governor thusawiah khan a hmasa berah Chalfilh Bial By-Election tihchhiat tuma nasa taka beihna karah Pawl hrang hrangte leh NGO-te leh MPF-te leh tawngtaitute tawngtaina vangin tihchhiat zawk lohvin, mam takin, muanawm takin inthlanna kha neih a ni a. Member zahawm tak Dr. Ngurdingliana pawh lawmpuina an awm thei hi hnehna ropui tak a ni a, hei hi Kristiante hnehna a ni a, a ropui a, sawi chhuah chakawm tak leh sawi tlak a ni, tih ka han sawi duh a.

Tin, kan Police Modernization chungchangahte khan ropui ka ti hle a, khatiang sawi chhuah tlak an awm kha ropui ka ti a. Kan Home Minister khanin cheng nuai 15 min rawn pe rawh ti ve tlat ta mai sela, khatiang building ropui tak takte leh hmasawnna tam takte leh silai tha tak takte kha an lei thei lo mai awm mang e aw! tih ka ngaiantuah a. Chuvang chuanin a ropui ka ti a, khatiang sawi chhuah tur, Police Modernisation-ah pawh a han tarlang kha a lawmawmin ka hria a. Chuvangin, he kum reilote kalchho meka sorkar hmalakna lehkhabu tereuhtea han tarlan sen loh, han tarlan chhunte kha lawmthusawi lohna tur rual niin ka hre lova. Chuvang chuan ropui ka ti a. Tin, thawktute, sorkar hnathawktute leh NGO hrang hrangte inpekna leh tan tlanna avanga ram ralmuang ber kan han ni theite hi a lawmawm a, a chhuanawm a, zahpuawm lo hlein lawmawm ka ti a. Tin, NLUP atana nuai khat leh sing hnih ruahmannaa awm tawh na reng a, mamawhtu pung belh zel umzui nana sing khat leh sangnga lai mai awlsamtea min han ruahman sak lehte pawh hi mi rethei te, kut hnathawktute hmangaihtu tan lo chuan thil tih mai mai theih pawh niin a lang lova, a lawmawm ka ti hle a. Tin, NLUP sum mai bakah RKVY hnuaih sum leh pai tam tak, a hmaa kan hmuu aia tam hmuu, hengte atang hian NLUP-a ei zawngtute hna thawhnaa an mamawh tur kawng sialna turte ruahman a ni ta zel a, chutiang chuan kan hmanraw neih hi a hmaa kan neih loh kan neih tam takte hi hman tangkai kan tum lehzual tumna point tlem te a rawn tarlanna han hmuu pawh hian thil lawmawm leh thil chhuanawm tak a ni a, lawmthu sawi mawlh mawlhna tlak niin ka hria a.

Tin, kan rama chhiatna hrang hrang thleng thin thihna leh tawrhna hrang hrangte doletna atana 'The Mizoram Landslide Management Action Plan' siam a han nite hi a ropui ka ti a, tumahin siam nachang an hre lova, tuna an han siam ta mai hi a ropui ka ti a, a lawmawm ka ti a.

Tin, buhbal thar chhuah lama lo neitute than chhoh zel nana hma lak pawimawh tak mai Power Tiller han pek chhuah chungchangte pawh hi a lawmawm ka ti a. Hetiang hi hun dangah kan la tawng ngai lova, rethei zawktena an hmuh theih ngeina turin tlemte tum tir ve a ni a, hetiang ruahmannna kalpui a, kut hnathawktute hmangaihna a neih zia sorkarin a han tarlang hi a ropui takmeuh meuh a ni. Tin, buhbal thar chhuah pun avanga lawmman an siam Krishi Karman Awards President atanga he sorkarin a han dawngte hi thil lawmawm tak a ni. He lawmman hi ngaihne mai chi pawh a ni lova, lawmthu sawina tham a tling a ni tih ka han sawi tel duh bawk a.

Tin. Hriselna lamah pawh Rural Health Care ngaihpawimawh a ni te hi a lawmawm em em a, ka bial phei chu mi an duhsaka, Health Care ti ho an lo kal hmasa ber niin ka hria a, thlalakte pawh an ti nghala, chuvangchuan damlo mangang kan neih te pawh, cheng sing ruk chawi tur te pawh cheng 60 chauh an chawiin damdawiin atangin dam takin an chhuak thei a ni. Chutiang ang chu a nih avang hian a lawmawm dan hi miretheite tan a thuk a, miretheite dinhmun hrelo tan chuan lawmna tur hi he kan Governor Speech-ah hian avang maitei. Mahse retheite dinhmuna dinga retheite lam tanga rilru pe tan chuan lawm lohna tur pakhatmah a awm lo a ni tih ka sawi duh a. Tin, kawng hrang hrangah sawi tur tam tak a awm rualin electric lamah te, sport lamah te, PHE-ah te leh Department hrang hrangah te pawh hian lawmthu sawi tur tam tak a awm a. Kan Sorkar hrilhfiah nan zawnge thawnthu kha ka'n sawi duh a, (Chairman Col.Z.S.ZUALA: minute khat ila nei) zawnge phenglawng kha it vetu an awm a, khami chhuhsak theih nan khan, i nun chaw lo chum rawh se, a tih kha, tui lo chawi rawh se, a tih kha an tihin, a nin chawi zo tawh dim diam a tih ang deuh khan Sport lamah hma in la thalo ti dawn se, in la la lo chuti kha ti, ti dawn se, la zo tawh dim diam, a ni a, electric lamah hmalakna in la neilo ti dawn se, ti zo tawh dim diam tih kha, he sawrkar chhanna a ni maia. Chuvangchuan, vawiinah Governor speech hi a lawmawm ka ti a, ka thlawp a ni e, ka lawm e.

CHAIRMAN : Pu H.Zothangliana ilo ko ang u.

Pu H. ZOTHANGLIANA : Pu Chairman, ti khan ka hun a intan chiah ti raw, ka lawm e, minute thum vel a liam hman a nia, khatih chhung khan. Chalfilh By-Election a Congress Party-in hnehna, Pathian khawngaihna a zara mipuite kaltlanga ropui tak mai kan han chang leh hi a lawmawm ka ti tih a hmasain ka sawi duh a. MNF leh Party dang thenkhatte hian Lai-Autonomous District Council MDC inthlanpui 2010 a kan neih tum khan, tun hi MLA General Election 2013 kum tawp lama kan neih tur darthlalang a ni e, an ti a. Tin, a hnu deuha Mara Autonomous Council a MDC inthlan kan neih leh khan chuti bawk chuan an ti leh a, MDF leh MNF tangkawpin theihtawp takmeuh chhuahin min sual ve ngial a, nimahsela Lai-District Council-ah leh Mara District Council inthlanah khan darthlalang chu a lo lang chiang a. Kum 2013 darthlalang a lo lang chiang a a mak a makin Congress party-in chakna kan chang ve ve a ni. Chubakah chuan V.C election te pawh kan han nei chho neuh neuh a, chung zawng zawngah te chuan Party hrang hrangten Congress an thatloh zia alo lang dawn, MLA inthlan leh huna an tlak tur zia alo lang dawn a ni, darthlalang a ni, an ti thin a. Nimahsela 80% chuang seat lain kan han chak chho zel mai te hi Pathian malsawmna Congress Party-in a dawn tichiangtu leh a policy NLUP hi Pathianin a pawmpui

a nih zia tilang chiangtu a niin ka hria a, a lawmawm hlein ka hria a ni. Kan Governor thusawiah khan 4 para NLUP chungchang tarlan a ni a, kan MNF leh an zakzeh MDF member-te kha an chhuak tau a, nichina kan ngaihthlak tawh ang khan Mizoram a la thleng ngailo thil thar an rawn practice a ni, a lawmawm loh khawpin ka hria. An chhuah chhan kha Congress bik chauh induhsakna Policy a ni, an ti a ni bera, nimahsela a ni lo a ni tih hi chiang takin ka sawi duh a. Entirna keima bial chhung ve atang hian han sawi ila, a chiang thei awm e. 2008 MLA intlanah khan ka bial chhung khaw pakhat Archhuangah chuan vote za zela sawm ngawr ngawr ka hmu a, 10% vel ka hmu a. Vartekkaiah 30% vel ka hmu a, Vartekah 30% vel bawk ka hmu a, Tialdawnglungah phei chuan 1% pawh ka hmu tling lova, Lungtian-II ah ka hmu tam lo khawp mai a, tin, Pang khua bikah phei chuan vote 500/700 vel awmah khanin vote 171 ngawtin ka chak lo a ni. Pang khuaah hian E-roll hnuhnung ber 2013, E-roll-ah chuan household 199 an awm a, heng household 199 awmah hian NLUP dawngtute hi household family 150 chuang an ni tawh a ni. Heng zawng zawng hi Congress an ni thei lo tih kha MNF unaute khan lo hre chiang teh se.

Vartek te, Vartekkai te, Archhuang te, Tialdawnglung vote kan hmuh mang lohna, Congress party-in vote kan hmuh mang hauh lohnaah khan an zavai tak takin, Sorkar hnathawk tih chauh lo chu, an zavaein NLUP kan pe vek a ni. Congress leh ress-lo kan thliar lo tih hi an hriat chian ka duh a ni. Chuvangin, kan pek hote an lawm a, tam tak chu, an vaiin an ni kan ti lo, tam tak chu Congress-a rawn in enroll thar an awm tih erawh hi chu phat rual a ni lova. Chu chu hriain a dodal dan tur kawng dang an hre si lova, a vui zawngin, a naupang chhe tihtauh zawngin thil an kalpui mai a ni tih hi Zoram mipuiten min hriatpui ka duh a ni. Mizoramah hian chhungkua nuai hnih chuang erh awrh kan zavaein kan awm a. Chung zinga chhungkua nuai khat leh singthum leh sangnga (1,35,000) chu NLUP hian kan hotuten an cover mek a ni. Chhungkaw nuai hnih chuang erh awrh zinga chhungkaw nuai khat leh singthum leh sangnga hi Congress vek an ni thei reng reng dawn em ni? A theih loh a ni. Pu Chairman, a hrechiangtu nangpawh i ni. Sorkar hnathawk mi chhungkaw 60000 chuang vel an awm bawk a. hemi pah phei chuanin NLUP dawng zawng zawng hi Congress an nih chuan MNF leh ZNP te, party dang hian chan pakhatmah an nei lo tihna a ni dawn a. Chu chu thil theih a ni lo tih hi common sense atang pawhin a chiang a ni. Dawtin Zoram mipui bawl tum tawh suh se tih hi ka sawi duh a ni. Governor zahawm takin thu a sawi laia chhuanlam dawrawm tak, belh chian dawlo tak hmanga House chhuahsante hi a Mizo lo, Mizo Nationalism tih sawi sawi ve si a, Mizo lo tak mai, 'UN- MIZO' tak maia thil an ti hi a fel hlel hlein ka hria.

Tun hnaiah Lengpui velah silai man a ni, helho an awm a niang, chu e kha e tihte hi, US-ah pawh silai chu an man ngai. A pawi zawk chu kan man ta kha a pawi a ni lova, man lohva Ministry hmasa huna zalen tak mai a, Aizawl khawpui chhungah ngei pawh helhovin training camp an nei ang chite kha a pawi zawk a ni. An man chhun pawh FIR pawh siam lohva an chhuah zalen leh ta mai mai zawk te kha a pawi zawk a ni. Chief Minister meuhina khatih hunlaia ka discretionary fund ve chu helho pekah a kal ral vek, midang tan chan tur a awm lo tih ang te kha a pawi zawk a ni. Ram leh hnam pawikhawihna lian tak a ni. Khatiang kha tun Sorkarah chuan a awm ve ta lo, a lawmawm a ni. Home Department hian nasa takin hma a sawn a, kan lawm a ni. Thingkahah kan member

zahawmtak Pu C. Ramhluna'n a rawn tarlan zawk ang khan, IR Battallion hmunpui kan hotuten min dah sak turte pawh hi a lawmawm, an dah ngei ngei dawn. Ringhlel deuh niawm tak khan a rawn sawi a, a rinhlelhawm loh a ni. Kan hotute hi chuan kan ti dawn an tih hi a tak takin an ti mai zel. Tun hmaa kan hotu hmasatena mau pukhat chu ka rawn keuh ve a nge an ti a, mau pukhat chu engnge a awmzia tih tun thlenga mipui an inzawh luai luai ang hi a ni ve lo a ni tihte pawh hi min lo hriatpui rawh se.

Helicopter service te hi a lawmawm, a ropui a ni. Pu Hawla'n Lengpui Airport a buatsaih tirh laia choak bak a tum lovang, chu e kha e titute kha vawiinah chuan a hmang tangkai ber ber leh a lawm ber berte an ni chho ta ang hian, Helicopter service hi mi tam takin a lawmawm zia, a that zia hi a hre chiang chho mek a. Entirna tawite ka'n sawi ange. Nunna hlu tak tam tak kan chhan theih phah a ni. A hming sawi lang ta ila, a pawi lovin ka hria a, Saiha a pa langsar ve tak pakhat Pu Hriltluanga nupui chu hman deuh lawk khan thih ngamin a na that a, hmanhmawh thlak taka Aizawlah Helicopter-a rawn phurh a ni a, New Life Hospital-ah an enkawl a, vanneithalmak takin an chhan thei ta a, tunah chuan a dam tha chho, kan lawm hle a ni. Chutiang deuh bawk chuan Lawngtlai L-4 ka chenna venga Pu Tharmawia MNF pachal. Chu pawh chu Lawngtlai Helicopter Service hmang tangkaiin Aizawl Civil Hospital rawn thlenpui a ni a, keini pawhin kan phak ang tawkin kan buaipui nghe nghe a. Ani pawh a nunna chhan sak a ni a, hrisel takin a awm chho mek a kan lawmpui em em a ni. Chungte chu thil awmzia a ni tih kan hotuten min hriatpui ka duh a ni.

Water Supply chungchangah hian Ministry hmasa hunlai kum 10 hun chhung khan water pumping scheme a thar pakhat mah an nei lo. Tun congress sorkarah hian kum 4 vel kan kal chhung hian water pumping scheme, water supply scheme lian chi tiin sawi mai ila 18 kan hotuten min tihchhuah sak a ni. A na mai lo a ni, heng zingah hian ka bial Lawngtlai greater water supply scheme te, Sangau greater water Supply scheme te pawh a tel a, kan Minister zahawmtak Pu S.Hiato bialah te pawh Saiha te, Tuipang leh a dang dangte pawh a awm teuh. Mizoram hmar lamah pawh a tam mai, kan sawi vek seng lo a ni. Chuvangin Ministry hmasa leh tun Ministry hi chu a inang lo a ni. Tawngkam thiam lamah kan tluk lo a nih pawhin a taka thawh lamah chuan kan khum a ni tih Zoram mipui hriatah hian ka puang ngam a ni.

Roads & Highways chungchang lamah pawh hmasawnna tamtak kan hmu. Lawngtlai khawpui chhung pawh kan Parliamentary Secretary zahawmtak leh kan Chief Minister-in hma min lakpuina azarah, tunhnai maiah hian siamthat a ni dawn tih te kan hria a kan lawm em em a. Darzo kai lei (bridge) te pawh thatak min dawh sak dawn a, hna an han tan chho ta te hi a lawmawm kan ti.

Lawngtlai hi Power & Electricity Sub-Division chauh awmna hmun a ni chungin E.E awmna hmun dang zawng zawng aia bial zau ber a ni a, chuvangin kan hotuten kan mamawhna leh a justification te min hriatsakin proposal thatak mai min tihkal sak mek a, E.E dah an tum a, Bungtlang 'S' ah SDO dah an han tum te hi a lawmawm kan ti, a hlawhtlin hun nghakhlel takin kan thlir mek a ni.

IAY mirethei in sak tanpuina MNF Ministry kum 10 chhung khan bial dang chu ka hrelova, kan bial yeah chuan in sawmhnih khat bak an pe lo a ni. Congress kan han sorkar a tun kum li vel er awrhah hian khawtin tak takah MNF kum 10 hun chhunga IAY tanpuina atanga an pek let thum atanga let nga khawtinah kan pe vek tawh a ni. Hengte hi mirethei kan hotutena an hmangaih a an duhsak tak tak vang a ni tih Zoram mipuiin an hriat kan duh.

Tourism chungchangah kan hotuten theih tawp chhuahin hma an la a, Tourism lama kan potential that zia hriain kan Chief Minister ho meuhin Tourism development board din a ni a, chutah chuan P.K.Dong, Sikkim pa Germany-ah pawh hnuhma nei lian ropui tak mai leh Sikkim Tourism Industry a nasa taka an chhawr tangkai ; khawwela hriat thama an lo awm a, an State sorkar pawhin nasa taka hma a sawn phahna kawnga an ‘Architect’ a bul tumtu ber a ni a. P.K.Dong-a hi Mizoram sorkar pawhin kan ruai mek a. He pa ruahmannazul zui hian Tourism kawngah pawh hian nasa takin kan thang dawn a ni tih hi, he house hi ka han hrilh thar ve leh duh bawk a ni. Governor thusawia motion of thanks hi lawmtakin ka thlawp a ni e. Pu Chairman ka lawm e.

Lt. COL. Z.S. ZUALA, CHAIRMAN : Pu K.Lalrinthanga.

Pu K. LALRINTHANGA : Pu Chairman, ka lawm e. Motion of thanks kan sawiho turah hian Chalfilh Bye Election atang khan bul tan ka duh a. Boruak tha tak hnuaih inthlanna kan han nei thei a. Chutih rual chuan kan member thar zahawm tak pawh lawmpuina han sawi ka duh a. Hei Chalfilh bye election chanchin hi tawite sawi ka duh a. Tihbuai tumna chu a awm a ni. Mahse tihbuai tumna awm karah hian remna leh muanna hnuaih thlamuang takin kan inthlang a ni tih hi tarlan ka duh. Chu chu pakhatnaah chuan Election Commission of India- in mimal intihhmingchhiatna hman a awih lo rual rualin, PRISM in INC candidate mimal a sawichhiatna an rawn tarlang a. Chu an rawn tarlan a chu Political Party pakhat chuanin tam tak an print a, Chalfilh bialah khan an sem a ni. Kei pawhin a hmunah kalin khami an sem a kha ka chhiar ve ngei a ni. Chutianga an sem rual rual chuan harsatna thleng thei chu mimal insawichhiatna anih avangin Congress Party tan chuan thinrim a, khang a semtute kha tibuai a, kha inthlannaah khanin harsatna thleng thei a ni. Amaherawhchu, Congress Party complainer-ten harsatna pakhatmah siam lovin khatiang khan thil a kal tluang a. Chutih rual rual chuan inthlan dawn tlai dar 6 ah Thanglailungah MNF caimpainer-ten an sem lai hmu a ni a. Tin, a khaw hming ka han sawi mai thei ta lova chutah (Phullen) chuan dar 7 ah an sem lai hmu a ni leh a. Chutiang anih avang chuan AERO Magistrate hnenah report pek a ni a. Chutia report pek anih hnu chuan inthlan campaign a tawp tawh a hetiang hian thil tih theih a ni tawh love tiin AERO in a lo hrilh a. Congress mi leh saten a semtu party MNF mi leh sate sawmin MNF Unit President in (Campaign) office a an hman inah an kal a (zan dar 9:50 PM ah.) A in neitupa nupui chuan a lo chhiar mek a, Congress mi leh sate leh MNF mi leh saten hetiang hi a hun a ni tawh love tiin an kawllai kha laksakin Magistrate-ah an thehlut a ni. Chu chu a leh a lingin MNF complainer-te chuan Congress hovin campaign office an rawk tiin min tihsak anih chu mawle, a zahthlak ngawt mai.

Tin, chutihrual chuan thil dang leh chu Bethlehem Veng atanga mipakhatin Phuaibuang a kan V.C.P a han phone a, MNF tlinna turin hna lo thawk rawh u HPC ‘D’ ka ni a tiin a han phone a ni. A zan la lain kan CID ten hna thawkin chupa chu an man a ni. Chutiang chuan inthlan kha tihbui tumin nasa takin hna an thawk a ni. Amaherawhchu, kan Home Minister zahawmtak kaihhruaina hnuiah hetiang hian ka han sawi leh ang a, a tuk ni 22-ah khan party-ah Election changtu ka nih ve avangin Office-ah ka kal a, kan naute CID ah ka tir a. Chuta an thusawi chu House hian a hriat a thain ka hria. CID lam atanga report kan dawn chu sawrkar hmasaah khan thil sual te, ruk ruk te, tualthah te, Silai tawlh ruk te a lo awm ve thin, kan han chhui dawn a kan chhui hlei thei lo. Hnam Run ngaihdan engnge ni tih te, Pamra ngaihdan engnge ni tih te lak a ngai thin a. Chuvang chuan thilsual titute kha kan man hlei thei lova. Tun sawrkarah chuan kan Home Minister zahawm takin ngaihdan tluang tak a nei a, hnathawh dan tur min hrilh a, chutiang chuan Pathian malsawmna kan dawng thin a ni an ti anih chu. Chutiang chu thil awmdan a ni a, House hian hre ve se thain ka hria a. Remna leh muanna hnuiah thlamuang taka kan inthlang thei hi lawmawm ka ti a ka han sawi duh a ni. Chutih rual rual chuan Aizawlah Forensic building inagurate a lo ni ta a. Hun reiloteah hlawhtling turah ngai ila. Aizawl leh Lungleiah District Mobile Forensic te awm turin ruahman a ni a. Hei hian kan ramah hmasawnna a awm chho zel a ni tih a lan tir a ni.

NLUP chungchangah hian sawi duh ka nei a. A hmasa berah chuanin miretheite tan Mizoram Sorkar Budget-ah pawisa dah a lo ni ve ta hi a lawmawm ka ti. Tun hma chuan mirethei (lo neitute)dinhmun siam tha thei lote tan pawisa dah a ni ngai lo. Tun hunah chuan pawisa dah a ni ta a, a lawmawm. Chutih rual chuan a nghawng hi tarlan thain ka hria. Nimin tlaiah khan kan inah Sports Minister zahawmtak Pu Zodintluanga hian Party hrang hrang atangin mi 75 Congress Party-ah a lawm lut a. Chung zingah chuan kan Member te hian hria ula ka duh chu, Remna leh Muanna a awm tantirh a, MNF Unit dintute ho kha Congress-ah an lo lut a ni. Chu ta mi pakhatin a sawinaah chuan tiang hian a sawi a ni. Mizoramah electric current tha, hnianghnar kan la nei lova, kum 2006-a hawn tur Tuirial Hydel Project kha Total band avang khan chhe lo sela chu tunah hian 60 Mega watt kan lo nei tawh ang a. Tun ang em em hian kan harsa tawh lovang. Amaherawhchu, kha kha tihchhiat a ni ta si a. Electric current awm loh apiangin, MNF Unit dintute ho chuanin Congress Party hi an sawichhe ziah a ni. Mahse, an rilru a danglam tawh dan chu hetiang hi a ni. Tunah chuan khang ho khan Congress Policy hi tha an ti tawh khawp a. Miretheite tan hna an thawh hi lawmawm an ti khawp a. Chu ta an thusawi chu electric current a han awm loh pawh hian, “Pu Hawla chu economic a va han thiam em”, an ti daih tawh a nih chu. Engnge a chhan leh a vang. Miretheite tan sum leh pai kan dah a. Chuvangin, khatiang harsatnate pawh kha an hrethiam tawh a nih chu, an rilru a hmin tawh. Khang MNF mi leh sate kha NLUP te kan pe ve a, kan pek apiang kha Congres-ah an rawn lut ta mai si a. Chu chu an hotute hian an ngai ngam lova, engtin nge ? khawi lam atanga rawn kal nge ? tih te kha an uar ta zawk a. Keini chuan khawi atang pawhin lokal se pawi kan ti lo. Burma Sorkar atang pawhin lokal rawh se, Bangladesh atang pawhin. Kan miretheite pawisa kan pek theihna a nih phawt chuan. Bul an tan theihna tur kan pek theih phawt chuan a lawmawm kan ti. Dinhmun siamthatna tur atan. Mizoram hi a la changkang chho zel dawn a, chu chu chen ve se. He

changkang chho hi lo tem ve sela, an dinhmun lo tha ve se tih hi kan duh a. Chuvang chuan, i vei lama thute hianin an naute hi an hmin zo tawh lo a ni. An hupbet zo tawh lo a ni tih te hi lo hre ve mai mai sela a va tha awm e, tih kha ka'n sawi a nih chu.

Pu Chairman, reilote thil pakhat ka'n sawi leh teh ang. Aero-Sports atan ₹ 468 lakh zet pawisa sanction kan hmu a, a lawmawm takzet a ni. Tun hma khan Lengpui Airfield-ah Choak bak a tum lovang an ti a. Hun a lo kal zel a, an thawk zo ta a, mi tam takin kan tangkaipui ta a. Tunah chuan Aero-Sports hial kan nei thei dawn ta tihna a nih chu. Mizoram hi a va changkang sawt em. Tun Sorkar- a kan hotute hnathawh atang hianin. Kan Minister-te ngaihtuahna kal zel atang hianin Mizoram hi a va changkang sawt ta ve, tunah chuan Tlabungah te, Saihaah te, Lungleiah te thlawhnain awlsam takin kan thlawk thei ta a, a lawmawm takzet a ni.

Thil pakhat han sawi ka duh leh chu Jhum Cultivation hi a ni. Mizorama pawi kan tih ber chu kum tin lo kan hal a, ram kan tibua a, lei a lo tak ta lo a, a dangah kan insawn leh a, ti khan lei thate a lo kal ral a. Chumi tihrehna tur atan chuan sawrkarin ngaihtuahna thui tak a siama, chutia tun sawrkar tharin hna a han thawh takah chuan jhum cultivation hi 16.9% zetin Governor zahawm tak thusawiah hian a lo tlahniam ta a ni. Hetianga kan kal zel chuan shifting cultivation hi nakinah chuan a lo reh ang a, kan ramah hian thing leh maute a lo duah leh ang a. tichuan khawvelin a ngaihpawimawh em em Climate change hrang hrang lo thleng tur hi a lo ziaawm ang a, ruahrtui te pawh kan lo nei thei leh ang a.

Thil pakhat chauh kan sawi leh ang a. 1972 kum khan Shillong atangin Aizawl-ah Truck chungah kan chuanga, kal kawng a nal em avangin Kawnpui chhovah Truck pakhat hi a tlu a ni. Khulai kawng khu a damin a diak em em a. Kan shawl sin te chu sawrfu theih khawpin a huh vek a, chu chu a dam tihna a ni. Tunah chuan khulaiah khuan dai tla hmuh tur a awm tawh lo. A chhan chu ramngaw a chereu tawh a, khulaia Dai kotu tur a awm tawh lova, chuvang chuan, dam a awm tawh lo. Chutiang chuan Zoram-ah hian kan dam leh tuihna neih te a kiem zel a ni. NLUP atanga kan hotuten ramngaw siam an tumna atang hian Zoramin malsawmna nasa tak kan dawng dawn a ni tih ka'n tarlang duh a ni. Ka lawm e.

Pu R. SELTHUAMA : Pu Chairman ka lawm e. A hmasa bera ka'n sawi duh chu nimina i vei lama thute khan Head of State-in thu a sawi laia an chhuak tau ta mai kha pawi ka ti a. Khatiang anga Mizoram-a History thalo zawnga an han siam kha a pawi ka ti takzet zet a ni tih ka sawi duh a. Chutih rual erawh chuan thil mak a ni lo tih ka sawi tel duh a ni. Enge a mak lohna chhan kan tih chuan, 'kum 1966 khan, India mi kan ni lo e', tiin India ram atanga chhuah tumin thisen chhuak khawpin an bei chiam tawh a. Tichuan 1986 ah lungawi takin India ram mi ngei kan lo ni e tiin ziak meuha dahin an lo lut tawh a, helaiah pawh hei Member engemaw zat an nei a. Kum 10 chhung helaiah pawh ro an rel nghe nghe a ni. Chumi hnuah chuan member engemaw zat an la nei a, chuti chung chuan chhuah uaih uaih tumin nimin pawh khan an chhuak uaih uaih a ni e tih ka'n sawi tel duh a ni. Chuvang chuan Group Leader pawh hi a chhuak lehngthal mai tawh nge ni a lo lut leh em ang chu maw tih kha ka sawi tel nghe nghe ang e. Tichuan Phai ram lama India Vai kan tih te, an thiltih an chindan thalo te, helaiah vai pawl ti a an sawi an sawi ten an tih duh loh zawk,

inti mizo tak, mizo bik hnam rilru pu bik ni a insawi thin tena an han entawn a an han ti mai kha chu an tih loh tawp tur an ti niin ka ring a. Chuvang chuan, khang ang kha awm tawhlo sela a lawmawm ngawt ang.

A pahnihnaah chuan Chalfilh bial bye election-ah kan Governor-in engmah buaina awm lovin, tluang takin inthlan kan nei thei a, a tlinga pawh ka lawmpui e, MLA pawh a ti a. Keipawh ka lawmpuina thu vawiinah hian mizo mipuite hriatah ka sawi duh a ni. Ka veilam seat hi a ruak reng mai a kum li chhung chu, tunah a luahkhattu kan nei a, thian kan nei ta hi ka lawm khawp mai a, a lawm berte zing ami ka ni ang.

Tichuan, ka sawi duh chu eng party emaw ni hi chuan dawtsawi hi an ching a ni, keipawh tunah khan campaign-in ka han kal ve a, chanchinbua ka lo hmuah leh zana news a an sawiah chuan, MNF te chuan, ‘min vote ve loh chuan NLUP dawng turte pawh nisela kan cut vek ang a ti’, tiin ka hming pawh an rawn sawi ve a ni. Chutiang ang chu ka sawilo chiang tih a hretu ka ni a keimah hi; chutih a hnekin khita ka sawi chu keini bialah chuan Aizawl West-III kan ni a, chhungkaw 600 chuangin NLUP an dawng a chung zinga chhungkaw 186 chu party dang mi an ni, Congress ni lo. Tin, keimahni vengah phei chuan khatih hun laia MNF Unit Secretary pawh kan pe a ni, tunah phei chuan MNF Unit President a ni tawh nghe nghe a ni. Chuvang chuan eng party emaw ni te hian Congress induhsakna chauh, kan party mi pakhatmah an pe lo ti a sawi sawi thinte hian dawt an sawi zia hi mizoram mipuite hriatah he House kaltlang hian kan sawiduh a ni. Ka bialah ngei pawh kan thalaiten, ‘a list kan nei a Congress nilo party dang dawngtute hi chhungkaw 186 an ni, a list kan nei a, induh chuan a en theih a ni kan kawl tha a ni’, tiin press release te pawh an siam a ni. Chutiang ang anih laia Congress party chauh induhsak anga an sawi thin hi, he House chhung ngeiah pawh an sawi thin hi thudik hi sawi ve tawh rawh se tih hi ka ngenna a ni. He rorelna sang bera thudiklo sawi fo mai hi a tha lo a ni.

Kan hotute ruahmannaah NLUP dawng theitu tur survey kha 2009 kumah khan YMA te hmangin an han nei a, chutah chuan chhungkaw nuai khat leh sing ruk vel hian an dawng thei a ni, chumi zingah chuan tunah hian thlan mekte nen hian chhungkaw nuai khat leh singthum leh sangnga NLUP ah hian thlan an ni ta a. Chutah chuan han ngaihtuahin mi harsa dawng thei zingah Congress mi chauh an harsa bik lovang, Congress mi ringawt kha chhungkaw nuaikhat singthum leh sangnga an awmlo tih kha a chiang si a. Chutiang chu lo awm ni sela chuan i veilamah hian opposition member thu pakhatmah an awm lovang; chu chu thil chiang a ni. Mahse, vawiinah hian engemaw zat chu an thu ve tlat si, i sawidan takah khan Pu Chairman, nimin khan ‘an chhuak dum dum a’, i tia, chhuak dum dum tham an la thu anih chu. Amaherawhchu, thudik hi chu sawi ve zel tawh rawh se.

Tichuan, he NLUP hi engvangin nge an sawichhiat thin ? Inthlan hma kha chuan a sem theih loh kan budget a tlem sia, engti zawng mahin nuai khata

tanpuina hi a sem theih loh an ti thin. Mahse, Pu Lal Thanhawla Sorkar hian a sem ta miau bawk si a, chutah enge an sawi leh kan tih chuan inthlem nan an hmang, an ti. Inthlem nan kan hmanglo amaherawhchu, NLUP dawng tura kan tih hote kha an lawm em em mai a ni, ka bial chhungah ngei pawh in party chu kan rawn zawm lovang amaherawhchu inthlan hunah erawh hi chuan khawdang kan hawi lovang ti hi chhungkaw engemaw zat an awm a ni. Chung ang chu tu tan nge hnawksak, Congress tan chuan MNF ni mahse a hnawksak miahlo, lawmthu sawi an tum tlat a, chu chu a ni tute emaw hian hnawk an tih chu ni. Chumi avang chuan alawm he NLUP hi an sawisel. A policy hi kan sawisel love an ti a, anmahni mi leh sa kan pek te khan anmahni vote lova mi vote an tum avangin hnawk an ti alawm, keini pawh ni ila hnawk kan ti ang. Mahse an sawi ang kher hi chuan sawi lo sela an tifuh zawk awm mange ka ti. A thenah chuan hma lo la tawh te pawh hi lawmmante in lo pe a, an tia, a dik alawm. NLUP ah hian hma lo la a tihiawhtling thei lo, tipuitling thei lote kha tanpuina kan pek azarah khanin an tipuitling tawh a, an ti tha tawh a, lawmman pek tlakin hna an lo tipuitling a, chu chu a ni Mizoram sorkar hianin a duh ni. Anni kan unaute pawh hian chu chu an duh ve tur a ni. Biate a lawmman dawngtu khan buh phur 300 a thar a, a hmain leilet kha ala siam lova, mahse a pawisa dawn ₹ 1,10,000/- khan JCB te a ruai ta a tichuan a nawr mam a chumi azarah chuan phur 300 a thar ta a ni. Phur 300 a lo thar theih takah chuanin Serchhip District chhungah a titha ber a lo ni ta a, chuvang chuan lawmman pakhatna a dawng ta a, lawmman atan pawh chuan ₹ 75,000/- a dawng tel a ni. Chu chuan ala laih bak kha han lai leh selangin, han siam lehngthal sela chuanin Mizopa sawi a ‘mautlawn zawn’ tih ang hi a thar thei tawh dawn a ni. Chutiang ang chu a ni he NLUP hmanga thawk tha tute hovin an thawh dan chu ni. Kan veng Nursery-ah pawh sawn va en ve teh u, MNF party atanga rawn dawngtute ngei pawh hian vawk a vulh a, a vulh tha a ni, a lawmawm khawp mai, khatiang tihiawhtling tur chi kha a ni kan duh ni. Chuvang chuan hengte hi tute emaw tan chuan an candidate te an vote loh phah dawn anih chuan a hnawk alawm. Mahselangin, anmahni hamthatna tur anih avang khan he Congress sorkar hi chuan kha kha a duh a ni, party thliar lovin a pe ngei a ni tih hi he House kaltlang hian Mizoram mipuite hriatah ka sawi duh a ni.

Tichuan, a dawt lehah chuan Maintaining Peace and Tranquility hi ka sawi leh duh chu, Mizoram hi hmun ralmuang takah tunah hi chuan a lo awm ta a, sorkar hmasa hunlaiah kha chuan inrukbo te a awm pawhin tlanna sum te an inpe a. Tuna kan Home Minister ni ta phei hi chu Court-ah pawh thubuai a nei anih kha. Mahse Court-a thubuai a neihnatate pawh tlanna sum sorkarin a pe e a tih avang khan thubuai an siamsak a. Amaherawhchu, Court rorelna ngei khanin Pu Zira thu hretu hi chutihlaia an PRO vengtu security a ni a, an pek lai pawh hian a awm ngei a, an pawisa pek te pawh ₹ 500/- note te ₹ 100/- note te ₹ 50/- note te a ni. Lawng-a an phurh avangin chungte pawh chu a huh a, a tukah pawh an pawisa te chu an phoro a ni tih, Court judgement hian a sawi a ni. Chuvang chuan, ‘pawisa kan pe lo’, titute khanin pawisa an pe ngei a ni, mahse tun sorkarah hianin engtinnge a awm ve. Helaiah kidnap a awm a Cachar hmunah khan, kan sipaiten an zuk chhanchhuak anih kha. Chuvang chuan heng angle hi thil a lo awm anih pawhin tuna kan hotutena an

kalpui dan hi a tha a ni. Tin, a that lehzualna chu Mizoram chhungah Aizawl angah te hian hel ho ngampa takin an awm ve tawh lo, Aizawl velah hel ho ten training an nei tih a awm tawh lo a ni, tumah sawi tur an awm lo. Chumite Hotel-ah chuan hel ho an thleng thin, chulai Hotel-a mi pakhat pawh an tihlum tih te kha a awm ve tawh lo, hei hi a ni lawm ni hun ralmuang tha chu. Mizoram hi India ramah pawh hmun ralmuang ber a ni.

Pu Speaker, i phalnain kan sorkar hmasa a kan hotupa ber khanin Mizoram-ah chuan hmasawnate pawh hi a kalin a kal dem dem tawh dawn lo a ti a, a kal chak anga, hna in han thawk anga, sapthei huan te in siam anga chutih hunah chuan i phalnain ka'n chhiar lawk a nge, "chutih hunah chuan sorkar hnathawh hi tamtakin in ban san nghal ang, a hlawk dawn lutuk a ni, reiloteah in farm-ah in Gypsy tharin in tleng lut a nge, Agriculture link road laih kan uar si a, chuvangin Thlam chhawng nalh tak tak In In aia tha tha in in sa teuh a nge, chuvangin in cheng tam zawk ang, tiin a sawi a ni. Mahse tute nge Thlam tha tak tak nei chu, sorkar hnathawkte em ni? Congress party-in calendar a siamah khan Thlam tha tak tak neite chu khatihlai a Minister-te kha an ni lawm ni? chu chu a ni mipuite tana thawk lova mahni tana thawh a pawina chu.

Tin, chubakah chuan, 'in in tiang angin in ti lo', tih te kha helamah khan an rawn sawi a, a nih loh leh sorkar hmasain an intiamna an sawi hi ka'n chhiar leh lawk a nge, Pu Speaker i phalnain' 'Mizoram hi kan tidanglam dawn e, Development hi a kalin kan kal tir dawn lo, a zuanin kan zuan tir dawn a ni, chutih hunah chuan kan target chu kum 5 ah chuan Mizoram hi India ram State-ah chuan income nei tha ber kan ni ang, nangni pawhin chhiarkawpin a pha ang kum 10 ah chuan Switzerland of the East an ti ang' a ti. A nih leh kum 10 a pel dawn tawh a, Switzerland of the East a ni em? Chuvang chuan, Pu Speaker, he Governor thusawi a lawmthu sawina motion kan member zahawmtakin a rawn putluh hi zaa zain ka thlawp e, ka lawm e.

Pu P.P.THAWLA : Pu Speaker ka lawm e. Mizoram State Assembly parukna Budget Session hnuhnung ber kan lo thu ta hi a lunglen thlak angreng hle a, kum tawp lama inthlannaah tute nge tling a nge, tling lo vang tih kan hre si lova, thenkhat tan chuan Budget session-a a hnuhnung berte pawh a lo ni palh mai ang tih a hlauhawm a, tling leh vek turah induhsak ta i la. Tuntum session-a kan Governor zahawmtakin House-a rawn address-na motion sawihona hun duhawmtak mai kan han nei ho hi a lawmawm ka ti hle a, chutih rual chuan Contituency pariatna Chalfilhah bye election a member lo tling thar ta, Dr. Ngurdingliana, kan Governor zahawmtakin a lawmpuina a hlan kha ka thlawp a, lawmawm ka ti a, ka lawmpui thu ka han sawi nawn leh duh bawk a ni.

Mizoram State sorkar hian Department 50 dawn lai ram leh mipuite enkawlnan department kan nei a, chung zingah chuan sawi sen loh a nih laiin tun tuma kan Governor khanin, department 21 vel chauh thu kha an sawi ta kha, engvang nge ni ang aw, tih mi ngaihtuah tir a. Chutihlaiin i veilama thu opposition group pakhatin point 4-na an sawizo ta kha mipui tana thahnemngaih thil thuah a nia, an chhuak ta mai si a, reilote hnuah thusawi kha, session kha a tawp ta mai kha a va zo hma ve, thenkhat chhuah tauh avangin a sawi

phur ta lo emaw chu aw !! ka ti a. Chumi hnuah speech kan han dawng kha point pawimawh 21 vel lek kha a lo ni ta mai a, chutah chuan Mizoram-a minority group District council pathum awmte enkawlna tur chungchang leh enkawl tawhna chungchang thuah engte nge kan Governor zahawmtak hian a sawi ang tih te ka han thlir vel a, chulam pangah engmah tarlan a ni ta lo kha, a lungchhiat thlak angreng hlein ka hria a. Tin, chutih rualin nikum 2012 a District Council-te kum tawp a han thlen khan sum a indaihloh avanga demand an siam, inthlahrung tak chunga pa berte hnenah an thlen pawh kha pek theih an ni lo va, tlemte te pek an ni tih te kha ka han hmu belh chhah ta zel a, chuvangin district council kal lai pathum chungchang thuah chuan kan sorkar kal lain min ngaihsak dan han en hianin lungawina leh han lawmna tur em em awm pawn ka hre lo a ni.

Tin, point 7-na a rawn tarlanah khan hriselna chungchang thuah Mizoram sorkar hian tan a la hle tih kha a sawidan a ni a. Chutihlaiin khawpui lamah chuan a la viau reng a, thingtlang lama awmte tan chuan kan rethei hlawm si a, Saiha Hospital hi a zahpuiawm tawh hle mai si a, in enkawl dan te pawh a building leh a bungruate a lo chhiat rual rual khan a lo chau rau zel bawk si a. Chuvang chuan damlo nih pawh hi a huphurhawm thei em em mai a. Chubakah PHC kan neih Phura-ah te, Chhuanglung-ah te, Chakkhang, etc. tih bawr velah doctor te, nurse te kan nei thei bawk si lo a, chuvang chuan hriselna chungchang thu a dah lan pawh kha mahni bial chungchang thu han ngaihtuah chuan lawmthu sawi harsa ka ti hle a ni.

Point pariatnaah khan School-te mid-day meal pek chungchang hi Sorkar hmasa atanga inpek tan tawh kha chhunzawm a nih zel thu tarlan a ni a. Kumin January thla chhung khan ka bial khaw 38 ka fang chhuak a, chutah ka han zawt kual ve thin a, zirtirtu thenkhat chu nikum kum chanve hnulamah chuan State Sorkarin kan share pek tur kan pek kim loh vang nge ni, tin, SSA sum hrim hrimin min daih tawh loh vang nge ni zirtirtute khan naupangte mid-day meal han pek loh kha hrehawm an ti a, an hlawhte an thawh khawm a, harsa tak karah an ti tawk tawk tih te ka'n hria a. Council hnuia mi phei chu hlawh lak tur nei mang lo nen, naupang chaw ei tur thawh khawm ngai bawk nen a buaithlak hlein ka hria a, khangte kha pawi ka ti zawk a, chu chu ka han tarlang duh bawk a ni.

Tin, point 12-naah eng chungchanga Sorkar hmalakna an sawi rikah khan, hei matric exam te a ni a, pawl 12 exam te a ni a, kan bial mipuite hnen atanga phone call kan dawn tam ber chu eng lama kan harsat thu a ni. Electric hi kan lo tem ve ting tang tawh si a, exam dawn lai te, T.V nei hoten eng awm tha lovin Sorkar rorel lai an en thei lo te, fate exam dawn laia eng an neih that loh thute an han sawi teuh hi chu a mangan thlak hlein ka hria a. RGGVY te hi thingtlang lama eng pe tura Sorkar appointment pek te an ni phawt mai a, mahse an hmalakna hi a chak lo hle mai a, transformer power an pek lah hi 25KVA a ni a, hei hi chu BPL ho, in 15 bawr velin intawm thei ang tluk power nei kha a ni mai a. Khaw thenkhat chuan, in tam deuh chuan an harsat thu hi an sawi an sawi a ni. Chuvang chuan eng lampangah hian kan chau hle a ni tih hi chiang takin kan mipuite hnen atangin au aw kan hre thin a, chu chu pawi ka ti hle a ni.

Tin, Supply lampangah pawh hma kan sawn tawh ang a sawina kha a lo awm a, khangte pawh kha a dikna chen pawh a awm maithei, mahse Saiha District velah chuan gas kan harsatna hi a la ngai deuh reng mai a. Tin, a nei deuh te chuan black-in Rs 1200/- in an lei tlangpui thin a, chutiang chu kan la ni a. Tin, buhfai chungchangah pawh hei Christmas dawn khan kei Palak bialtu ni tan chuan kan mi leh sate mikhual kan ngah angreng thin si a, MLA quota a quintal 2 hi kan kham thin lova, kan han dil belh lahin kan Supply Director-te khan e VIP ho chu bazaar-ah mantoin lei mai tur, keini chu mirethei sem tur pawh kan indaihlo a ni tih kha min chhan dan kha a ni a. Christmas dawn ruaiah pawh a harsa tho mai a, chu chu ka hriat chin a ni a, duhthusamin hma a la sawn lo a ni ang ka ti deuh a ni.

Tin, Pu Speaker, point 10-naah hei hriselna lama thahnemngaih thil thuah mi neinung deuhten Aizawl khawpui Referral Hospital a ni emaw, Civil a ni emaw, Private Hospital a ni emaw, rang zawka an pan, a man engzat pawh inseng ta sela Sorkar-a bill theih tur a nih avanga hetiang facility kan nei hi khawsa thei deuh tan chuan a lawmawm hle a. Chung hote tana Copter service kan han neite pawh hi a tangkai a, a lawmawm lehzual a ni. Chutih rual rual chuan thingtlang lam mite harsatna erawh chu a phuhruk lo hle mai a. Keimahni thingtlang lama hospital-ah te, PHC-ah te doctor tha te leh Health Worker thate kan neih si loh chuan kan harsatna keini tan chuan a danglam chuang reng reng lo a, a ngai reng a ni. Chuvang chuan kan duh khawp lo hle mai tih kha he House-ah hian ka sawi duh a ni.

Tin, Pu Speaker, kan sawi lar em em NLUP thu hi kum 4/5 hmel kan hmu ta a, ka sawi ve mang miah lo a. Kum 2011 a Saiha a NLUP Launching programme kan hman lai khan NLUP dawng tawh zawng zawng rinawm taka Congress a awm vek tur, dawn zawk veleh Congress chhuah san loh tur tih kha kan sawi dan tawk a ni a. Vawiinah hian hemi chungchang thu a opposition group thenkhat chhuah tauh chhan te pawh kha policy leh a thil tum a that loh lampang vang a ni lem lo, mahse an dawn dan leh chan dan chungchangah thahnemngaihpuina vanga kha thil kha tih a ni.

SPEAKER : Ngawi lawk rawh u aw. Hei kan hun a tawp, kan chawl lawk ang nge kan chhunzawm dawn. Sawi turte hi kan la awm em, sawi tur kha kan tam a kan duham viau si chuan a nih leh minute hnih hun i la nei e, sawi chhunzawm rawh le.

Pu P.P. THAWLA : Pu Speaker, ka lawm e. Hei nikumah kan Kohhran lian ber Synod Social Front hian NLUP hi a lo zir ve nasa hle mai a, kum tawp lamah khan report a chhuah a, chumi a tlangkawmna phek 69-naah khan NLUP dawng tawhte chanchin a rawn tarlang a, nuai khat dawng tling tawh hi chu 100 a pakhat pawh an tling lo a ni tih hi a tarlang a ni. Ka bial ka fannaah pawh ka zawt kual zel a vawi thum dawng tawh instalment thum dawng tawh te pawh hi thlai ching te. serthlum ching te an ni. Tehkhin nan, tiak 250 a dawn khan 25,000 dawng ang a ni dawn a, tiak khat ₹100 hisap a nih avangin. Mahse a rawn thleng a, an han thlang a, tiak sawmnga emaw lek te an han thlan chhuah theih chuan 5000

chauh an dawng tihna a ni ta a, 20000 kha an dawng lo tihna a ni ta a ni. Pek loh khan a awm mai dawn si a, chuvang chuan mipuiin kan beisei ang hian dawn kim a va har awm em tih ka han tarlang duh a.

Tin, Phek 71-na point 10-naah pawh hian chiang takin a tarlang a. NLUP dawng tawh ho hi party mi leh sate chu 89.6% an ni tih hi a tarlang bawk a. Chungte chu NLUP policy kan kalpui dan a ni a, a dawngtute kan lawmpui a, tling takin mipui kan beiseipui ang hian a dawngtute kim takin dawng thei sela chuan a lawmawm hle ang tih kha kan thahnemngaih vena opposition ho tan chuan a ni. A policy hi a tha a, mipui tan pawh an hlim a, amaherawhchu, ka bialah chuan nikum May thlaa MADC intlan khan NLUP policy kha campaign nan nasa taka hman a nih thu kha nikum khan kan sawi rik tawh kha.

Tin, MDC intlan hmaa selection a lo tel tawh mahse MDC intlan hnuah chuan NLUP hmu tur atanga pah leh si te an awm a, khaw then thenah V.C. thuneihna atang phei kha chuan Sorkar hnathawk fapa te, Primary School teacher nupuite, NLUP hmu bawk, pa te nupui teacher NLUP hmu bawk, khatiang khanin Sorkar hnathawk hote hi an pe zawk a, hmu awm tak takte hmusi lovin complaint te a rawn thehlut a, mahse ti khan lo tuar ve mai mai teh u, kan ti ve mai thin a ni. Chutiang chu a nih avangin Votes of Thanks rawn move-tu Dr. Ngurdilingiana'n a rawn move hi a lawmawm hle rualin khang point ka rawn tarlante avang khan lawmthu han sawpui kha harsa ka ti a ni.

S P E A K E R : Awle, Pu Lalduhoma

Pu LALDUHOMA : Pu Speaker, a hmasain Pu Ngurdilingiana ka congratulate duh a. Tin, Governor Address discuss laia ka rilrua awm pakhat chu, intlan dawn kum ang theuh hian kan Sorkarte hian tan la se chuan a tha awm mang e aw ka ti a, ka rilruah a lo awm a. Hei i kaihruaina hnuiah hnam dang tihdan copy lovin mawi takin kan term kan hmang zo thei dawn emaw kan tih laini nimin lamah khan kan lawm kim thei lova, khatiang thil te a lo thleng kha kei pawh pawi ka ti khawp mai a, helaiah hian kan Sorkar lamte pawhin mawh an phurhna chin te pawh a awm vein ka hria a ni.

NLUP hi keini chuan kan thlawp a, tha kan tih thu pawh kan sawi a, a fund hi special package a ni emaw, kan plan fund atangin a ni emaw, mipuite ta tur Budget-a a awm ve hrim hrim hi, kan policy kan au thin kha a ni a, a tha a ni, kan ti a. Amaherawhchu, siam that ngai lai te, modify ngai kan hriat lai te, thahnemngaihna avangin ka'n sawi thin a, sawiselna thinlung hian kan sawi ngai lovin kan hria a. Vawiinah pawh hian kan sawi anga, a tha tawk lo lai kan hriatte pawh hi kan hotute pawhin thinlung inhawng takin min ngaithlak sak se ka duh viau va. Kan sawi mawi thiam hlawm bawk a, vawiinah serthlum tiak te an sem a, naktukah chuan T.V. ah te a lo rah thuah thuah mai thin a. Saw lam chhim lampang theihai ngah an kawm kha ka lo thlir ve a, a zawttu nula khan ka pu, "i hlawhtling si a, training an pe che em", a ti a, ani khan "Pe nang, anmahni hi ka huanah an lo kal a, an rawn training zawk thin niin ka hria", a ti a. Khangte kha kan han show kual thiam viau a, a tha a. Engpawh

nise, tunah hian thudik tak chu NLUP hi development programme nge party programme tih hriat hrang harsa khawpin hmun tam takah kalpui a ni tih hi chu phat tur niin ka hre lova. A thlangtu monitoring committee-ten uluk taka, khawchhung mipui chi hrang hrang, kan society aiawhtena dik taka an thlan chhuah ni ta selang chuan, he policy hi a ropuiin a zahawm awm mang e ka ti a ni. Mi an lo lawm a, an thinlunga hneh anih chuan lawmthu sawi dan chu an hai hauh lo ang, an vote thlenga lawmthu sawi duhte pawh an awm thei ang tih chu ka ring. Chutianga gentlemen taka he programme hi implement ni se tih hi ka lo it thin a. Hmun tam zawkah a bik takin ramril zawkah invau nan, mi retheite zalenna chhuhsak nan, ualau taka hman a ni hi a pawi hlein ka hria a, chu chu kan hotute pawh hian an hai lo ni turah kan ngai a. Ruatmawii hi a zai thiam em mai, a ti lui a ni ang tih ang deuhin, kan ti lui ve deuh bawk ami aw te ka ti a.

Dik chiah chuan ka bialhlui Vaitin khua hi kan sawi ang a, zawhna ka pe a, a hming pawh kan sawi ang a, Lawmsanga hmunphiah hmun nei zau ber, thar tam ber kha, a NLUP dawn ve tur engemaw pawla a inpek ve loh avangin cut sak a ni a. Tunah hian zawhna ka pe a ni, zawhna ka pek vang anih ka ring a, hmanni lawk khan an hrensak chu an lo pe leh ta a. Chungte pawh chu Sorkar Officer-ten ni lovin congress hruaituin a hrensak kha a pe ta a ni. Hetiang hi chu thleng lo se a tha ka ti a. Tin, Party fund atan cheng 500 theuh an cut sak bawk a ni an sem hmasak khan. Tin, ka bialah Phunchawngah khuan Local Council ho hi in hah ve si a, NREGS te kan nei ve lo a, sum kan nei lo em em mai a, chuvangin a beneficiary te hian cheng 50/- diat diat te chu thawh ve ulang mawle tiin inbe remin phal takin cheng 50/-cut an rem ti a. Monitoring Committee an rawn thlak a, tuna Chairman khuan NLUP an dawn hmain cheng 100/- theuh a laksak a ni. A hmsa nen chuan ₹150 a lo ni ta a, khatiangte kha thil tleng a nih avangin heng hi chu enfiah a siam that deuh hi a tha hlein ka hria a. Tin, trade inthlak sak hi a tam a, vawk vulh trade thlang ngei ngeite pawh thingpuidawr a lehlin sak kei ngei pawh hian engemaw zat ka hria a. Zuangtuiah pawh sawn engemaw zat an awm a, nuai khat dawng tura inngaite kha ₹50,000-ah te tlathla dawnin an inhria a, miin vawkvulh a chemkalna nia a inhriat laiin thingpuidawr tih luih tir tlat mai te kha, kan tum hi development nge a nih Politics a ram zauh tih hi zawhna a awm tlat a ni. Chuvang chuan hmun thenkhatah a that viau laiin thenkhat hi chu belh chian a dawl lo va, supervise that a tul hle a ni tih hi chu phat loh nise a thain ka hria a.

Tin, tun ang a kumli kum angah hi chuan a marketing leh a processing lam hi Governor address-ah hian rawn lang tawh tura ka lo beisei laiin helam pang hi a la lang lo cheuva. Tunah hian sawhthingte pawh a raw ringawt hi chuan marketing a buaithlak a, Process a nih a a powder anih hi chuan a marketing a tha em em a, gragate Maidan a Trade faire-ah khan Mizoram atangin a powder a zuk show kha an awm a, Kg-ah Rs 600 in an duh lutuk a, demand tam tak an pe a, mahse a tihrona khawl an nei ve tak tak lova, an neih chhun a te si a, an supply thei lo a ni. Chutianga market opportunity tha tak a inhawn lai chuan he NLUP fund ngei atangte hian a market atana dah te pawh a awm a, infrastructure atan te pawh a component hrangpa awm a ni a, engatinge chutiang khawl te chu man tam pawh a ni silova, kan hman mai loh? Tichuan a value added in, a

process sa hian han market ta ilang, mi tam tak hi an ding chhuak dawn a, chu chu a theih reng a ni. Aiengte pawh a raw ringawt hi chuan a market hi a harsa a ni, a powder form chuan Market a awm reng a ni, khawvelah hian a tha a ni. Chutianga kan mite hi chhanchhuah theih a nih lai hian helam hawi hian ke hi kan pen lo deuh niin ka hria a hei hi a pawi ka ti a. Tin Hatkora te pawh a then chuan an kit a ni a, kuminah chuan an hrалh thei miah lova, a market a awm lova. A sawrna hi nuai 5 man lek lek a ni a, engatinge kan lei mai loh, tichuan kan sawr anga, chhingchhipa a concentrated khawlah te pawh kan dah ve anga, chutiang chuan a market a tha em em si a, kan mite kum tam tak chhunga an hnathawh luang ral mek leh (Power a awm lo) Sipai ta inthlahrung deuha hman reng mai hi , anih loh pawhin helipad te chu hmun zau lutuk pawh a awh lo a. Keimahni ta ngei neih dan hi ngaihtuah vat vat ilangin. Tin waiting room hi a theih theihnaah siam vat vat ni sela. Passenger an khawngaihthlak lutuk a, police tan pawh chet a buaithlak lutuk a, checking han tih te , an check tawh leh check loh dah hranna tur fahran pawh a awm lo hi a pawiin ka hria, hei hi ngaihtuah nise tha ka ti a.

Tin Serlui B chungchang hi a rawn sawi chhuak a, Megawatt 12 a rawn ti a, a tak takah chuan hei hi a pha teuh lo a, a tam ber lai sawina mai a ni a. Khulai khu kan zuk kal ve tawh a, a tirah environment clearance te ngaihtuah a lo ni lo a. Vawiin thlenga commission theih loh a ni hi a pawi ka ti khawp mai a. Tin, thing ngaw chhah pui mai a chim a, a ding ro thut mai khu uiawm hlein ka hria a. Engatinge khung thing leh mau zawng zawng a chim tur tih hriat sa an lo harvest loh? Plan mumal awm lova project lian tih mai mai thin hi a pawi hlein ka hria a.

Tichuan Tourism lam hi ka en a Tourism Development Authority hian Serluiah khuan pawisa tam tak pek tawh a niin hman tawh niin a lang a . Kan han hawi vel a Tourism hnuhma pakhat mah hmu tur keichuan ka hmu lo. Kan Tourist Centre pawimawh tling tur a ni a , hengte pawh hi a pahnih a tankawp a ngaiin ka hria a.

Tin power-ah hian RGGVY hi Rural Electrification a kan innghahna a ni a , Sorkar hmasa hun atanga an lo tih kha a ni a, nuai 991 hi consultancy atan an seng a ni . Ka ui khawp mai, a engtehchiam nge he consultancy hian min tihsak, nuai 991 in lehkha a thil min ziahsak tur kan ruai ringawt, a taka an hnathawh kan en a, khawilaiahmah consultancy a awm leh lo a. VC te nen a laiah an kawk kual a, chung zawng chu a ni leh mai si a, kha kha anih avangin a pawi hlein ka hria a. Pu Speaker, Rulpuihlim-ah kan kal dawn a Rulpuihlim-ah ban chuti zat kan phun tawh a, chuti zat kan electrified tawh tih report kha an siam a ni. Kan kal tak tak dawn ta si a, hun a tlem si a, an la phun miah si lo a, an han phun tak tak mai chu, chawlhn a inkhawm tur awm mang lo khawpin hlawhfa an ruai a, tichuan a ban kha a la ro hman si lova, cable kha an dah duh tawh bawk si a, a awn tei tui mai a, chutiang chuan dawt hi an furnish duh a ni. Chuvangin kan electrified tawh khua an tihte pawh hi a hmunah kal ila a ni chiah lo. Electrified families an tihte pawh hi a number hi a diklo. Nakinah dawt a report kan thehluh chuan, Central-ah a la daih lo helai hi min pe leh rawh u ti ila hetizat in electrified tawh ti sela engtin nge kan chhan ang? Kan inhnawhping dawn tlat mai te hi a pawi hlein ka hria a. Tichuan a tirah an pe tawh a ni, chu chu Maferral component a ni a.

Ban pakhat pawh an phun hmain a vaiin an pe tla sa vek a ni. 11% te chauh hi pawisa lak tur an la nei a, an thawk tha duh lo a ni tunah hianin. Chuvangin, suggestion ka'n siam duh chu an agreement-ah khan Contractor pahnih tena an thawh tur tho a kha departmental hian a va thawh sak theih a ni. Chu chu kan department officer-te hian thawk zawk sela, a theih chin chin hi thawh sak sela a ziaawm deuhin ka ring. Anni thawk tha duh tawhlo, min ban se ti ngawih ngawih company pahnih thil ti tha duh lo hrawn reng hi a dik ka ti lo. 2010 March kha target date of completion a ni, vawi hnih hei hi tawl a ni tawh a. A nih ang ang hian ni vat sela 2nd phase-a kal san daih hi a chakawm tawhin ka hria a, chu chu ka tarlang duh a.

A tawpna berah chuan pakhat chiah tun thlenga Sports Policy kan la finalise thei lo hi engngeni a chhan aw ka ti. Draft stage-ah kan awm rei lutuk a. Policy neilo a kal te, manual nei lova kal te hi department thenkhat hian an thlahlel zawk tlat a. Chungte chu a chhan a ni thei angem tih thleng hian ka ngaiantuah tawh a ni. Chuvangchuan, hei hi final thuai thuai ni selang. Tin, Scout Training Centre Tanhril-a kan neih khu a chhehvel area an duh belh avangin mimalin an ram an pe a, department-in an rawn umzui leh tawh silova, an hel leh tan tawh a, an phallo leh dawn hnaiin ka hria a. Chuvangin, khung te khu chu min rawn tihpuitlin sak vat vat sela, miin an ram hlu tak min pek khu chuan Sorkar hian rawn umzui vat vatin a nih tur angin min rawn tihsak sela a tha hlein ka hria a. Chu chu ka sawi hman chin ni mai selangin, Pu Speaker, hun tha tak min pe a ka lawm e.

SPEAKER : Dr R. Lalthangliana, tichuan ani hi chu a sawi pangngaiah chuan a hnuhnung berah ngai ta ila.

Dr R. LALTHANGLIANA : Pu Speaker, ka lawm e. A hmasain Member zahawm tak thar kan neih Dr Ngurdingliana tihtakzetin lawmpuina ka'n sawi hmasa duh a. Chumi rual chuan term laklawh deuh maiah vanduaina thilin khilaiah Bye-election a awm a. Hun kan ngah lo tlang viau tawh naa, a hun hman chhoh zel turah duhsakna ka'n hlan chho hmasa a ni.

Kan Governor Speech hi nidang zawng aiin a sei vak lova. Sl.No. 8-ah khanin Mid-day meal implemented successfully without interruption since its inception tih hi statement fel tawklo niin ka hria Pu Speaker. Ka sawi lo mai ang a, a kar lakah a thla tel tak tak Supreme Court-in order fel tak, khauh tak a kalpui mek laia pek loh chang kan ngah viauin ka hria a. Hetiang hi speech-ah hian tun hnuah chuan awm tawh sela kan duh a ni.

Tin, Sl.No 3-naah hian maintaining peace and tranquility, securing the safety of the citizens and affecting progress and development in all fields have always been among top priorities of my Government tih kha kan Governor-in a sawi a. Hemi chungchangah hian kan ram kan vannei a, chutih mek lai chuan harsatna kan tawk mek a, tuna House a kan that mek lai pawh hian tukina kan ngaihthlak tawh ang khan Kidnap mi

eng emaw zat vawiina hren an la awm te hi a rei lua deuh tawhin ka hria a, chak lehzual zawka sorkarin hma kan lak a pawimawh hlein ka hria a ni.

RKVKY chungchangah hian hei ka bial hi a khawih buai khawp mai a Pu Speaker, kan House Leader pawhin min lo hriat sak se ka duh a. Nikum khan RKVKY lam pang a company a tawi zawngin ti mai ila hnathawktute pawh ka phone thin a, phone tlang an har khawp mai. Helaiah hian thil buaithlak deuh mai chu Mizoramah Power & Electricity Department te kan nei a, anni nen hian an in coordinate tha lo hle niin ka hria a. Hetiang ang chuan sum tam tak ral si, awmze nei lovin vawiinah hian hna kan thawk dawnin ka hre tlat mai a, ka rilru a na khawp mai a. Kan bial Buarpu bawr velah transformer a chhia a, a thla tel takzet, tiang chuan harsatna nikum chhung khan kan tawk a, a hahthlak khawp mai a. Chuvang chuan hei hi a rang thei ang bera hemi company hotute leh a Mizoram chhunga kan department te hi in coordinate tlan dan hi awm thei sela. Kan House Leader zahawm tak portfolio lam a ni bawk a, hei hi a rang lama min commit theih chuan thil lawmawm tak anih ka ring a ni.

A dang leha ka'n sawiduh chu Pu Speaker, hei ithlan a hnai ta a kawng te pawh tlem chuan sulhnu thar kan han hmu a, a lawmawm a. Amaherawhchu hmannah University kan zuk kal a, ka bul ami Group Leader Pu Duha bial lam a ni a, a khu hle mai a, par a chhuang lo chauh mai a. nakin thla hniih khat emaw lek hnuah fur a ni ang a, a buaithlak tur zia te kha kan ngaihtuah a. Thil hi kan tih dawn chuan chet hma hi a tha a. Inthlan hma fe deuhah hi chuan tiangah hi chuan hmalak theih chu ni se a van tha e ka ti a. Chutih mek lai chuan hei Ramhlunah ka va kal a, Ramhlun South leh Ramhlun Venglai inkar one-way in min kal tir sawlai in tawk sir te pawh saw thil ho te mah ni sela. Chutiang bawk chuan helai Dawrpui pheiah sawn culvert nge engnge ni an siam ka hre lo va, zanah te pawh thawh mai kha a thain ka ring deuh a, a buaithlak khawp mai a, hetia kan ti chuk chuk lutuk hi. Tin, hengte chu 24 hours a nih chiah loh pawhin mipui kal loh lai deuh hlek te pawha tih dan awm thei se tih kha kan han phunnawi ve deuh a ni, hei hi a pawimawh ka ti a. Tin, kan Governor Speech kan en kan en hian, kan thalaite huapzo deuh hleka thil ziak hi ka hmu mang lo tlat mai a, hei hi a fello deuh mange aw ka ti a. Thalaite hi kan future, kan asset te an ni tih hi kan hriat thar leh a pawimawhin ka hria a. Amaherawhchu, an tan hian kawng hi a inhwang lo viau maia, infiamna lamah kawng lehlamah hma kan sawn zia te, kan han sawi mek lai khan ka ngaihpawimawh em em chu, asset an tlinna tak tak tur atana vawiinah hian kan buatsaih leh a tha. Mizoram thalaite dinhmun kan hre veka, mi lehkhatiam tam tak an chhuak, thiamna bik nei pawh kan ngah, amaherawhchu, an future hi vawiinah hian kan ngaihtuah a pawimawhin ka hria a. Kan Governor's speech a sawrkar hmasa hun laia, kan Youth Commission kalpui tum dan ang, a engamaha alang ta lo hrim hrim mai te pawh hi heng hi chu kan ui deuh hleka, tun kan term bikah hian kan Governor zahawmtakin a Speech hnuhnung berte pawh a ni dawn te pawhin alang a, hetianga an lang lo te pawh hi hrehawm kan ti deuh hlek a ni.

Tin, hei kan inkalpawhna chungchangah hian ka sawi leh duh chu, kan bial hi a buaithlak khawp maia, kan Parliamentary Secretary zahawmtak hmanni kha chu ka phone ringawt mai a. Hmanniah ka va kala, Lunglei leh Buarpu inkar kawng kilometer 70 bawr vel

sawrkar hmasa hun laia 2003 a PMGSY a, kilometer 20 bawr vel awlsam taka an han blacktop mai si, a bak chhunzawma mumal taka kan la zo thei lo te saw chu, hei kum 10 leh tih zet a ni tawh a, a fello ka ti deuh khawp mai a. Tin, hei kan Chief Minister zahawmtak bial, thenzawl atanga hetah Buarpui lo lut thla kawng, Asian Development Bank atanga tih tur nge ni vawiin thleng kan la tan hleitheilo te leh tin, hetah Aibawk atanga shortcut a kaltheiha Buarpui lampang lut thla a, Sabual te leh Darlung te paltlanga kawng hnai em em mai, chhe lutuk ang chi te pawh hi heng kan Governor Speech-ah hianin han lang ve sela tih chu ka duh khawp mai a. A nepnawi kan ti deuh a nih pawhin khatiang kawngpui tlangdung eng emaw, anglo lutuk a han awma kha vawiinah hianin a bialtute kan nihnaah chuan hrehawm ka ti deuh a ni.

Tin, hei helicopter service sawrkarin a tih hi a lawmawm a, tha ka ti a, chumi rual chuan a helicopter service ringawt mai piah lamah a bik takin keini chhim lampang MLA ho phei hi chuanin kan duh vek maiin ka hria a, Ruling leh Opposition in. Airport kan sawirik kan sawirik thin, helai House-ah pawh Resolution Ruling MLA te meuh pawhin an putluh kan han Pass tak, vawiina kan Governor Speech a lang ta miah lo te pawh hi, enge ni aw? Ka ti deuh a. Saw lampang saw, chhim lampang saw a pawimawh kan ti thina, Modal Transport hmangin International Border trade te pawh nei turin kan inbuatsaih mek chhoh laia, helampang, Air transport lampanga hmalakna awmlo hi a fello ka ti deuh a ni. Tin, chumi rual chuan hei chanchinbuah khan ka chhiar a, khumi kan Lengpui airport khu, hemi airport Authority of India-ah hian pek tumna a awm deuh dawn niin ka hria a, tuna kan hnathawk ho khu, kan GAD staff te ni berin ka hria a, tah khan han hlan dawn ni ta ang ila, engtin nge ni an dinhmun zel turah hian an thlaphang viau mai a, ngaiantuahna heng kawngah hian sawrkarin kan sen a pawimawh dawnin ka hria a, ka'n tarlang lawk a ni.

Nimina helai House kan han chhuahsan kha Pu Speaker, eng emaw zawng khan kan ngai viau ang tih ka ringa, amaherawhchu, kan thahnemngaihna vang a ni tih ka sawi duh a, he House hi apawng a taka ngaipawimawhloa chhuak ta mai kan ni lo. Hei NLUP hi kan hria a, kum 2008 MLA inthlang dawn khan ding lama mite hianin kan hre vek a, manifesto-ah, cheng nuai khat kuthnathawk chhungkaw tin tana pek an intiam thu ziak meuhvin kan hmu a. Tin, chu pawisa chu Prime Minister special package atangin Mizoram Annual Plan Budget pawisa khawih buai si lova pek theih tur angin nasa taka vawrh darh kha a ni a. Tah chuan 2009-ah, 2008 kum tawpah Sorkar thar a lo ding a, keini ho. Tahchuan 2009 a liam a, NLUP hmanga hmalakna kan la nei thei lova, kan la zir chiang mek tih emaw kan la inpeih chhuak lo ti khan kum khat kan han then a. 2010 an ral leh a, khami kum pawh khan a nihna takah chuan 2010-2011 budget-ah chuan tlema zawng chu dah a ni na a, hman mumal kha a ni tlat lo a ni. Tah chuan 2011, nikum hmasa maiah a pek deuha chu han tan a ni chho a, chutih mek laia mak ka tih em em thin a chu kawng lehlamah chuan kan nih dan ang hi a nihna dik tak hian lang fo sela ka duh thin a. Kuhva kung, TV-ah, LPS leh ZONET-ah te leh Doordarshan-ah te, red oil palm te, a hlawhtlinna hmuhna tur atan chuan kum 7/kum 6 vel bawr ngai ngei ngei mai a kha, tunlai NLUP project kalpui mek atana a success a hlawhtlinna a kan han tilang ang chi te kha chu miin an awih vak lo a ni. Chuvang chuan heng lai hi a tak tak ramah hian evaluation leh monitoring kan tihnaah hian thudik tak hi kan tarlan a tha.

Tukinah kan ngaithla a, zawhna hunah, Bawng te kha chu an rawn kai thleng a, chaw an pe a, an sawr mai a, chuti zat a chhuak tih kha a ni thei mai a. Mahse, khatiang thlai tlema long term ti mai ila, kum 6/kum 7/kum 8 bawr vela hlawhtling tur ang chi 2011 bawr vela NLUP sem avanga a hlawhtlinna han hmuh theih mai tur anga mipui a kan han tarlang emaw tih tur ang a kha chu Pu Speaker, a fello deuhvin ka hria a, chulai chu ka tarlang duh a. Chumi rual chuan, Prime Minister special package atanga pek ni ta lova, hei he House-ah rorelin kan awm tlang a, kan hre lo thei lova, Mizoram Annual Plan Budget chhunga khung ni ta si a, a pek dan chungchangah Party mi leh sa induhsakna hi chu han awm ve turah pawh kei chu ka ngai tho mai a. A thawk hah te pawh an lo ni ve a, engemaw chen chu ka hrethiam lutuk. Keini pawh a hmingin Minister-te kan lo ni a, engemaw chen chu heng hi chu a awm. Contract hna leh Sorkar hnalahkah te pawh engemaw chen chu mahni party mi leh sa induhsakna hi chu hriathiamna thui tak ka nei a ni. Amaherawchu, niminah kan rilru tinatu chu Pu Speaker, a han kal chho mek, tun hnai angah ngat phei chuan ka bialah pawh hei ka lo haw chauh a Thawhtan zanah ka chiang em em a ni. Register buah Party fee pek loh chuan pek loh a ni ringawt mai a, khatiang ang em em lutuka kan han kalpui kha chu Pu Speaker, the Government of the party a ni lova, kan sorkar hi the government of the people, mipui zawng zawng, mi zawng zawng huam democracy-ah chuan a ni tur a ni. Chuvang chuan induhsakna eng emaw chen chu a lo awm a nih pawhin ka hrethiam a, hei Mizoram Synod Social Front-in NLUP zir chianna an neih phek 61- naah hian, tiang hian political party a inziak lut NLUP dawngtute chu table no.10-ah hian a rawn tarlang a. Indian National Congress hi 88.7 percent, MNF hi pakhat chiah an lut a ni. Tah hian 0.3 percent, MPC 0.7 percent ziak, in ziak lut lo hi 10.3 percent a ti a ni. (SPEAKER:.....Congress member MLA 32 pechhuak thei tawh, PC emaw MLA 2 pechhuak thei tawh te atanga Zoram puma a member tam hleih dan atanga chhut lo a, Zoram population atanga an chhut puk puk chuan a fuh lo ve mai thei a ni.) Pu Speaker, hetianga ziaka a bu meuha han sem takah chuan reference-ah khan kan han neilo thei lo a, phek 71-na no.10 ah te hian NLUP dawng tawhte zingah hian Political Party a inziak lut hi a ti ta a. A zat hi 89.6 percent a ti ta a. Tahchuan helaiah hian a party wise khan a rawn ti bawk si a. Pu Speaker, hemi zir chiannaah hian a finding hi a dik a nih bawk si chuanin a sawi loh theih loh a ni. Chuvang chuan niminah pawh kan han chhuahna chhan chu Pu Speaker(Speaker..BJP phei chu an lang miah lo) ni e, lang miah lo Pu Speaker. Chuvang chuan a party ang zawng hian kalpui lo ila, NLUP hi a thalo a ni ti hian he House-ah hian vawikhatmah ka la sawi lovin ka ring a. Tin, pawnlamah pawh hian NLUP against zawng hian, a thalo zawng ti hian ka sawi ka la hre lova. Amaherawchu, a kalpui dan laiah hi chuan kan thahnemngaihna hi chu a awm lo thei lo a ni. He House-ah hian rorel tura vawiinah engmah chu ni vak lo mah ila kan din ve tek tek chhunga, a tha zawnga kan kal theihna tur atana kan duh avang hian Pu Speaker, niminah pawh khan khang kha kan han entir a ni a.

Chuvang chuan Annual Plant Budget kan tangka zawng zawng , Mizoram tangka sorkar hnathawk hlawhte, Mizorama sorkar department 50 dawn lai, a pawisa han neih khami.....khata kan han dah, khata tanga chhuak, mipui tangka lo ni bawk si a kha, kan chalai dan hi chu fimkhur avan tul em, heng avang hian Mizorama sorkar department 50 dawnah hian 40 bawr vel phei chuanin kum hnii khat

chhung hian an department budget neih a kum hmasalam ami kha an la phak lova, harsatna tam tak kan tawk tih kan hria a. Sorkar hnathawk a hun taka hlawh la thei lo kan tam zia te pawh kan hria a. Khang vang khan Pu Speaker, he tangka hi a hlu a. Lunglei ka va kal a ka thusawi pawh kha member zahawmtak khan a rawn sawi chhuak a, engemaw chen kha chu a dikna lai a awm. Ka sawi awmzia chu kumin kum tawpah kan inthlang ang a, sawrkar hi lo inthlak ta ang sela, keini hi lo sawrkar ta ang ila. Kha Annual Plan pawisa, Budget pawisa NLUP tangka hi loh theih lohin kha sawrkar inthlak khan a hmang dawn a ni, a paih ngawt dawn lo. Chuvang chuan chhunzawm kha a ngai dawn hrim hrim 2008 a sawrkar a tlak pawh khan sawrkar hmasain tangka a lo neih a kha tuna i dinglam amite hian tikhan an hmang ve mai. Chu chu ka sawi a ni a, kan party chuan kan policy chu a ni lo, kan hria a Pu Speaker, hei Mizoramah hian political party a lo awm tawhte kan ni a. P.C pawh tunhmain an lo sawrkar tawh thin a. Khang an sawrkar lai khan ka hriatsual loh chuan Garden Colony-te an ti a. Land base a ram leilung atanga intodelhna tur thil tha tak an lo ti chhuak ve a. Tin, MNF sawrkar hmasaah te pawh khan jhum control te pawh kan han ti a, a nihna takah chuan ka han en ka han en a, MLA te pawh a lekhhabu min han pe a guideline a kalphung dan a hi. Tuna kan NLUP kalpui dante leh a kalhmang hrim hrim hi engmaw chen chu a inang tlangpui a ni. Chuvang chuan Pu Speaker, NLUP kha kan sawisel ngawt leh do lo sela kan tihna lampang reng reng a ni lo. Amaherawhchu, heng mipui tangka hi a nihna tur dik taka uluk taka hman hi a van pawimawh em tiin kan thahnemngaihna avangin niminah te pawh Pu Speaker, khatiang khan kan Governor thusawi lai khanin kan tibuai lam ni lovin kan duh hi tihlan a ngai a, kan duh loh hi tihlan a ngai a ni tiin kan han chhuak zawk kha a ni. Pu Speaker, he House-ah hian i thatna Opposition lampang pawhin kan hmu thin. Hei vawiinah te pawh minute 5 kan han tihlai khan thenkhatte phei chu minute 10 lai kha i pe niin ka hria a. Hei Session kan tan chho a ni a, ni engemaw zat kan la thu dawn a ni a, hengah hian i kaihruaina hnuaiyah tun Budget Session hi a tawp te pawh a ni dawn a, hlim taka thahnem kan ngaihna a kan chhakchhuah turte pawh thil chi hrang hrangte pawh a la awm ang. Chair atanga dawnsawn dan min lo thiam kha ka duh a ni. Ka lawm e.

SPEAKER : A lawmawm e, tunah chuan House Leader kan sawihona rawn wind up turin i lo sawm ang.

Pu LAL THANHAWLA, CHIEF MINISTER : Pu Speaker, ka lawm khawp mai, a hmasaberin tlinglo ber mahni ila a hminga Leader ka nihnaah Member than Dr. Ngurdingliana he house zahawmtakah hian ka welcome a, ka lawmpui bawk a ni. Tin, he house zahawmtakah hian hneh taka lo vote tlingtu Chalfilh bial mipuite hnenah pawh lawmthu ka sawi e.

Kan Member a tute pawh kan Governor Speech an rawn react dan a lawmawm ka ti a, an rilru a puitling ka ti a, ka lawm a, an rilru puitlin angin chhanglet thiam ila ka duh hle a, mahse ka thiam dawn miah lova min lo hriathiam ka duh a ni. Kan sawi tam ber chu NLUP a ni a, Zoram pumin buaipui tham kan

hotuten flagship programme an rawn duang chhuak hi a lawmawm takzet a. Tuna kan hotuten an rawn sawi ang khan Vanram-ah Pathian hmaa pharh tlak leh fel faia tih hi kan duh em em a ni. Mahse, khawvelah kan la awm a chutiang chu a ni thei lova. Tin, an rawn sawi tam tak kha mit tivartu leh beng tivartu a ni a nga. Amaherawhchu, thenkhatte kha chu tunhma te khan rawn sawisela chu ziakin emaw hei kan Nodal Minister Pu Liansailova te, kan Implementing Board Vice Chairman Pu Selthuama te leh kei a hminga Apex Board Chairman ka nihnaah te action lak zung zung chi a ni a. Entirnan, a diklo an sawi zawng zawngte kha kan duh bik miah lo, kan hriat loh pawh tam tak a awm a ni. Member zahawmtak Pu Liansailova bialah sawmi Ramhlun-ah sawn Congress worker pakhatin a tirtea a lo dik tawk lova. Kan hriatchhuah veleh a sum lo lak tawhte kan thin let bakah, amah kha Congress atangin kan hnawtchhuak hmak a ni. Chutiang chu a dik lo kha kan duh loh zia entirna a ni a. Amaherawhchu, a dik fel vek chin hi a awm lo thei lova, chu chu a harsatna lai a ni. Engpawh chu ni selangan, Congress worker ni-a ngaihnen an dawng tam bik a ni awm e tih kha chu a dik khawp mai. Bible nen pawh a inhme a. Huan neitu thawk rim chuan a rah pawh ei hmasa rawh se tih a ni a. Huan neitu thawk rim ho khan a rah kha an ei hmasa a ni maiah min ngaih sak sela, a tha ang. Tin, kan hun leh sumin a daih dawn bawk a. Pu Speaker, an mi leh sa-a an sawite pawh kha kan khuh vek dawn. Kan sumin a daih, kan duhsak tho. Amaherawhchu, pa kan vai kal a, chithlum kan hawn a, naupang an lo awm fir fer a, thenawm fa ai chuan kan chithlum hawn pawh kan fate kan pe hmasa ziah. Chu chu mihring kalphung a ni. Kohhran rawngbawltute pawh an ni vek tho. Chuvangin, khalai kha indemna viau turah ka ngai lova. Amaherawhchu, chu ti chungin a rual thei ang berin kan duh a ni. Hun eng emaw chen a hmingin Bial ka nei ve a. NLUP a hmasa emaw, tun a hnuhnung emawah pakhat mah lo dah ru ka tih an awm lova, tu te nge an thlan tih pawh ka hre miah lo, ka en pui reng reng lo, ka hriatpui lo, dik lo tam tak a awm ang, chutiang chu a ni a. Chuvangin, a thawktu-te chungah kan innghah loh chuan, kan rin tawk loh chuan, kan rinhlelh chuan an tan confidence a neih theih dawn lova, an rinawm dawn si lova. Amaherawhchu, an rinawm loh kar a lo awm a nih chuan, kha laiah khan a mawh chu kan phur teh meuh mai a. Amaherawhchu, kan hriatpui vek lo a ni tih sawi loh theih loh ni-ah ka ngai a ni. Chutiang chu a kalpui ve hrim hrim leh a nihphung ve hrim hrim hi a ni tlat mai a. Chuvangin, khalai chinah chuan khang kha min hriathampui turin ka'n sawi hmasa duh a. Tin, kan Sorkar veleh Nuai khatin kan sem ang, in ti a, an ti a. A dik a. Ka tawng an huatthu suhah tlema thahnemngai zualten a hnuai lampangah an lo sawi chuan thu dang a ni. Responsible, mawhphur china inhria chuan NLUP hmasa kha an zirtira bawl deuh a, an hlawkpui lova, a tha ziktluak lova. Chuvang chuan, changtlung zawkin kan siam ang a. Tin, thil mante a lo to tawh a. Hun hmasaa singthum kan tih kha a lo berah Nuaikhat kan ti a ni. Chu chu kan Party mi leh sa niloten Sorkar tuka sem tura min lo beisei kha a lawmawm ka ti takzet a. Kha ti em em khan kan mi leh sa nilote pawhin min lo ring a ni tih han hriat hi a thlamuan tlak ve hrim hrumin ka hria. Chu chu lawmthu ka'n sawi lo thei lo a ni.

Chutiang chuan kan han kal ta a. Pu Speaker, kan thutiam a kan din theihna turin a first year-ah pawh ₹100 crore kan dah a ni. Amaherawhchu, helaiah kan mithiamten changtlung zawka kan duan dan tur kha an han siam a. Chu chu Delhi-ah an han ken tlak khan lo siamthatpui tur kha tam tak a awm a ni. Tin, kan thiam ang tawk tawka kan han hrilhfiah khan India ramah pawh mithiam chungchuang ho khan he NLUP Programme hi a

big afforestation programme a ni tih kha an hre nghal a, tin khawvelin a buaipui ber Global warming leh environment tlachhe zel siam that nan pawh a tha a ni tih an hre nghal a. Tin, ‘Sustainable Agriculture & allied service economy’ a ni tih an hre nghal a, tin, tunlaia khawvel pumpuiin kan mamawh President hmasa Abdul Khalam pawhin a ngaihpawimawh em em ‘Sustainable Water Resource Management’ atan a tha a ni tih an hre bawk a ni. Tin, thil dang tam takah a thatna an hria a, chuvang chuan min ulukpui ta a ni. Tin ringtu kan ni a rawngbawltute kan inti ve a, mahse Pathian remruatna hi hriat phak a lo har khawp mai a, kum hnih Central Sawkarin min han khal sak te kha kan tan a thatna tur hlir a lo ni zawk a ni, kan thatna turin engkimin a thawk thin tih kha a rawn thlen dikna tur a ni. A chhan chu kum hnih chhung khan awareness campaign kan bei thei a, a hmasa a kan tih hman loh leh a nachang kan hriat loh, tin, vanneih thlak takin min tanpuitu min pe zel a, All Mizoram farmers Union te, Hnam chhantu pawl te chung ho chuan District tinah conference te koin NLUP kan tih hi hmeithaite, pachhia te, huan nei mite, chhumchhia te nen lam Lal Isuan heng ka unau mite ber pakhat chunga in tih hi ka chunga ti in ni e, a tih ang a lo thlenna tur kha leirem kan rah a, khaw eng kan hmuhna tur a ni tih kha an hre chiang ve a. He NLUP kan tih hian sawrkar hnathawkte, sumdawngte lam a hawi lo, Lal Isuan heng ka unau mi te ber a tih te lam kha a ni, a hawi ni. Chutiang a nih avangin anni khan an lo ta neih a tikhan hun tha tak awreness campaign kan neih theih phah. Tin, hun hmasa a tih nachang kan hriat loh Line department leh officer-te a taka Grass root level a kalpuituturte kha training kan hotuten an pe hman a, an zir ho hman a ni, Kan han sem lawk thei lo te kha Pathian remruat a bik takin a dawngtute tana thatna tur a lo ni tih tun thleng hian a lang chhuak chho zel, chuvangin kan tum anga kan awm theilo te kha Pathian hnenah lawmthu ka sawi a ni.

Dik taka a kal theihna turin Apex Board kan hotuten an dina Chief Minister kaihhruaina hnuaiah, chutah chuan Tlawmgai pawlte chu sawi loh Mizorama kan kohhran hrang hrang hotute phur taka min rawn telpuite hi kan vanneihna a ni lehzel a. Tin, sum kan zuk dila Mizoramah hian chhungkaw nuai hnih vel kan awm turah kan ngai a, chutah chuan sawrkar hnathawkte, sumdawng hausate leh NLUP mamawh ve lo tur kha chhungkaw nuai engemawzat an awm ve ang, kan ti. Chuvangin, kan ngam chinah chuan kum nga chhung atan chhungkaw nuai khat leh sing hnih hi target phawt teh ang kan ti a ni. Chumi kum nga chhung atan a kan khuhna tur atan chuan cheng nuai khat zel anga hisapin cheng vaibelchhe sangkhat leh zanga kan dil a mahse an mahni zawk khan cluster farming-te in nei ang a, motor te in mamawh ang a, thildang dang a campaign nan te heng hi in rawn telh lo a ni min tih sak a, cheng vaibelchhe sang thum min ruahman sak ta a, chumi zinga zathum erawh chu kan contribute ve tur a ni a, sangnih leh zasarih lai min tum sak dawn ta zawk a ni, chutiang chu a ni a. Chuvangin he NLUP kan tih hi kan zain a dik lohna laite inhrilh tawn zelin tidik tura tang hovin Pathian nungin kan mipuite lei rem an rah a, khaw eng an hmuhna tur atana ringlo mite kaltlang a malsawmna a pekna tur a ni tih hi kan pawm dan nise kan hlawhtlinpui theih ka ring.

Tin, kan infuihna ber chu a dawngtute hnenah pawh rinawmna, dikna, taimakna leh Pathian tihna nung nen dawng rawh u, chu chu kalpui rawh u kan inti a ni. Tin, tuntumah hian kan hlawhchham chuan thil hlauhawm ve thei chu mizo

chauh leh Mizoram sorkar chauh kan mualpho lovanga, Lal Isua hmel te pawh hi kan tihmelhem phak ang tih a hlauhawm mang e, min petu, min enchhin tute hi ringlo mite an ni a. Tin, India rama Kristian State tia sawi theih state awmchhun Mizoramah an han enchhin ngat a ni a, chuvangin, tihtakzeta kan tantlan a ngai a ni, tih hi kan duhdan a ni. Chuvangin, tute mah mihring sawiselbo, fel famkim kan awm lova, sorkar hnathawkte leh a field level a lo thlangtute pawh kha an dik famkim lo thei a ni, chung chu pawi kan ti takzeta.

Tin, tute mah thliar bik lovin hun hmasaah khan a mamawhtute apiang kan han pe ngawt mai kha tawn hriat kan nei a, party dang tam takte kha chuan hei hi in hlawhtlinpui a dik taka in hman chuan congress in chawimawi ang a kan sorkar thei nang tih te kha an infuih dan a ni tih te kha kan hre leh zel a. Chuvangin, a success percentage pawh kha a sang theilo a ni. Chuvangin, tun tumah hi chuan fimkhur deuhin party dang mi pawh a hlawhtlinpui tur leh kuthnathawk mi taima an nih chuan kan pe tho tur a ni, kan ti a. Tin, party dang hotute pawhin NLUP avangin an tling a min ti a, tichuan, NLUP kan sem theihna tur atana min vote tlingtute kha vawiinah hian duhsak hmasak an ni hi Bible nen a inhme hle ang tih ka ring, chutiang chu a ni a, thik turah kei ka ngai hrarpa lova, a tha ber em tih erawh chu ka hre bik chuang lemlo. Chutiang chu thil kalphung leh awmdan a ni a, chuvangin tun hnu zelah pawh tun aia tha zawka kan kalpui theih kan duh a.

Tin, ZNP Group Leader zahawm tak khan party pahnihin chutiang khatiang, an ti tih kha a pawi khawp mai. University of Minnesota-a researcher lokal pathum zinga pakhat kha FAO-United Nations hnuia Food & Agricultural Organisation hnuia Executive pawimawh tak a ni awm e, an lokal remchanah chuan Delhi atanga an lokal dawnin university-te nena inkawmna leh engemawte working partner nih dante a awm theih kan duh a, inhmuhnna remchang a awm thei angem, an tih avangin an inhmuhnna tur remchang hotuten an siam sak a ni. An han ti ti hoah khan agreement-te pawh an siam a ni awm e, chutiang chu a ni a. Mizoramah karhnih kar thum an cham a, Zoram dung leh vang an fang a, an hmuhchhuah chu kan farmers te, kan workers-te an phur zia te an hmu a, amaherawhchu, kalphung leh tihdan tlangpui hi chu a modern love, tiin scientific deuh a tihpui dan turte an tihpui a ni. Tin, an lo kalna chhan kha NLUP bu hi an University-a Mizo pakhat zuk kalin a ken an lo chhiar atanga lo ngaihven ta an ni. Mahse, tu party emaw an han kawm khanin a politics riau dawn a an hriat avangin hemi atana lo kal an nih kha chu sawi ngam chi-ah an ngai lo a ni, Pu Speaker, thudik sawi mai a tha. A chhan chu hmui dawthei pu mite hi Bible-in a haw em a, chuvangin, thudik sawi mai kha a tha, chutiang chu a ni. Member zahawm tak Pu Lalduhoma pawh kha lo buai lo selangin, chu chu thudik a ni ringawt mai a ni, a bak han sawi belh tur pawh a awm lo. Chu chu a dikzia entirnan zel chuan Agriculture Today Magazine group in seminar- India International Centre-ah an buatsaiha, chutah chuan hei Pu Liansailova hovin kan kal ve a official thenkhatte nen. Chutah chuan thusawina hunte min pe a, tin, powerpoint presentation hunte kan hmang a. Agriculture Scientist-te khatiang ho zawng zawng kha an lo kal a, M.S. Swaminathan-a hote pawh an awm a ni. Chutah chuan Food &

Agriculture Organisation-a Rome Headquarters atanga rawn kal a awm ve a, representative-a sang lampang chin a ni maihei, chu pawh chuan a ngaithla a. Thusawi hmasak ber a chuh nghe a, chuta a thusawi pawh chu kan tan chuan lawmawm tak a ni nghe nghe a ni. Chumi kal zelah chuan hmanni lawk khan Rome-ah FAO chuan meeting a kova, chutah chuan kan sorkar aiawh te pawh kal ve turin min sawm a, an kal nghe nghe a, mi pawimawh ber ber an hmu a, an rawn lawm haw hle a ni. Engtinne assistance min pek ang, tih kha chu keini mi mawl chuan kan hre ve phak tawh lova, ammahni zawkin a tul angin min la rawn ngaihtuahpui turah kan ngai a, mahse chuti chungin vawiinah hian sum lamah chuan tanpui pawh kan ngai tehchiam hran lova, a chhan chu India sorkarin min enkawl tha a.

Tin, Prime Minister Special Package ami anih leh nih lova kan buai hi a vanduai thlak ka ti a. Sorkar hnathawk zingah NLUP avangin hlawh kan la thei lo, NLUP avangin hlawh kan la thei lo, kan programme a buai zo vek ti kan awm a nih chuan chung chu sorkar hnathawk mahni sorkar a mi rinawmlote an ni, identify ka chak khawp mai, mahni sorkara mi rinawm lote an ni. A chhan chu he NLUP fund hi Plan chhungah dah mahse special package a ni, Plan sawinaah hian vawi tam tak ka kal ve tawh a, kan ram leh mipuite aiawhin Plan awmdante chu tlemte ka hre ve a, mite ka tluklo chung pawhin tunah hian plan kan sawi a, Planning Commission min pek reng rengah hian Cabinet Committee on Economic Affairs-in a bik taka an passed a, an remtih a, an allot hi a tel ngai reng renglo, tunhma zawngin chutiang chu a ni a. Chuvangin, Cabinet Committee on Economic Affairs-in a hranpa liau liaua an pek plan chhunga incorporate ve mai a ni, a dang naia sen khat pawh hi hman thiang a nilo hrim hrim tih hi Mizoram mipuite he House kaltlang hian ka hrilh duh a ni, hre duh lo lui tlat an awm chuan thlalera dar rul khaikan pawh en duhlo, kaih dak pawh a kun tlat an awm chuan tihngaihna a awmlo, chutiang chu zuk kep zuk kep pawh ka tum hranpa lo, chutiang chu a ni tih hi kan hriat fuh a tha a. Tin, hlawh la theilo an awm a nih chuan an department mawh a ni deuh zel, kan Finance Minister zahawmtakin hnathawktu chuan hlawh a hmu tur a ni, chuvangin in hlawh tur zat ang hi kum tir a, plan sectoral allocation-te kan siam dawn hian incorporate vek kan duh, chuvangin, a daih zanin rawn siam rawh u, a ti ziah a ni. Chuti chunga la rawn ti kimlo lui talh an awm chuan an Department mawh a ni, tih chiang takin he House zahawmtak hi ka hriattir duh, chutiang zawk chu kan sorkarah chuan kan kal phung a ni, tute mah kan mawh lo. Amaherawhchu, tute mah inmawh a nih lohna turin fel fai takin chutiang chuan kan hotuten min kalpui a ni tih kha kan NLUP chungchangah kan sawi duh a.

Tin, tunah hian chhungkua 1,35,000 kan khuh dawn a ni a, chuvangin tute mah hi an bang ka ringlo, chu chu kan hriat a tha. Vawiinah hian NLUP in a tum ber pakhat chu retheih lutuk avangin mahni khaw bu zawlah pawh awm hlei theilo khawpuia pem lut milian zarte, sorkar zarte zo tur a awm deuh mahna, ti tam tak an awm a, mahse, chungte chu mi inhnuiah, hnuai leh chhawng mahni ram inches khat pawh neilo, NLUP pawh khuh hlei thei lo tam tak an awm a ni, a buaithlak khawp. Chuvangin NLUP hi hlawhtlingtaka Zoram dung leh vanga hman a lo nih chuan mahni khaw bu zawlah theuh ei leh bar sum leh paiah intodelhin khawpui liana mi hausate leh sorkar hnathawk miliante awt lova, mahni khaw bu zawlah theuh lei rem rap a, khaweng hmu a, lungawitak a an awm hi kan duh a, chutiang chu

kan sorkar hotuten an tum ber a ni. Vawiin hian urbanization-ah hian kan sang khawp a, kan pung zel niin a lang a, chumi kan tihtawp nan pawh chuan NLUP hi hmanrua tha ber pakhatah kan hotuten an ngai, chu chu ni mai selangin NLUP chung changah chuan. Kan hotute sawi zawng zawng kha sawi vek ka tum lo a, mahse NLUP hi kan ngaihpawimawh deuh ber tlangpui ni a a lan avangin ka'n sawi mai a ni a.

Tin, power hi inpuhmawhna fo chi niin ka hre lova, chanchinbuah hian mi thiam inti thiam zikluak lo ni awm tak, hria inti hre zikluak lo ni awm tak thui fe fe ziak ching an tam hle a, chu chuan mipui ngaihdan hi a tibuai thin a, chu chu pawi ka ti a. Tin, chumi karah chuan politics a inchirhtheh nan kan hmang thina a pawi khawp mai. Hmanniah chuan kan Parliamentary Secretary, kan hotu pakhatin inpuhmawhna tur chi a ni lo e, chutiang khatiang chu thil awm dan a ni e, a ti a, mahselangin, awih duh lo an awm a ni. Amaherawhchu, thil kan awih duh lova, kan sawi duh a nih pawh hian kan sawi dan phungah hian thu dik sawi hram hram ila a tha ka ti a. Serlui B Hydel Project hi kan hun hmasaah khan kan khawih a ni. Tuna kan President zahawm tak Pranab Mukherjee hi Vice Chairman, Planning Commission a ni nghe nghe a, a phur khawp mai a, mega watt 9 tur niin ka hria. Chung kan han khuapna tur sumte chu min pe a, amaherawhchu, kan han thawk tan a eng emaw chen kan han kal tawh hnuah khan kan mithiamten nakina kan zawh huna a power per unit kan hralhna tur kha chutih laiah pawh chuan Rs 4.50/- a ni a, a sang lutuk a, a hlawk dawn lova, chuvangin, hei hi economically-in aviable love, tiin bansan turin, abandon turin min rawn avangin kan abandon a ni. Khatih lai hunah khan economic clearance ni 26.7.1990 ah kan hmu a ni. Tin, Forest clearance ni 26.7.1990 ah kan hmu a ni, tin, environmental clearance ni 7.5.1991 ah kan hmu a ni. Khang kha Serlui B Hydel Project mega watt 9 tan khatih hunlaia a hlawk dawn love tih avang a kan banson leh tak a tan khan a ni. Tuna Sorkar hmasain an khuah atan khuan a ni lo a ni, tih hi Pu Speaker, he House kaltlang hian MNF unaute press release siamtute pawh hi ka hriattir duh, thu dik hriat zel hi a tha. Chutiang chu a ni, chuvangin tun ami tan hian forest clearance lak ala ni lo, lak tumna pawh a awm lo ni awm tak a ni, record kan han ennaah hi chuan. Chutiang chu a ni a, chuvang in 2009 nge 2010 a nih ka hre lova.....an hre reng em ka hre lova, kha khan forest clearance kan dil a. Annin a tih tur min rawn tih angte kan theih ang ang chu kan ti a, tin, chumi piah lamah chuan a sub-margin area a lo li pup tawh a forest clearance neih hma pawh khan, khami sub-margin area kha forest clearance kan neih theih dawn chuan a aiawh tur, a thlakna tur ram kan pek a ngai, chung pek turte pawh han dap mai tur kan ramah hian a vang tawh khawp mai, chutiang zel chu a ni a. Chuvangin, tun thleng hian forest clearance kan la hmu lo a ni. Forest Clearance awmsa a RTI Act hmanga kan neih an tih hi chu a hmasa atana tih kha a ni a, tuna a tharthawh lehna 12 mega watt atan hian a nilo tih hi kan hriat atan ka duh. Mahse chuti chungin thil tha tak a ni a, kan mamawh tihtlan a tul a, tuna kan lo luh leh hnu hian vaibelchhe tam tak kan sen belh tawh piah lamah tunah hian vaibelchhe ruk vel company ho ta khu kan ba a, chu pawh chu tun thleng hian kan la rul thei lo. Tin, mega watt 12 pechhuak thei tura kan beisei hi tunah hian mega watt 8 a pe thei che che a ni. Chutiang chu a ni a, tunah hian inpuhmawh

nana hman fo hi chu a tul hranpa lova, mahse tute mah ka khap theih chu an ni hranpa lem lo.

Tin, power hmalak mek dang an sawi lova, tih te hi Governor-in-a House a rawn address a ziah lan loh chhan hi a pawimawh zual deuh hun hmasa lama sawi vek tawh anih vangin sawi sawi tur a ni lova, thilthar deuh ang chi te leh khatiang pawimawh zual te kha an sawi chauh a ni a. Department zawng zawng khuh theih pawh a ni lova. Tin, khatiang khuh khan rawn sawi se dar kar khat darkar hnih vel sawi ta selangin kan complaint leh tho mai awm mang e aw, ka ti. Chutiang chu a ni a, chuvangin Governor Address hi kan ngaihthlak vawikhatna a ni lova, a kimchanglo tih lampang a sawisel kha chu a puitling teh chiam lo. Hetiang hi tunah power dinhmun leh thil awmdan a ni. Tin, tu Sorkar mah hi kan dem a tulin ka hre lova, kan hun hmasa lam a tawp dawn lampang thleng pawh khan State Sorkar thuneihna chu megawatt 3 chin chiah hi a ni. Megawatt 3 a pelh chuan central lamah dahthlak a ngai a, techno economic clearance, environment clearance, Forest clearance kha tiang zawng zawng kha tih a ngai a, kum 5 kum 10/15 te a duh thin. Chuvang chuan chumi pumpelh nan chuan mega watt 6 kan khuah dawn pawhin Tuijang lui a ni emaw Kau Tlabung a ni emaw khawi pawh nise, Maicham a ni emaw megawatt 3 kan tih theih chin a ni emaw megawatt 2 ah te kan ti phawt a delay anih loh nan, chu chu khatih lai hunah khan a kalphung a ni. Devi Gauda hun hnuhnung lamah khan, a ni kha a rei lova, khatah khan Chief Minister-te min ko khawmin chutah chuan tun hnuah chuan mega watt 15 ni tawh se a tha ang, a ti a, kan lawm hle a. Joyti Basu khatih hun laia West Bengal Chief Minister phei chuan kan ram Prime Minister ni tur hian State-ah engemaw chen tal Chief Minister lo ni tawh hnu a ni tur a ni tih te hi tel selangin, kan ram pumpui tan a that phah khawp ang ti khawpin lawmthu a sawi a ni. Chu chu kan hriat a tha a, chuvangin clearance neih mai hi a awlailo khawp mai tih hi mipangai chin chuan hriat atan a tha.

Tunah pawh Serluite pawh ka sawi tak ang khan mega watt 12 pechhuak thei tura tih kha tunah chuan mega watt 8 a pechhuak thei che che chauh a ni. Chutiang chu a ni a, tunah hian Hydel Project atan hma kan lakna zawng zawng piah lamah Coal block hi kan dil mek a, Coal block for commercial purpose a awm a, Coal block for power hi a awm a ni. Power hi kan dil a, kan bei ngawrh hle a, Prime Minister hnenah pawh ka thlen tawh a, an strick hle a, an duhtui hle bawk a. Amaherawhchu, kan ramah mineral pakhatmah kan nei ve lova power hi kan ram a kilkhawr avangin rawn tlente pawh a harsa a, chuvangin special consideration kan mamawh a ni, kan ti a. He Coal block hi min pek theih chuan mega watt 500 atanga 1000 vel inkar hi chu an peih hunah chuan nei thei turah kan inngai. Chu chu Mizorama kan la hriat lar lem loh Coal block atanga Power neihna tur hmalakna a ni. Chutiang chuan Power lama kan intodelhna turin hma kan la a ni, tin kan mega watt chante a tlem lutuk tih hi State-in keimahni Hydel project atana kan kalpui thei te anih loh chuan Central fund a ngai a, Central-in min fund dawn chuan PPP mode a ngai a, PPP mode a nih chuan tuna danin a phal ang zat hian tu state mah an kal thei lo, chu chu Mizo mipuiten kan hriat a tha, a tul anga kan inpuh mawh lohna turin chutiang chu a ni. Tin, 12% kan chan piah lamah khan concessional rate-a kan la neih theih zat engemaw zat ala awm thei bawk a, chuvangin neih loh aiin neih kha a tha hrim hrim Pu Speaker. A lehlamah chuan nichina kan ngaihthlak tawh ang khan Member zahawmtak

Pu Duhoma sawi ang khan a ni a, Tourism atante pawh hman tangkai theih te pawh a ni a. Tourism Industry atang ringawt pawh hian hausa thei tur dinhmunah kan ding a, chuvang chuan kan hotuten an ngaihtuah chho mek zel a ni. Chu chu a tlangpuiin kan hotute thu han sawi atang khan ka'n sawi duh a ni.

Tin, a bikin NLUP-ah han kir leh ta ila, khatiang thil diklo a awm kha chuan Congress Unit-in emaw cheng hnih in pek loh chuan in dawng dawn, an lo tih chuan, chung chu ka mi huat berte zing a mi a ni. Pu Speaker, ka duhloh berte zing a mi an ni, chu chu tilo turin ka kalna apiangah tun inrinniah pawh khan Thenzawl bialah engemaw zat an thlan leh dawn avangin ka hrilh ngun hle a ni.

Tin, MLA Fund tlem te kan neih pawh hi Party inthliar lovin a mamawh apiangin inhlawhnan an hmang tur a ni, tih hi ka thunawn a ni. Chu chu thildang Project-ah pawh hian sawrkar ang pawhin kan duh dan a ni tih hi Pu Speaker, min hriatpui turin ka duh a ni. Lawm fo rawhu, ka ti leh pek thin ang, tih te hi keini ho hi chuanin tum ilangin mipui an lo lawm chuan tiang khan thil a kal thei dawn a ni. Tin, helaiah hian Kolosib a Upa hei Zetphira kohhran upa a ni a, hemi hian NLUP a awilo lutuk a, inthlanah khan vote pawh min vote lova, mahse mitaima a ni, an ti a an pe lui ve a, tunah chuan a hlawhtling pawl tak a ni a, a lawm khawp mai a. A lawm avang khan Congress-ah a inziaklut ve a ni awm e. Titha ber lawmman a dawng lehnghal a, chutiang chu an awm nawk a ni. Chuvangin, a lehlamah chuan khatia an dawng ve chhun te kha an rawn inziahluh zel si avangin, a lehlamah chuan kan phal zau lutuk a, kan huam zau lutuk chuan MNF unaute pawh an tlem tial tial ang tih a hlauhawm a, chuvang chuan insumkar deuh te pawh a ngai maithei, beram inruk sak loh te kha, kan ti leh chul ang, tih kha a hlauhawm riau a ni.

Pu Speaker, member zahawm tak Pu Liantlinga'n RFD a ngaipawimawh hi a lawmawm takzet a, 2009 Oct. ni 11 a Prime Minister-in a rawn tih a ni. Performance Monitoring & Evaluation System for Government Departments tih kha tunhma chuan process oriented approach-in a kal thin a, tunah chuan result oriented-in sorkar programme te kalpui tum a ni. Chumi atan chuan result frame work document hi an rawn duang chhuak a ni. Kan ramah chuan nichina kan member zahawm takin a rawn sawi tawh ang khan January thla khan Prime Minister Office atangin Secretary pakhat a lo kal a, Administrative Institute-ah te kan DP & AR Minister Pu Liansailova ho hian training an nei a, chuta tanga rawn kal chhuak a hemi hi rawn thleng chho a ni a, thil tha tak a ni, sorkar inrelbawlna Governance-ah pawh nasa takin min pui dawn a. Tin, a hremna a awm lo tih kha tunah hi chuan a hremna lampang hi an ngaihsak lova amaherawhchu, a hrem theih dan erawh chu a titha duhlo leh a tidiklote chu an ACR lamah khan a lang dawn a ni, chu chu hremna tur a ni a, sorkar hnathawk tan chuan na tak anih zawk ka ring. Chu chu RAB lampang thil awmdan a ni, kha kha a tlangpui ni mai selangin.

Doctor indaih loh tih te hi chu kan hriat sa vek a ni a, tuna Cabinet-in a rawih tur kan tihte pawh hi sorkar hmasaa an lo rawih sa vek kha regularized

kha a ni deuh tlangpui mai. Chuvang chuan kan indaih phah vak dawn chuang lova, tiang khan a US-te pawh hi nichina kan ngaihthlak ang khan mirethei zawkte tan chuan thil tha tak a ni, man lova sem turte a ni. Mahse mihring kan indaih lova, sum kan indaih bawk lova, sum harsatna avangin harsatna kan tawk nasa hle a ni.

Chuvangin, hei Pathian hian lei hnuai hausakna hi a hnam thlante ringtu zaa za inti te ropuina tham hi leihnuai hausakna a dah hi kan hotute nen hian kan ring nghet tlat a, hun hmasaah khan chu chu min zawn sak turin ONGC kan chah chhuak a ni. In hriat theuh angin Bilkhawthlir daiah kum 2 vel zet an tap a, promising an ti hle a. Thingdawl daiah an lo chho leh a kum 2 vel zet an tap leh a. Chumi zawah chuan Hunthar veng Aizawl west-ah lo chho leh tur an ni a. Chuvangin Kawnpui to Sairang kawngte kha kan widen-a, tin, leilawn chak tawhlo te kan strengthen a, kan tichak a, BRTF te nena tang hovin. Tin, Hunthar vengah khuan ram te pawh an lo aquire tawh a ni, mahse inthlan a lo ni a kan tla ta hlauh a, an reh ta vang vang a ni. Pu Speaker, chuvangin 2007/2008 velah kan lo kir leh dawnra boruak a lanah khan chutih laia Petroleum Minister te Mani Shankar Iter-te khang ho hnenah khan hei tihtthat leh zung zung a tha e kan ti a. Hei Multi Modal Transport project thleng hian chutiang chuan Burma sorkar nen kan inrem a, join survey neih tur a ni a, Burmese Engineer te leh kan Engineer ten join survey an nei a, mahse kan tla ta a, a reh leh ta a. Tichuan kan lo luh leh hmain hei hi chu i chhunzawm ang kan Prime Minister look East Policy-te nen pawh a inmil a ni, kan ti a, an rawn phur hle a. Tichuan tunah hian chhunzawm a ni chho mek zelin chak taka hmalak a ni chho a. Chutiang chuan leihnuai hausakna pawh hi tunah hian ngawrh takin an bei a, khutah Meidum-ah Bairabi laiah Natural gas chu an hmuchhuak a, a tam tham hle a ni, tih pawh an hria a. Amaherawhchu, rinhlelh ka nei a he House hi ka share duh a, tuna Paltana Thermal Project-ah khuan megawatt 625 pechhuak thei turin keini hian megawatt 20 zet kan chan ve tur a man pawh kan pe tawh a, chu chu natural gas a siam a ni a, natural gas khami a strata? an ti emawni ka hre ve lova, a line kha a inzawm a Tripura sorkar leh ONGC te hian working partnership thawh hona thuthlung an lo nei a, chumi avang chuan khulai khu an thawk chak duh lo a ni, an ti a. Hmanniah khan Delhi-ah Chairman koin hrilh ka duh a mahse a lo awm lova, nizanah khan Oil India ho central Mizoram, Thenzawl leh Keifang area a thawktu turte an lo leng a, chumite chuan khilaia an hmuh oil deposit khian Iran deposit khu a tluk ve ang, an ti. Chuti a nih chuan khawvela hausakna tham a ni dawn a, India hian natural gas kan Cooking gas hi an hnen atangin kan la a, a chang chuan kan harsa thin a ni. Niminpiah maiah khan Pakistan President Zardari a zuk zin a, Iran nen chuan khami Natural Gas supply lama insumdawn tawnna tur thuthlung an sign nghe nghe a, chutiang chu a ni a. Mahselangin, kan ram hi ka sawi fo tawh angin compensation atchilh tlat hnam, kut tlinglo pawha compensation lak pawisa miahlo hnam kan ni. Hei Sihhmui to University hemi kawng te pawh hi tunah hian lai tan thei tawh kan ni a, mahselangin, compensation claim-na avangin kan duh angin kan kal chak thei lova, kal chak dan kan zawng a. Rail kawng hi 2014 ah Sairang kan rawn thlen ang an tia, mahse, compensation avangin tunah hian tender an koh tawh pawh kha kan cancel leh rih a ni. Compensation-ah kan buai a, chutiang chu a ni, Multi Modal project-ah pawh ram palailengte pawh kha LSC nei an lo awm zel a. Chuvangin, hman deuh khan an intikhawm a, mahse, kan Home Minister hian Police Battalion thawn a, laih tlang tho a tum avangin an tai tam leh ta rih a. Chutiang hnam chu kan nia, a buaithlak khawp a. Keifang-ah pawh chuan Land acquire tur avangin an

buai rih a. Chungte pawh chu engtianga tihfel tur nge niang, kan ti a ni. Tin, chhim lampangah sawn a tam zawk an la ring ang, chu chu Reliance company-te chan a ni a. Mahse, Reliance company-ten an thawk thalo hle a. Hei hi a intur dan kan ngaihtuah mek a ni. Chung ang zawng zawng kan share duhna chhan chu tu pawh democracy-ah chuan sorkar thei kan ni a. Heng ang zawng zawng hi kut tlinglova sum lak pawisak lohna te emaw tellova duhamna tellova inchhunzawm sak zel hi a pawimawh hlein ka ring a. Serlui 'B' te pawh kan chhunzawm a sum nei hleilo chungin, hei tunah hian Vaibelchhe 10 engemaw zat kan seng tawh a, Vaibelchhe 6 kan la ba a ni. Chutiangchu a ni a, heng ka'n sawiduhna chhan chu vawiinah hian kan ram leihnuai hausakna atang ringawt pawh hian Hydel Project a kan intodelhna atang ringawt pawhin Road Network tha zawk tunah hian SPA (Special Plan Assistant) kan sawi let leh lawk duh chu tunah hian Arunachal-in Vaibelchhe 600 Prime Minister Package ami kha Special Plan Assistant in Plan chhunga lokal a ni. Tin, keini hian Special Plan Assistant hnuaih Vaibelchhe 200 kan nei a, Meghalaya in 300 an nei a, Nagaland in 210 an nei a. Chutiang chu tunah hian kan la hmulo theuh a ni. Mahse, Plan a tel kha a ni. Chuvangin, kha kha Special Plan Assistant an ti a, Normal Plan Assistant a awm a, khatiang karah khan tun ami Special Plan Assistant a ni a. Hei hi Plan chhunga khung tawh mahse vawiin thlenga kan la hmuhloh a ni a. North Eastern State te kan hmuhloh tlan avangin nimin te khan Nagaland Chief Minister-in min rawn phone a, Meghalaya Chief Minister-in mi rawn phone a, Prime Minister hnenah lo take up teh min ti a, ka take up tawh a. Tunah hian beiseina sang tak chu kan nei. Chutiang chiah chuan NLUP pawh hi Special Economic Package chhungah Cabinet Committee on Economic Affairs a dangtena special taka an rawn dah a ni a. NLUP tan chauh hman tur a ni a, a dangah hman a thiang lo a ni tih hi Zoram mipuite ka hriattir duh a. Sorkar hnathawkin hemi avang hian kan department kan chawrche, hlawh lak tur kan neilo an ti anih chuan Sorkar dodal an ni a, an chungah dan lek theih a ni ang. Chutiang chu Pu Speaker, thil awmdan a ni. Vawiinah helaiah kan Member zahawm tak takten neitu chan chang takin Sorkar pawh dimdawi tak leh duhsak takin kan Governor Address kha kan han sawiho thei hi a lawmawm ka ti a. Thenkhat sawi dan te phei kha chu an zahawm hle a. Keimahni kalkawngah pawh insiamthatna tur khawp awm ang chite min sawi sak a, a lawmawm a. Tin, an thahnemngaihna a lawmawm a, tin, tun hnu zelah pawh Pu Speaker, kan thahnemngaihnate a tlak rual theihna turin thil kan ngaihmawh leh ngaihpawimawhte chu inhriattir zel ilangin, action lak dan turte pawh kan ngaihtuah tlang zel ang, chutiang chu a ni. Vawiinah hian ram leilung fa vek kan ni. Ram leilung fa nilote hian he ram hi an nei ang tih ka hlau hle a ni vawiinah hian. Naktuk, naktipah kan tu leh fate hi ram pawnlam pang mi, chungho hnuaih chuan an inhlawhfa ang tih ka hlau hle a ni, vawiina kan awmdanah chuan.

Chuvangin, kan zavai hian tan kan lak a ngai a, amaherawhchu, chanchinthia kan hrilh chhung chuan Lalpan tute mah min chimral tir chu ka ringlo. Amaherawhchu, thil tam zawk kan tih theihna turin kan ram hausakna hi kan haichhuah a, malsawmna tam tak, kan tawng buak a, chung malsawmna chu chhungkaw tinte hnenah inthliarna awm miah lovin luanglut se kan duh a ni. Tichuan, chhungkaw tinte lawmthu sawina chuan Kohhran tinte thawhawm tipung sela. Thawhawm pung atang chuan tam zawkin luang chhuak ila tih hi kan duh dan a ni. Chu chu kan Sorkar-

in a tum a ni. Chumi ti thei tur chuan kan zavai hian mawphphurhna kan nei a. A chhe lai siamthatu tura kohte kan ni tih hi kan inhrilh nawn leh duh a ni e. Ka lawm e.

SPEAKER : Awle, Chief Minister-in a rawn wind-up ta a. Motion neitu Dr Ngurdingliana kan ko tawh ang a, ani hianin sawi tur a tih ang te han sawi sela. Tin, adopt rawn dil nghal se a tha ang e.

Dr NGURDINGLIANA : Pu Speaker, ka lawm e. Tuna kan House Leader sawi ang khan he Motion pawimawh takah hian kan Member-in rilru leh ngaihtuahna takzeten in rawn sawichhuak niin a lang a. Khawimaw thenlaliahte duhthawhna avangte, ngaihdan inanglo te an awm hlek a. Amaherawhchu, a tlangpui chuan he motion-ah hian miin ngaihtuahna kan pek angin kan pawm tlang thei niin a lang a. Chuvang chuan, he Motion of Thanks ka rawn putluh hi he House zahawm tak hian min pass-pui turin ka rawn ngen a ni e. Ka lawm e.

*Speech not corrected.

SPEAKER : Awle, Governor thusawi chungchanga lawmthu sawina Motion of Thanks, “That the member of the Mizoram Legislative Assembly in this session are deeply grateful to the Governor for the address which he has been pleased to deliver to the Assembly on the 12th March, 2013.” Chu kan sawiho ta a, remti apiangin ‘Remti’ ti ru le, remtilo kan awm chuan ‘remtilo’ ti ula.

Awle, kan Governor thusawi chungchanga lawmthu sawina Motion of Thanks chu House-in a adopt ta a ni.

Vawiina kan tih tur chu kan lo zo ve ta a, kan chawl tawh ang aktuk ni 14.3.2013 zinglam dar 10:30 ah kan thukhawm leh dawn nia. Sitting is adjourned at 5 : 23 PM.